

近代中國史料叢刊續編第十二輯  
沈雲龍主編

安樂鄉人詩集

金兆蕃著

文藻出版社

有限公司

印行

樂遊天

詩集

褚德壽署



安樂鄉人詩集序

鈺與秀水金君錢孫同鄉舉者四十  
餘年矣君嘗服官吾吳至子後又嘗同  
預史局兩人靈鈍不侔而情好如昆  
弟君開朗沈毅軼出儕輩詩學則承  
其鄉籀石穀原柘坡諸先生之緒致

力尤深比來手寫稿若干卷。屬書誓  
序且謂桐城老輩論文曰有物曰有  
序私欲更進一解以修辭立誠為之  
先徵論言不由衷為不誠之大者即  
遣詞使事稍不符分寸則其於誠  
也云何以故。剛蘊舊作所自斤者。在

此銘於此事未窺門戶然於古今論  
詩家言則嘗肄習及之存誠之說近  
賢山陽潘彥輔氏最所標舉謂詩  
境以質實為先質則不悅人實則不  
欺人事以質實為的則人事治矣  
人人之詩以質實為的則人心治而

人事亦漸可治矣心聲之發詩為至  
精知言之士必推本於君子之言無  
所於苟之故是其言中之意所囊括  
者無涯量且其言外之意所當摧陷  
而廓清者更無涯量陳義之高充類  
之廣有如此者君存詩宗旨先後懸

同願其持論亦兼取惜抱之所以論  
古文者謂格律聲色正所以達吾之  
誠必先有春華而後有秋實其說之  
與潘氏之論相發輒疏所聞證成其  
說正所以明君之真際也君別有詞  
稿若干卷附詩以存舉可以此為例

銘不更端稱述者志所重也

歲在重光協洽秋九月長洲章銘





安樂鄉人詩一

嘉興金兆蕃錢孫

勞玉初先生寄示出都詩和韻

孤鳳高騫苑樹蒼  
國門一步淚千行  
竹書二伯諍新詰  
蘭佩三闕睨舊鄉  
月落令威歸隔世  
山空杜宇咽斜陽  
救亡枉歎橫流急  
此誤文家擬博浪

短筇高倚萬山蒼  
回首江雲雁幾行  
同谷歌成皆補史  
皋橋春穩便爲鄉  
迢遙遼海思根矩  
慘淡虞淵訣魯陽  
泉水到頭有清濁  
擇途吾亦識滄浪

聞婦兄耿伯齊道沖南還

春事衰蘭舊侶稀  
灞橋殘絮  
行人六月歸

南泊芙蓉夢裏花  
舊游尺下  
東京紀夢華

篋中得十餘年前與舍弟  
同晨興攬鏡深自憐  
如此種種相對兩少年  
畫中頗復寫  
三年中電影雲痕  
視此跡我漁但求苟全  
亦非易弟猶在  
稍葺所居齋

少孤去作諸侯客徒手來還鬢毛白煙塵昨歲完孤城風雨  
先人庇故宅門東小塾頗清迥略似歸家誇項脊頻歲羈旅  
江海閒客作雜居恣狼藉綠草映階怒欲蔓白魚生書大將  
尺南方卑溼戒在豫以木傳地扶寸隔鼠穿蟻蝕那得免當  
其朽處不容席掃除一室此易耳力祛蠹聚繕龜坼安居自  
此宜琴書使才居然到履屐抱膝從知臥榻寬放歌欲破小  
庭窄月來窺窗如笑人廿年冉冉居幾夕閉門蟄處今奈何  
後時獨立孰相惜汝身罅漏良已多安得咄嗟補其隙

銅雀臺瓦

七十二墳骨已朽阿瞞那得如汝壽草窗奮椎石田筆區區

成毀復何有荒榛頑蘚苦侵蝕餘事足了百九墨千秋太息  
建安年琳瑯文章少顏色英雄割據良可哀雀去無復當時  
臺誰家甲第漳河上又爲他時作硯材

陳章侯畫御溝題葉故事

人間于賈豈易逢倚闌擲筆啼春風老蓮何從得此態愁深  
意亂難爲容宛轉波閒紅一片今生何地能重見低首多應  
避念奴忽驚月上回心院桐陰蕭瑟人斷魂寂寥況復悲長  
門從知翠袖宜空谷日暮猶堪倚修竹

天台赤藤杖歌

去歲游金陵有客爲我言天台羣峰揭天石盡赤雲霞起滅

森崔嵬晴虹跨空劣受趾寒裳徑度卻復迴懸崖飛瀑更奇  
絕天上匹練地下萬斛跳瓊瑰樹生於其間清泉怪石相胚  
胎亦有古藤中杖材尺度既足尋斧裁青藜黃竹皆與臺歸  
來手撫赤虯骨何年翦伐山水窟孤根久斷分枯槁生意中  
全仍勃窣龍威丈人倘得此金支翠旗相出沒騎汝直上崑  
崙巔捧出羲輪照溟渤我今倦游汝則那隱囊斜倚從摩挲  
聊綴客語爲汝歌汝才濟勝棄高閣歎息顛危奈若何

中秋薛鶴籌

振基

邀泛湖看月示同游諸君

天上湖中雙玉盤年年負汝異鄉看直從江海游蹤徧始信  
煙波故里寬佳節共應酬醕酎深宵頻爲拜團欒勞生自歎

知津倦極浦揚船怯暮寒

明月圓圓起海東一時光燄萬方同高寒樓宇今誰在端正  
河山只此中風定歌聲能入破水深燈影盡浮空歲時行樂  
猶如昔底事姮娥恨未窮

衡山歌贈陸廉夫

恢

廉夫來游平湖爲余作雙桂堂圖喬木不春老大滋媿一日  
爲言曩客吳憲齋中丞所同游衡山徧圖其勝遂次問答語  
作歌投之

凍雲壓樹風雪頑閉門撥火談衡山祝融石廩負天立低昂  
七二驕相環其巔磐石禹書在金玉剝落空爛熳沅瀟諸水

發源處清泉徹底流潺潺使君風雅問邱壑賓從雜沓都且  
閑時方中歲腰腳健懸崖絕磴窮躋攀向來慘淡富粉本天  
壤自有真荆關山叢樹罅意匠入林嵐卷擲扁舟還歸來卅  
年臥松菊靜中一笑千髻鬢諸君五嶽恐未徧盍試發篋窺  
蒼顏湘妃倚竹茹殘淚朱鳥鳴夜凝餘殷那知名山有真面  
卻在畫筆非塵寰我聞君言起太息欲述前游更心惻上章  
之歲三輔亂閒行遠度齊魯域驅車正出秦山下馬首沈沈  
青巖劣彼爲天門此日觀僕夫舉鞭我憑軾但知離亂幸生  
還那有心情到登陟此行今亦十年所飛鳥層雲枉追憶平  
生藩溷恣拋棄終竟榆枋傷偃仄臥游縱可亦已晚掩卷相

憐共無極金陀老屋久灰燼一昔因君壯顏  
所借并曰定交我猶慙玉龍十萬舞簾外酒  
天風夜泉硯歌

硯爲明福洞主舊物先師晬廬徐先生所藏  
敬賦是篇海雪嘗爲阮圓海詠懷堂集作序  
故篇終及之

人琴終古隨逝波惟有如石心不磨  
上欲齊羲娥天風夜泉義何取五字奇古兼  
走絕徼雙琴同載馳青羸天子不知問楊意  
陀飛書馳檄得此手墨鱗酣照朱顏  
新詩上



一譜入蘆笙和公因底事欲焚棄芙蓉葉爛歸蹉跎倦飛復  
還華表鶴陸沈空歎宮門馳試從敗局問殘劫安有禁方療  
薦瘡鼎湖龍去攀不得慚媿班筆非魯戈陳雲壓城氣盡黑  
赤丸白刃相擊摩神仙有劫那能救揮淚奈此蒼生何起呼  
賢子出門去平生長物重摩挲歌風器重抱以殉硯我自得  
棄則那是日珠江晝飛雪少微墮浪如投梭列真下迎盛幢  
節壺前眵後驂鮫鬣故人玉帶落誰手舊鄉臨睨行逶迤公  
於明室未食祿報以國士良已多可憐文采駭流俗那有風  
漢堪制科襴衫垂敝尙褫奪銅柱遠游傷轆軻昔鹽今兩幸  
無恙公卽不死誰譏訶況無徵書坐逼迫盍且賣卜聊委蛇

鳴呼士人識忠孝何忍末路從媿嬰始還燕鼎望昌國終誦  
楚些沈汨羅一篇孤憤痛至骨男兒死耳邊論佗至今模糊  
鸚鵡眼石淚公淚交滂沱無多朋舊肯輕負詠懷一序傳豈  
訛彼時江孔未猖獗後來南董毋煩苛石兄猶在試相證公  
本坦白非私阿諸家題詩所未及璧瑕留待琢與磋我今補  
銘立此義羅浮萬里寒嵯峨

### 宮井篇

金轆轤收銀纆絕中有貞魂夜嗚咽萬劫纏綿精衛心一泓  
黯淡子規血蒸聞荀憲出侯家露種雲栽姊妹花咏絮庭階  
徵慧業頌椒戚里紀才華珊玉交柯互葱蒨那知合德慚飛

燕最小尤邀阿母憐能詩每起諸昆羨漫問人閒玉鏡臺芻  
尼雙報好音來豈因門戶求光彩多恐天人少壻才是時長  
信方虛位妙選良家循故事蘋澗咨諏季女賢椒塗鄭重君  
王意霞帔雲駟拜早朝雙芙蓉壓萬花驕綠籞留御丹毫染  
共喻東風屬二喬史官枉頌宣仁后調護官家復何有但冀  
門楣重外家何嘗鐘鼓求嘉偶手書特下定中宮以姪從姑  
禮數隆仙近瑤池班自貴嬌藏金屋語旋空先期仍建臨春  
閣相臣宣冊宮懸作共羨齊飛近太陽還教連袂朝長樂鸞  
輿平入止車門親迎方知敵體尊甥舅婚姻先大國晨昏滌  
滌怙慈恩普天同懾金輪聖嘉禮初成詔歸政廿年再撤白

紗幃此事朝家未爲盛排雲樓閣瞰昆明卻借軍興助水衡  
乍可武皇勞習戰竭來文母祝長生賢妃心忱危機伏竈曰  
新來語還惡昭訓何緣忤獨孤樊姬豈敢言孫叔螟蠹由來  
釁易尋中宮督過復相侵佩璫朝正嫌位逼盟釵夜半嫉恩  
深小印親鈐僥倖趙慈甯怒卻充華表羅織焚椒一卷成錄  
中罪狀知多少鞭鸞撻鳳肯相寬座上君王掩面看蘭定當  
鋤珠淚咽蔓因屢折玉容殘強顏甘受泥中辱名花摧折罌  
風酷點額何煩獺髓調斷腸誰乞鸞膠續紈扇悲涼感不禁  
況教同謫累瓠碓共看永巷三更月依舊君王萬古心從此  
龍顏常不懌欲還阿柄嗟無策易得蘇張辨士才難收產祿

諸軍籍徒木威輕令不行投梭謗急事誰明若爲扶得潛龍  
起至竟難求畫虎成碧鸞頃刻重迴馭殘星睽睽嚴霜曙紫  
氣爭迎西母來青陽暗逐東皇去表顰臨軒作奏工內傳刑  
賞出宮中太液池西顯陽殿寂寥眞不減樓東堯城卽在華  
林圃根葉猶教共辛苦萬乘君王失意人一片瀛臺乾淨土  
宮庭行孟古應稀湘竹斑痕徧御衣失水蛟龍方意氣當關  
虎豹又戎機驕王遷怒違言始欲冊王孫作天子主鬯三朝  
策定無叩關六國兵來矣丁甲神奇戊己屯併成大錯鑄蒙  
塵從亡已分偕良娣臨發猶能殺太眞拜詔但言賜卿死阿  
武相殘何至此自合縑囊撲殺休初無複壁求生恥未悲此

變起蒼黃但恨他生事渺茫妾心早辦井波定妾身甘化井  
泥香崦嵫留得餘暉在微軀齎粉原無悔射日將如毒手何  
化虹還向前頭待懸崖決絕赴重泉位業仍歸離恨天慘禍  
差同漢宮彘殘魂還作蜀山鵑乘輿此日悲歧路珊瑚鞭折  
驂騑駐豆粥分嘗少一人柘觀迴看不知處從官傳報失傾  
城悽惻君王馬上情共命文禽難遁死紇干凍雀忍孤生昔  
潛於淵今在野沈冥魚服何爲者似聞輓輅議關中又傳定  
歆盟城下經年播越復收京歌舞斑衣飾太平彤陛三朝嚴  
禮法黃臺一摘噤歌聲歎息北宮仍閉置楚歌楚舞同揮淚  
九龍殿側夕陽中念奴指點傷心地跼蹐庭院立多時落盡

桐花斷菑絲倩影猶疑鑿環佩血痕那肯作胭脂萬一微波  
通繾綣高唐夢亦君王願枉費東朝錫祿文難償南內聞鈴  
怨聞道深宮意兢業蒼鵝惡讖紅羊劫計左三渝海上盟圖  
窮一試荆公法往復平陂劇可哀天心旣厭豈能回橫磨利  
劔新經義覆雨翻雲盡禍胎帝江尤懼鬼謀驗黢黯窮泉求  
故劔身到虞淵判共沈心知炎井難重燄上陽病亦向秋孱  
先後生天一日閒若使眞冷遲且暮倘能返照滿河山守祧  
重賴旁枝續委裘負屐深相屬邵陵兄弟中外軍會稽父子  
東西錄殿前鐘虞忽蒼涼禪詔無端出未央姑婦殘棋分勝  
負祖孫繡襖論興亡滄波賸取靈鷲翼昭陽非復寒雅色隨

例銅鑲作太妃斷腸玉樹悲亡國想像神君領玉霄青天碧  
海夢迢迢雀臺涕淚蠟磯殉不負重瞳祇二姚卽今彤管無  
南董碧血空隨井華湧落如泉不變滄桑報主人休比張孔  
凡楚存亡莫費辭一朝終始託風詩落花直下崑崙井仙果  
追思阿耨池

海水

海水空濛盪碧虛遠游蹤跡近何如霜寒鷹隼全毛羽日暮  
魚龍護起居絕域定驚新節物中原猶拜舊儲胥十洲古有  
長生藥珍重波濤感慨餘

撫髀揮涕歎蹉跎餘景匆匆擲逝波國豈無人繞朝策天猶



有憾魯陽戈目迷方罨輪殘劫手習頑鉛棄太阿畢竟陸沈  
誰任責空券將奈羿弓何

扶桑依舊日曛隴不信仙槎作斷蓬采藥山誰遇平仲畫蘭  
人自說宜中極天風雨將愁入隔海觚稜有夢通莫上蓬萊  
高處望浮雲深蔽玉華宮

冰雪長途共載時覆巢僥倖託寒枝絕裾赴難終虛擬負勒  
從行亦苦遲公爲君親堅獨往天於桑海鑄新詩冥鴻倘念  
棲堂燕棖觸平居故國思

島樹洲雲春又深傷春無那罷登臨自爲風氣人閒事獨倚  
蒼茫客子心精衛昔聞仍抱石成連今去欲焚琴敢憑晚節

持貞運翠竹蒼松照舊林

與馮延雲

汝禧

共飲作歌

神仙家言何渺茫日夜併力趨北邙口言作達痛在骨如魏  
公子還大梁枯魚過河幸相煦丐君尊酒自勞苦平生乾笑  
長爪兒遮莫空澆趙州土醒既碌碌醉更休所不能休畔牢  
愁一甌入腹百端迸雞蟲於我何恩伏雞蟲事大桑海小此  
語支離君未曉我心浩渺擲寒江一夕金焦萬迴繞酒酣燈  
炮參斗高如此措大猶能豪八荒瀕洞奈何許有不落拓非  
吾曹嗚呼有不意氣非吾曹

題朱山泉先生遺象

建封作鎮彭城日先公奕奕賓從閒每聞父老頌前政力任保障誅凶殘威名無乃韓范亞循惠不啻龔黃班使君往矣八龍在慈明尤是青琅玕當時甫白證投分後來陽禹爲同官益知匡濟本庭教相許光大迴時艱天空鳥飛那可測東勞西燕何飄飄幾回離合已晚歲最後言笑猶鄉關通家誼重及子姓麻裳葛帔矜我頑拄車借喻媿才拙毀瓦得食嗟恩寬國當叔季每多制侍坐罕得窺開顏嘗從賓退得請閒手出長卷呼同看圖中清肅見遺象紙上恍惚聞長歎不知端坐念何事眼低不瞬眉深攢得非民生苦驕寇否或吏道傷多端遺詩跋尾墨悽黯思親淚跡紅爛熳我時避席致深

敬公起掩卷悲汎瀾神羊獨角棲公冠輅車仍指雲龍山使  
君之子我民母江淮千里方同歡大星飛墜風雨急息壤尙  
在丹青寒空餘賸客落湖海重對舊蹟摧心肝枯桐已殉子  
期往華表不迎令威還烏衣年少自風度花樹族大存羽翰  
感時懷舊意無極筆乾腸結空潛潛

慰延雲喪子

馮郎十三冰雪姿嶄然頭角非常兒雙瞳奕奕顧視威坐調  
丹粉無荒嬉離章斷句粗能治雜舉經史相然疑純素不爲  
纁纁移拜起唯俞循禮宜我瞽猶識蘭與芝方面大耳如郎  
希後來廚俊當待誰我所自出宜庶幾頻年奔走淞江湄與

君行沽郎亦隨甚君毋醉瓶并眉我輒泥飲傾大卮郎默不  
語腹且誹酒酣往往爲嘲笑江渚清淺生芳蘼聖爲犇角行  
羨犁吾家子姪慙弓箕謹厚猶可才則非他時中表相提攜  
廣衢結駟行駢駢所賴一磨將眾麈長安二月柳未絲繡漪  
橋側斲銅犀我先君後來透迤黃家舊壚夙所期頭沒杯底  
逃郎譏忽傳消息驚愕貽但述郎語促父歸雖不言病吁其  
危一日千里歸猶遲驚霆遽碎壁與璣珠燂在房珊折枝梗  
楠不見牽霄時我聞郎問爲累欬慰君甚苦窮於辭君歸一  
室皆慘懷復還慰母反共啼阿杜悚息奉盤匱默相對揮  
涕洟死生骨肉能不悲新萼未展瘳颺摧空言曠達亦已癡

我得轉語非君欺不爲雲椒爲紹衣再來當及君未衰依然  
掌上歡髮媿天人咫尺非有歧息壤安在視我詩

張彥雲

祖廉

游明長陵有詩見示

六師榆木迎輶輶弓劍不欲依高皇鑿破居庸萬蒼翠佳氣  
徧覆山陰陽力征得此一坏土令人千載悲帝王張君欵寄  
富傳侶筍將共陟天壽岡山深雪盡風日好斷榴危巘春徬  
徨重門峩峩巨榜赤饗殿翼翼覆瓦黃中間神道十五里雖  
半蕪沒猶康莊鬱蔥久已困樵采霜黛差幸逃斧斨辟邪天  
祿不解語當時制度誰能詳諸陵明列百里內子孫昭穆環  
其旁興闢霸杜游未徧眼明昭獻遙相望行營高敞稱雄武

坐更代謝增悲涼亭林作詩發深慨君更一度經滄桑山邱  
華屋奈何許前車來軫方未央知君賦詩幾閣筆寒雲南睇  
金粟荒

崇效寺看牡丹

廣明陌上車塵起低首重來爲此花黃紫離披天過午一枝  
嬌綠倚風華

誰言客裏情懷惡日淡雲濃稱看花歎息垂垂春事盡珍叢  
重爲惜芳華

何似唐朝善師院百年將護幾叢花徘徊未是憐深色持助  
文家紀夢華

天津遇施仲魯

燿

簿書與筆札措大謀食資舍此而他求鑿柄無一宜我聞此  
語久竊竊心然疑誰何致姍笑奮欲一雪之不必羨脯削何  
至爭刀錐闖闖亦可隱桃源今在茲一舉幸小試千金市大  
癡吾子更先我黽勉求贏奇虛牝不勝擲薄獲計以鎰大笑  
卻棄去勿爲陶猗欺諸侯老賓客兩載聊委蛇竭來更相遇  
春盡渤海涯合并良可喜飄墮當共悲熙穰豈不眾初未知  
路歧亦旣知路歧安事刺促爲生計縱云薄何遽烹伏雌客  
心亦自動又況聞子規審此計去住心目皆瞽龜不識何眷  
戀乃復行逶迤借曰恃吾子吾子當我嗔願姑慰羈旅廣我



燕游詩

贈章式之同年 鈺

人心有如水汜濫迷所鄉收束入丹鉛隱約立亭障我嘗不  
及此土梗恣飄蕩英英同徵友朗抱貞素尙避地豈必歸身  
入娜嬛藏守者二蒼虬鱗角幸無恙靜聞足音喜殫取禁本  
餉我笑段柯古寓言到脈望蠹化尙復爾心化定何狀退藏  
萬卷中高置百流上君言腰背疲據梧神益王行年已五十  
文采不殊壯餽貧不在多毋恡一紙貺

式之年政五十矣復投以長歌

式之五十鬢未絲我少三歲霜盈髭風塵濩落亦同耳胡爲

君健胡我衰知君養生借緹素磨丹漬墨從酣嬉夢吞靈篆  
咽猶熱坐思誤字心自怡神鋒內斂百千莫談笑外卻千熊  
羆我今惘惘更何適身之所往意不隨百無聊賴一陶寫頗  
覷幽怪追險巖天憐筋力任鶩緩日鏤肝腎餘權奇松柏蒲  
柳特諛語我縱欲勦君忍欺形神勞逸互相絜因損得白良  
亦宜君起勞我雙玉卮更端返溯初相知麋臺春事醉花草  
虎邱塔影眠風漪徵書忽下有名字萑稗雜生桃李蹊君試  
不第鍛羽鶴我行中罷斷尾雞歸來問訊日遠近縱談被酒  
相嘲詼已未大科那堪比庚辰特選聊爾爲豈知瑣屑亦成  
讖此語當日君聞之虞淵將墜猶熹微羣鳥繞樹南北飛鄴

中記室擅書檄漢家典客分曹司我甘轅下尚不得誰遣惹  
苴爲珠犀蝮蛇所過眾草靡鷲鳥縱擊完卵稀遂持襖被走  
輦下君有歎惋無詆譏疇昔周旋未敢忘平生意氣仍相期  
滄桑變化尙難道雞蟲得失將焉譏人生無過合與離簪榴  
煮艾今及時我歌未工君勿嗤此觴當酌其毋辭雙丸跳盪  
晝夜馳三年一諾良非遲還爲我壽償我詩

贈吳少蓮

景毓

大成門下讀周鼓竟日低徊月窺廡吏人奉局忽驚叫何物  
書生出中戶十刹海看紅藕花偶拋夏課投酒家醉折田田  
裏殘炙諧笑未已催迴車影事分明鏤心目隍鹿已空隙駒

速陶輪旋轉那得知畢竟夔虵壽陵谷塵宛我袂霜染顛君  
尚磊落如昔年謝君教我五禽戲珍重深知故人意

寄題翁覃溪學士四庫提要手稿

光緒癸巳甲午間客杭州見丁松生丈新獲覃溪手蹟三十  
六冊詩文日記皆有蓋其初稿丈珍秘殊甚迨下世後所藏  
書皆入江南圖書館宣統辛亥往觀獨不見是帙頃葛穉威  
詞涉自上海寄書言劉翰怡承幹近得粵雅舊藏覃溪四庫  
提要手稿多至千餘種方徵題咏感念今昔爲作是篇

覃溪手蹟我嘗見銀海波搖墨華炫三十六片蒼虬鱗貫汝  
空紙讀難徧長恩愁去嘉惠堂萬卷捆載鍾山陽荆璞不與

羣玉伍紫氣宵斂牛斗傍忽傳別本出湖海一昔江城動光  
采玉堂寶書知有無向鞏風流至今在我見亦罕名山儲重  
此況是天祿餘預思薰祓叩清闕歡喜讚歎當何如

### 殘暑

嗷嗷困殘暑得雨易爲秋鳴蟀如餘怒寒蟬且復休  
芟枯煙冪水樹迴月明樓向夕西風急徘徊咏四愁

周養安

璧祥

述其母陳太夫人節行爲篝燈訪讀圖

男兒耐餓死百行無不成就如母也節徒死兒焉生饑寒急  
相薄徐以十指爭至今畫圖上如聞紡車聲寒宵破屋底慘  
慘支孤檠手紡口授讀兒女旁咿嚶玉雪出襁褓齋粥開門

庭鑄此方寸堅上訴眞宰驚報母以國器酬母以令名母言  
吾事畢翩然返太清浩浩漢娥江屹屹秦尉城母節與鼎立  
南北天崢嶸重以孝子孝至情洞幽明披圖讀行狀使我涕  
淚并

芹兒赴長沙

我年二十六作客游錢唐汝年二十六離家去衡湘當時我  
府主瓜爾佳侍郎言念先學士有功德於鄉致我佐幕府意  
厚非尋常尺書在我篋畫像在我堂牙戟縱可燼舊德盍敢  
忘汝依丈人行志事我所詳慎過孔光樹廉視虞愿牀以茲  
絜先進遠足相頡頏汝往我何慮趨步毋徊徨我生幾兩履

南未逾武昌但聞洞庭大天水接混茫水上一拳碧君山在  
中央祝融聳千仞恢怪凌寒蒼覩此湖嶽壯兼使心體強不  
見汝世父晚乃工文章迨至郴靖後詞筆尤汪洋汝雖未能  
賦登陟聊倘佯但恐縱遠日當復懷梓桑我旣久行役汝亦  
從津梁又況汝諸弟負笈歸未遑一家四五人錯落如參商  
汝大母汝母日夕門闔望誤哉我與汝言此摧肝腸轟轟九  
達軌磊磊萬斛航游子賴有是何遽傷阻長我還亦召汝期  
以屠蘇觴彼時告丈人芳杜資歸裝

觀武英殿陳奉天承德離宮諸器物

紫氣一昔盈罍罍以丹牖凝朝曦年來寂寞龍尾道裙屐

乃作韋杜嬉殿中璀璨此何者夔龍鼎虺虎螭彝誰與拜跪  
撫此座法物今屬周秦遺州分部居羣玉府采自密爾山腹  
葉水湄刻畫雲雷勒尊卣物色草木輝盤匱刀非昆吾匠和  
氏窮極毫髮能爾爲此手所著無全物徧及匏竹銅與瓠剡  
犀鉢象剖海蜃能以一巧生眾奇象生花果更精絕翡翠綴  
葉珊瑚枝水精石乳碧霞髓爛斑五采惟所施秘窠競作好  
顏色官哥汝定相肩隨霞朱雲白無不可何渠不若雨過青  
天時非陶非鑄景泰法以新絜舊尤過之千名百品記不盡  
措大心目空陸離金裝七寶鞘中刀珠繡九龍旒上衣此地  
何地皋應闕此物何物球圖貽丰昌士女來何限閔默旁觀



憑語誰

擬古

明妃

遼遼未央宮崔嵬復崔嵬宮中花樹春威蕤明妃枉有傾城  
姿年年閉置心傷悲閉置亦已矣奈何低首向畫師不恨君  
恩薄但恨妾數奇寢氈飲酪自命定此心惟有琵琶知終化  
春風冢草青離離玉關出塞道荆門月夜時今古百輩爲歌  
詩男兒俯仰感身世盍不自悲悲闕氏

桃花源

菊英綴籬秫醪熟北窗跂腳醉眠足心知羲皇懷葛不易致

能逃嬴氏豈非福比鄰二三素心侶異聞抵掌相爾汝山深  
林密天地仁自有干戈不到處後來兵禍視秦劇櫓槍一掃  
千里赤藏巖匿藪能幾何網羅周遮更無隙遂驚十九皆寓  
言否或神仙炫靈跡嗚呼生民之禍至於此不暇傷今反疑  
昔柳枝未枯還蔽門桃花易落尤斷魂舉目四顧風塵昏孰  
爲子驥邀共論知津漁父倘尙存

趙君閔

寬

自蘇州至

斷梗擲流水浮沈君奈何義心感風雨貞運失巖阿涕淚因  
殘夢生涯信逝波國門低首入令我悟蹉跎

送椒圃往廣東

麗正門前初日明，連輶籠轂促君行。  
鄉心略慰秦淮月，客夢仍懸漢尉城。  
流水東西非本意，中年哀樂入離情。  
臨歧一語常毋忘，早晚江湖踐舊盟。

得子戴書

江上東風吹白蘋，尺書珍重託文鱗。  
中年我尚爲游子，左計今應惜故人。  
極望樓頭芳草遠，經行苑曲落花新。  
讀書奉母眞奇幸，肯遣斑衣宛洛塵。

李太君壽詩爲令子靜菴

維熙作

千里江湖隔高堂，白髮親懸知今夕。  
夢長在遠游人賢，母與居健同州信。  
使頻吾儕皆左計，行矣莫逡巡。

遲我升堂拜多君奉罍歸從來中壘筆不抵老萊衣表節松  
枝潔延齡菊水肥東南遙醜酒共爲祝春暉

龐鄴亭先生輓詩

努力持衰運彌天得幾人徵書無姓氏魂夢有君親自是安  
陶徑何勞障庾塵千秋原早定風雨護貞珉

門第尙書大科名伯氏同法冠秦柱後使節漢關中湘水迴  
旋地黔山保障功欲陳徒薪策荃不察余忠

歎息推枰起從容納節歸未成迴厄運不肯說先幾詩酒銷  
殘感湖山黯落暉獨居誰得見清淚屢沾衣

花木破山寺從游命筍輿共憐前代樹猶蔭梵王居禾黍傷

懷久龍蛇警夢初  
新阡吾谷下腹痛定迴車

海王村見回部女子畫象謂爲香妃

崑岡深孕萬珣玕  
化出穹廬絕代姝  
一夕犢車驚獄吏  
千家毳帳點皇都  
艱難淚頰思鄉土  
容易顰眉入畫圖  
寶月樓前風景異  
不知環佩夜歸無

張紹蓮

思仁

輓詩

敦腴血拇晝公行  
歲暮江寒患氣盈  
糾纏暫疑恩怨重  
椎埋久視死生輕  
紅羊恨未祈天追  
黃雀何嘗與世爭  
馬革沙場原不憾  
都亭倉卒太無名

青鳥朝來尙致辭  
霜彫電碎費然疑  
噬人魑魍饑何擇  
徧地

安一  
豈羅死未知溷俗漫言居市早耦耕從悔入山遲苟全性命  
非容易此語南陽不我欺

綈袍往日訴艱難家室粗完力已殫黯淡傳經先業在從容  
投轄故情歡此才合顯元黃會无妄偏罹赤白丸蕭寺相從  
爲位哭顏雲南擁淚汎瀾

丙辰行壽永順從兄

先朝初建國太歲在丙辰後百二十年十全天子持金輪先  
公射策名第一家國同若扶桑晨又百二十年是爲咸豐六  
載海宇瀕洞風塵昏我兄覽揆在此歲先公初得六葉孫孔  
佛抱送讖佳朕玉雪交映光清門無何邕桂寇大起顏雲晝

壓澎湖濱大父殉義母殉節扶攜老穉悲愁存傷哉貧也我  
季父橐筆負米勞踈踈大母夜紡幼孫讀八方冰雪一室春  
千莫雙鋒氣沈鬱豫章千仞根輪囷兄於少日歷患難刊落  
枝葉餘温磨自茲學問力淬厲遂令志節高嶙峋科目最重  
舉進士退就郎署改聲聞仕宦已至直樞密願乞外吏辭要  
津榔山高高去天尺資水千里波清淪右臨六詔左五嶺風  
氣不到民猶馴出爲三州踐昔夢志除害馬蘇疲鱗周官尙  
廉屢報政漢吏奉法方名循忽然掉頭起投効竟歸不借鱸  
與莼自言平生志不盡桑榆還我嶽寄人安仁哀逝那堪誅  
義之誓墓非無文作詩學佛兩有得能以情性療癡嗔但傷

鄉里困租稅耕男織女同悲呻涸池魴鯉竭煦沫彌山學罔  
嗟紛紜疾呼未應淚且盡我豈諛兄如其仁兄今六十尙劬  
學心白日勝身青雲我歌丙辰爲兄壽兄倘一笑傾清尊



安樂鄉人詩二

嘉興金兆蕃箋孫

趙次珊館長示贈公魯齋先生陽穀殉難事實

胡天忽生萬豺虎斗大孤城日方午玉樓合置忠孝人生死  
須臾事千古霜鋒雪鏃甘如飴令君自是真男兒國家多難  
事早決二十八字登岱詩是時烽燧半天下城亡吏鮮倖生  
者萬人一意祝中興早晚天河洗兵馬父書愁藉祖硯存科  
名旌節鬱清門誦芬歸鶴遼東語濟美啼鵑蜀道魂衣塵黯  
淡君親淚玉虹焜耀陽秋字我亦前朝死事孤述德何如蠅

附驥

觀物

百蟲皆暱火而以戕其生惟螢獨不然作作矜餘明鬱蒸出  
陰燄熹微導宵征綴雨斂芒殺飄煙破沈冥華堂燦燈燭焉  
用避與爭外求不擇蹈內足毋苟營無知且如此孤翫心忤  
忤

前生爲蝓蟻後生爲鳴蜩推丸不知辱吸露豈自高蝸牛厭  
卑溼黽勉敷其曹緣壁進不已敗甌俄見撓煦沫以自濡旋  
盡將焉逃枯殼暗微埃墜靨明餘膏順化無不可強求終徒  
勞

蠶始亦蠋醜倔强枯桑枝穆穆西陵聖用爲天下衣飢養各

有方在視必以時蠕蠕歲就參邃古迄今茲箔生而釜死一  
一聽人爲蝴蝶亦有繭蜘蛛亦有絲但未食人食跂喙任所  
之

暴莫虎狼若未能食必人日暮飽膏血咄哉豹腳蚊白蛉更  
渺小撒空如浮塵飛耶婁莫睹鳴耶曠莫聞厥喙微乎微能  
痛癢吾民毒螫豈在劇疢疢如余身安得方空密兼以牡鞠  
熏

丙子今年五十寄詩

春雨釀眾綠薰染及槐柳徘徊故鄉思念我結髮偶君今年  
五十我亦四十九不知勞苦餘能至百歲否歎我復胡爲老

作牛馬走宛轉茵出蒸決絕蘭近滫愉悅茅塞心局促柳生  
肘少日慕古人甲乙數誰某此語君習聞蹉跎復何有弧矢  
壯志非湖海積習狃避家若傳舍徇世入窶藪誰遣脫軛犢  
還爲入籠鷗徒與君別離別離亦已久述昏廿九年年年怨  
蓬首君獨處故鄉勤勞事我母料理兒女輩一一雛出穀瑣  
屑極米鹽辛苦及井田我不復厝意賴此左右手何時向願  
畢夙昔孟隱負鹿車旣可偕牛衣亦相守我曹乃不爾囁嚅  
使顏厚西頭屋幾閒下澗田數畝永言感雲飛逝將脫塵垢  
壽君語止此視若右券剖

贈丁佩瑜

道津

不到延平莫問津  
謹弢光采涉風塵  
桑麻擇隱今何地  
杵臼論交古有人  
春盡尙餘詩澹沲  
酒酣徐訝膽輪囷  
蒼茫前路宜珍重  
各有高堂白髮親

夔虻投分互忘機  
鵬鷺齊觀共倦飛  
閱世正宜荷作鏡  
藏身悔不芟爲衣  
愁嫌拂檻楊枝密  
饞憶登盤豆莢肥  
一昔與君談稷下  
單椒秀澤碧依稀

丙辰九日我縣諸宿儒爲珠臺九老會賦詩遙頌

九老鄒楚白嘉林年八十二  
崔鑑湖丈嘉勳八十  
羅秋山桂

生朱梅軒丈之楨皆七十九  
何偉卿紹瑋陸秋江宗耀皆七

十七  
葉湛持存養徐若川晉生皆七十五  
錢仲毓丈世鍾七

十四

耆英兼採香山例閩史承聞事足豪邑有大儒知士貴民存  
舊俗問年高衣冠爭起神仙羨杖履猶勝陟降勞故國茱萸  
徒夢想未容隅坐侍題糕

張勇烈公畫象歌

睢陽死事我夙知舊聞每憶趨庭時靖達彭城始開府辟先  
學士爲軍諮桓桓勇烈乃其季遙領專閩天南陲功成賞重  
致圭卣金文玉武交相輝當時世論鮮同異殺民者賊殺賊  
者王師中原殘寇尙未盡捕治豺獍須熊羆豫南荆北一都  
會天爲設險公是毗手撥氛霧拯頰尾身奮雷雨誅赤眉雪

中千騎向洄曲縱轡先眾行且馳孤軍遠道轉深入感激忠  
義忘飢疲有梟鳴牙主何兆迫兕入柙吁其危青絲白馬彼  
何物公行乃有魍與魍抽刀拍張髮上指誓將戮此刑天尸  
驚雲下壓鼓聲死大星狂墮軍鋒摧男兒馬革平生志父老  
牲粢萬古悲五十年來車轉轂蒼茫人代悲陵谷局促義璘  
鑄劫灰摺持風雨尊喬木通家孔李忽相逢故國崔盧有同  
慙丹青拂拭拜鬢眉裘帶從容照心目先朝盛典畫閣存宗  
臣遺象神祠肅史裁已自傳樊彭世亂尤應念頗牧豈惟鯁  
生感身世幾夕寒齋鬱歌哭

胡海帆

翔林

張詠霓

壽鏞

同時來京師旋各別去

東西駮驥騁天衢一昔春星向漢都風水力餘萍聚散河山  
運極柳榮枯輭塵蘊藉存車轍殘晷徬徨託酒壚雁燕相逢  
今幾日朝來去住共踟躕

箕斗中原力久殫年時辛苦撫彫殘議郎鹽鐵成書易計吏  
租庸報最難子美馨香三嗅泣堯夫安樂一分寬勞生我亦  
同頽尾惆悵臨歧白袷寒

呈雨農族叔

蓉汀族祖猶及學士府君佐鄉州救災卒於天津族祖母辛  
苦持門戶育諸子前年亦下世比與族叔相見京師隳括舊  
事次爲長言



三天子都浙水源有山謚甌如伏龜吾家更氏五百載蟠根  
旣大枝葉繁嗚呼先子承祖德身已胼胝心未息故鄉客來  
諸父行訪墓諏祠動顏色吏才終不老林藪貧游亦不薄升  
斗五河瀕洞畚鍤勞十年堅苦風塵久虛待潛歸黯松菊實  
賴光賢操井臼丸丸松柏歲已寒支柱門戶事大難故家喬  
木遺澤遠良馬汗血前途寬春還慈竹護新籜一一挺立青  
琅玕家今再起母垂耄潔膳安輿豈云報暮年定愴東海塵  
急景難迴北辰禱昭彤鄭重續傳成更從家乘補賢明鄉山  
未到空數典鬱蔥象鼻爲佳城

楊節愍公畫歌

揚節愍公

時熙

臨海人明末以兩淮運同攝運使死難畫象

舊題董江都外曾祖恬齋先生爲運使時始考定爲公

揚州一破明再亡督師握節何堂堂辱王魂逐燕子去孤臣  
骨作梅花香臨海使君古義士慷慨但求同日死誰將粉墨  
駐精魂賸取鬚眉照惇史遺民豈料興代寬借例張仙題董  
子外家故事我熟知秉節開元全盛時日星名字有顯晦輿  
服典制胡然疑頻伽旣作辨正記種水爲補神弦辭蕃釐觀  
花幾開落元黃慘黷風塵惡可堪失職娜環龍卻作還鄉令  
威鶴桓桓文毅殉白門遺象清高猶尙存同時箕尾丹心映  
終古滄桑碧血痕

題吳兔牀先生戒子卻壽書手蹟

昔人遇生辰往往出避客旣念生我劬亦軫去日惜七十兔  
牀翁敕子有遺蹟吾衰負弧矢興到赴泉石親朋牛酒至爲  
道感無斃居貧謝尊俎惜物罷肴核諄諄百餘語語盡出胸  
膈晚近盛稱壽文飾恣狼藉主詔侈紛綸賓諛窮襞積匹錦  
橫波歌鎰金紫稼劇博塞生號呶飛走死燔炙外重襪內輕  
此曹詎足責先正愛吾鼎廉靜致自適墨渝一紙書篋永五  
世澤人事萬陵谷觚哉喟今昔

雜題

一擲橫流萬跡陳羲璘空復疾奔輪誰明憚敬非臧吏竟坐

曹溶作貳臣百轉危坡銜墜石半醒殘夢駐微塵平時未辨  
駒鳧異況在昆池劫後身

中書君禿鎮相憐石老雲荒又十年藤亦有涯吾負汝禮惟  
無用物能天忍教袖手嗟棋急枉遣鏡心慌磨旋雁集魚煩  
誰見省幾回閱默夕陽前

久辜隙影誤沈吟重撫華顛百感侵老去文章從草草春來  
庭院總深深當時管樂誠奢願幾輩戎濤尙夙心但幸鄉州  
道兵火故邱松檟黯成陰

雜題汗漫百憂叢短句頽唐一字窮攬鏡每傷髭盡雪舉杯  
猶覺氣如虹威弧墮地欖槍起懸磬連州杼柚空縱我有山

歸豈得信天牢落一癡翁

寄王步雲同年

甲榮

吾聞懷土聖所戒晚念狂簡思鄉同君今里居縱寂寞遠勝  
奔走塵埃中滿天春絮谷秋稔共我旋轉隨飄風昨宵吹著  
故鄉樹夔虻僥倖爲駟蛩哦詩稍愍斷髭白得酒暫借衰顏  
紅初城樵李史文闕吳越都會尊崇墉今來蕩蕩睥睨盡外  
樵內汲相交通中洲有樓竦煙雨乃復輪奐輝層穹廢興開  
拓措大眼一洗瑣屑羣雞蟲景皇十五國有慶興廉察孝廷  
所庸吾州同歲二十輩如珉發璞蘭茁叢卽今存者殆無幾  
曙星六七明秋空吾曹此會故非偶力排百感相雍容海鱗

上市蠶豆熟園筍解擗櫻滿籠五加浸酒自巖瀨嬌黃內映  
琉璃鍾堆盤角黍作重午剝菱搗蒜皆時供昔賢莼鱸尙高  
逸定笑近俗耽肥醲那知長安有今朔殊媿吳下猶昔蒙久  
離暫合亦俄頃連軸重轂行匆匆愁心似絲雜無緒縑以聲  
韻難爲功但懸息壤券歸隱遂同里社儕老農夢中湖水浸  
天綠照君眉宇春融融

三娘子象

百鳳翩翩骨朶雲闕氏初試縷金裙早盟玉敦承殊典晚擁  
銀槍起異軍分虎符藏妝閣重明駝表進璽書聞春風難與  
傳英概秀厯長眉故不羣

蟬

蟬翼不盈寸，戛摩聲滿林。  
難消長日暑，易入旅人心。  
遠逐回風起，平隨薄霧沈。  
獨鳴誰爾和，擁鼻亦孤吟。

蟋蟀

盛暑夜無寐，重閣牀下鳴。  
室虛燈四壁，人靜月三更。  
我欲理殘夢，心知非惡聲。  
淒淒餘響寂，張目紙窗明。

陶元暉中丞靈澤廟題詩卷子

出副租庸使，來游聖女祠。  
大江流舊恨，落日照題詩。  
試劍遺蹤在，知兵往事疑。  
低徊千載下，風雨黯靈旗。

昏寇非初意，天人失舊恩。  
楚宮桃作謚，湘水竹留痕。  
憑弔詩

心肅撫呵廟貌尊送迎歌鄭重籠碧定應存

橫海軍旋立匡時願竟違後來投豸獄何異殉螻蟻隔世風  
期迴清門手澤歸古今忠義一彤管拜餘徽

同是沈霾死焚檀闕逸芬闕文尙承祚曲筆況橫雲黯淡瞻  
遺翰纏綿述舊聞硬黃重響揚樹碣倚江濱

### 卿憐象

卿憐濮氏常熟人初爲王味謙中丞直望妾中丞籍没入鈕

祜祿致齋相國和珅家相國復敗流落人間此象周采巖畫

陳雲伯爲卿憐曲陳曼生書之題嘉慶庚申二陳先生正在  
阮文達幕中浙江巡撫公廨有齋曰曼雲閣文達爲二陳先



生所題余亦嘗居焉庭有二石獅故卒章及之

石柱雙雙界墓田他時拂水弔嬋娟渠儂更遜章臺樹賸葉  
殘枝落日邊

修竹今來倚歲寒背燈擁髻淚闌干小名早作飄零識兩度  
冰山錄上看

紅襟影在畫梁空墜粉沈吟恨未窮富貴倘來原一例齊奴

僥倖作英雄

卿憐有詩云金谷有人憐  
墜粉他家夫婿是英雄

未老師師故里還春蕪紅豆黯家山流傳更有安吳賦刻畫  
驚鴻玉項環

小齋清闕畫堂西幕府翩翩彩筆攜想見從容揮翰日夕陽

平度兩狡狴

邵伯綱章屬題光緒元年摺紳錄

湘妃淚盡九疑雲丹穴倉皇國有君一及頗傳殷禮合百司  
仍視漢官分雍容蟬冕通朝籍拂拭蟬塵治國聞尙是承平  
無事日元豐新制未紛紜

蔡赧長允閱市得盧雅雨所刻金石三例卷有先曾祖印因  
以歸余

公家事了還讀書蔡侯靜者吾弗如一囊奉粟一甌借值高  
亦與珠桂俱今晨示我金石例謂此無乃君家儲先曾王父  
有遺蹟繆篆迴曲扶寸朱荆公詩識璧社印舉手相屬無躄

踏先疇始闢遠有自都御史公乾隆初雅雨之子乃公壻潘  
楊誼稱王貢譽一時冰玉互輝映新鐫祕笈投瓊琚傳之數  
世益珍重手澤存焉甯忽諸紫光銘墨譜錄在青原贈杯製  
作殊此書參錯鼎峙峙麝煤犀翠相喁于中原盜起故家盡  
長物散失如亡逋城郭是非去鄉鶴日月晦明過隙駒百年  
千里乃來復對此令我忘悲愉敢言攜呵煩鬼物差幸剝蝕  
逃蠹魚扁舟持是逕歸去夜午光怪生門閭

徐貞女詩

嘉定徐頌閣相國第五女原靜字李文忠公子經進未行夫  
卒縞素居數年一日嫡母壽更綵衣出拜入室自經時光緒

二十九 年七月十六日 女年二十六

母家嘉定徐壻家合肥李江南江北宰相門黃閣蒼涼照彤  
史女年十三四鏡臺珍重信誓成女年十八九玉棺倉卒凶  
問驚齊衰而弔古禮不可復行息壤在彼獨活何以爲生縞  
素屏居數年久忽起更衣爲母壽嗚呼兒敢不爲母壽兒與  
母訣願母醕兒一尊酒清如玉壺冰直如朱絲繩冰銷玉碎  
已分定朱絲下垂呼不膺我讀九州方志百家雜傳未昏殉  
夫者眾矣如此從容就義爲難能桓釐一慟蕉荔陳中壘七  
篇丹漆新不悲喬木悲貞筠題扉殷血無終湮靈旗風雨南

湖濬

錢新甫丈北來途中遇盜

萬轂春雷去若飛何來急彈拂征衣  
徊徨難得黃巾拜憔悴  
旋迎阜帽歸縱虎山深誰有責  
狎鷗海大我無機中原極望  
多荆棘卻曲聲悲歎道非

莊君澤軒與新丈同行劫質五十餘日乃還用前韻復呈新丈

繳翮居然亦奮飛同游重遇各沾衣  
瑯琊徐勃今爲將京兆  
蘇回始得歸投鼠不難填漏壑  
捕蟬何地追危機凌風羽翼  
江城遠堅閉柴扉讖昨非

奉總憲公臨爭坐位帖寄升卿從叔

敗楮聊將示子孫

蔣清容述公語

先公風度日星尊  
鼠鬚已退鋒全

斂麟角難求蹟  
幸存想像臨池尋  
使轉摩挲遺澤溯  
温磨官

成臣叔開東眷  
留鎮他年駟馬門

蔣覲圭

錫韓

屬題舅氏伯聲先生畫  
筴覲圭尊人賓日先生

舅氏弟子也  
筴繪紫藤

受法南樓擗石翁  
外家畫史溯宗風  
重孫靈運承安石  
高弟康成有小同  
詞作新聲白團扇  
厨留妙蹟碧紗籠  
珊瑚瓔珞垂垂紫  
想見莎廳點染中

史館舊有舫齋次  
珊館長復爲葺治  
用朱椒堂先生舫  
齋坐雨詩韻落成  
屬和

牽船就陸語非虛  
榆莢楊枝映綺疏  
歲久碧紗尋舊句  
夜明紅燭寫新書  
忽收薄技緣鼯鼠  
重訊前塵落蠹魚  
清淺蓬萊容易到  
可無感慨海桑餘

寫定今逾百卷奢  
蘭臺典冊足高華  
直從斑竹驚啼鴉  
還溯扶桑問浴鴉  
泗水有靈應出鼎  
河源未竟莫迴槎  
彬彬百五推羣雅  
況此程才匠石家

暫輟郊游訪秘魔  
晴明照牖遠峯多  
披帷仍對昭陽日  
疏沼還分太液波  
燕幕光陰慵近社  
鴻泥蹤跡怯觀河  
道山自是清巖地  
不數芙蓉廿六窩

詠古

始皇

殿中十丈隼爲旗夾道青松迂屬車三統已隨麟鳳盡百王  
同食虎狼餘容良亡命椎誰匿縱籍狂言網未疏銀海金鳧  
供牧火底須憑怒燼詩書

漢武帝

流涕初明赤紙焚西風飛雁弔橫汾荒唐茅土神仙貴倜儻  
椒塗將帥勳遠使未歸人齧雪近臣猶奏賦凌雲望思淚盡  
輪臺悔哀痛天書四海聞

淮南王

大小山齊桂幾叢寓言招隱諫書工舐丹仙蹟疑黃帝春米



親讐誤白公好事懸門傳著作驚人迎驛語從容復輿慷慨  
誰家客能出生王故不同

明皇

妖燄桑條頃刻平臨淄早日本賢明三軍賜綵猶英氣七夕  
分釵竟薄情搥鼓春迴宮樹色淋鈴秋碎蜀山聲浯溪月照  
摩崖頌南內沈沈夜色清

題劉眉士先生莎廳課經圖

風葉斂殘跡霜柯散餘陰坐丁永嘉末那得正始音伯倫褻  
酒德彥和籀文心兼此有碩儒品藻矜朋簪豈知縣譜傳乃  
得庭誥深河廣九里潤雲厚三日霖我游吳市晚山王不同

林再世民父母去遐思益謹小同守帶草風雨彌清襟洛生  
詠浩浩燕市來駸駸數典不敢忘手澤珍珠琳歎今無善畫  
重寫春陵吟

濟安素

元救

屬追題先師繹序先生西園涉趣圖

便坐煎茶點彩毫芙蓉掩映竹周遭昆明灰厚逃蟬口通德  
門尊見鳳毛場屋卅年餘涕淚畫圖一昔拜清高零秋畢竟

無名草蘭茝終慙附楚騷

師按試吾郡詩題百草紅紫那知名余起云豈盡無名草孤芳世未

知頗爲  
師所賞

總憲公京邸有一經齋乞鄭叔進沈硯齋諸君書榜張之壁  
間用蔣心餘先生一經齋小集送王德甫韻

靈均何忍眾中醒  
鹿恨投樊鶴翦翎  
近檻魚頻驚策策  
翔空鴻自羨冥冥  
恭聞故事承平日  
遐慕先疇太史星  
飛白重煩記蕭字  
祇應慚愧負遺經

風絮波萍兩復佳  
浮蹤泛泛徇無涯  
李康論激終知命  
阮籍途迴始詠懷  
舊業久蕪光德里  
遠游未辦小眠齋  
偶驕子羽逃頭責  
萬卷連牀竟日埋

秋燠西山海棠盛開

春非我春秋非秋  
花神幻作汗漫游  
筍輿出郭看紅葉  
照眼忽覩珊瑚鈎  
鈎天三日正酣宴  
綠章報可通明殿  
胭脂點點破秋陰  
汀相巖楓尹邢見  
東坡定惠開及時  
寸根千里猶然

疑銜來更不待黃鵠顛倒頃刻誰所爲弱不勝霜憔悴紅風  
致故與春時同最憐早晚新寒到再遣飄零向朔風

馮海若 水 畫並蒂蓮花

初日照微淚洛川宓幻江東喬薰風和煦池水煖一跗兩鄂  
千百嬌吾州小馮君馨歎落命騷隱囊日日對花坐研脂吮  
粉體物窮秋毫靈飛仙子雙垂髻九疑雲霧徠二姚華蓋琴  
麗拂步搖右旗左旄嬉且邀夕猶斂蕊晨舒苞房分蒂合金  
石牢蓮心互通藕縷交遺情顧望留生綃我未見花卻觀畫  
畫中意態亭亭也忽念湖樓煙雨畫舫迴萬花婀娜從君寫

贈譚志賢 新嘉

先朝中祕許民同七閣崔巍萬玉叢自歎雙龍官守改企君  
三豕校讐工論交京國初投分諮獻鄉州屢發蒙人海波濤  
藏不穩可能無美百城雄

李雲谷殘硯銘拓本

雲谷名孔修明粵人及白沙之門銘爲白沙作旁環刻翁山  
題語

寒月沈江缺不圓英英鱗爪繞雲煙後來海雪畸人死流落  
天風吹夜泉

硯田間歲石無靈鴈鴒雙雙眼總青安得西樵數弓地晨畦  
揮耒夜擘經

微雪

難逾宋人刻楮葉煉雨烹雲使成雪睡驪欠伸恣偃蹇天醉  
不聞農望絕欲持長筆與卹末鄧林無枝海桑折宵來試手  
一霑灑瓦縫牆凹偶明滅同雲方密膏尙屯朔風正厲肘頻  
掣起乘笨薄經昆明禁樹簪擎液波纈畫家拌粉落金碧皴  
染無加致騷屑驚塵吹墮點衣袖荻絮蘆綿任飄瞥當時祈  
雪走羣祀奉常舊典誰能說大田同饜豐歲玉小齋豈憚寒  
衾鐵

安樂鄉人詩三

嘉興金兆蕃錢孫

甲子元日立春

諺言歲朝春百年乃希有矧茲攝提貞歸然大撓首一日備  
四始靈辰信非偶悅欣逮林總喜躍徧郊極羣焉舞轉啟膏  
不辨章蔀臺官謹頒朔舊術恣擊掎損益赴眾同除布懲昔  
苟輿誦乃不爾安得戶爲剖夏時尊孔義循習嗟已久徘徊  
我生初廿年再薜蔕光緒十二年丙戌三十一年乙巳皆元日立春相距十九年世運有  
陵谷吾躬亦童叟惻惻小康思冉冉中元後枯鮒蘇涸鱗鳴  
鴟息瘖口庶幾起瘡痍豈止澤蒲柳更後十九年歲癸未又元日立春

相距亦再選吾且耆扶杖觀太平愚公覬天厚

李易安象

原題荼蘼春去宋歐陽小更本至正王繹臨嘉慶金禮羸再  
臨此復從金本摹出有錢魯斯題字楊蔭北前輩同年所藏  
鎔金合璧喻風姿正是芝芙入夢時未到綠肥紅瘦日緣何  
春怨託荼蘼

誰將舞劍擬公孫絕去尋常斧鑿痕寵柳嬌花無限意全憑  
詞筆駐心魂

環佩歸來何處山平生偕隱願終慳故書金石新詞玉畢竟  
同留天地閒



寄伯齊

足下今年政七十平生手熟換鸞書俊才照里東頭陸勇退  
繩家少傅疏娛老縹緗親脈望避人鐘鼓謝爰居列星久易  
新題署谷口閒樵大澤漁

泖滌峯嵐得舊朋陶輿阮屐老猶勝文堪喻俗唐元白仙與  
同舟漢秦膺應社歌行停酒待出郊筋力上樓能中年已定  
三休義不辱當途束帛徵

金穀諸曹地望雄寒枝今我寄飛蓬劫灰秦火從零拾押字  
郇雲尙屢逢山色終南憐舊碧花時韋曲賞殘紅西京記與  
東京錄持擬前游總不同

思鱸亭下駐飛鳧二老苔岑德豈孤自是論文收杞梓更容  
占夢託芝芙迴車喬墓非關誓縱櫂姚村定有圖互畢向平  
游嶽願紫眉霜鬢共江湖

夕陽

不知何曹意閒暇日日讀書夕陽下正邀殘景倚牆陰旋送  
流光出簷罅夕陽夕陽聽我歌我欲君留君則那我書裁取  
二三策夸父擲杖陽侯戈寓言汗漫奈若何  
夕陽曖曖騰餘輝穿雲透霧光益微猶能炯然滿我室洞西  
南奧東北宦月光卻比夕陽好我欲讀書嗟字小燈明更勝  
明月明光不盈咫百障生惟有夕陽縈我情

今日爲夕陽明日卽朝旭跋烏高飛往而復恣汝讀書無不足枉爲夕陽費歌哭斯言作達我意傷今日明日勞平章跋烏倘是躡躉雀欲飛不飛但有朝旭無夕陽此我宏願誰能償

張虎人敬萬國來朝圖爲張文敏百齡作以進御畫稿在夏

閨奩孫桐所徵題

先朝至嘉慶如日方中天堯壽八徵功十全挈廿五璽授啟賢藉以玉帛窮紘埏菊溪才謂相三江六載節鉞專通都綰轂湊水陸名工染筆濡雲煙泥金輭障進便殿猶有粉本留人間中爲麗正門有如北辰不動日月五星行其躔東西纏

纏兩大道跨州越郡斷復連行人如蟻盡北首千乘萬騎何  
駢闐緋衣烏帽禮數嫻歲再貢始碑三田中山國小奉職虔  
使來自東驪龍淵人臥象脊安如山珊枝犀角壓繡韉南琛  
取道粵與滇富良江水戰血濺鑄金以代躬引愆大秦使徠  
波斯船深日高準黃髮鬖西王母國崑崙巔亦有康衛佛諦  
宣哈達嚴覆牟尼圓葉密爾山青裕裕千斤巨璞捆載便馬  
則龍種羣騰騫其人重裘旁執鞭一駝八馬姻盟堅服如其  
教紅黃殷成吉思裔捍我邊誅準噶爾終殲旃北徼萬里逾  
祁連弢弓腕劍趨龍爐其他殊邦異族多至不勝紀竹帛所  
闕乃以丹青傳築臺五方奉茅土陳詩四國尊輶軒是時朝

家正極盛超唐軼漢無慚顏畫師逸興爲餘妍極命草木徵  
山川負局亦有蜀郡賢墮驢或是華山仙婦稚雜沓歡轉轉  
那知日盈則有昃枝葉盡落本且顛海水飛擊爻閭散井火  
燔息當塗遷流傳上河出眞本嘅歎北盟存會編高齋靜晝  
畫張壁敦我作詩我筆孱典章名物粲然在君今鄭馬宜精  
拏旁行斜上交聘表抱殘守闕王會篇重是先朝嘉慶年

讀擇石齋詩集從傅沅叔

增湘

求得守伯公象摹冠舊藏晝

冊用詩集中爲蔣心餘太史題先總憲公象韻

詩卷眞如陸海饒扶疏老樹發枝條清高重許心魂接靈爽  
還憑手澤招盛德在公文可按殘膏乞我世非遙高山但媿

攀援絕千仞霞城赤建標

君親師友萬言饒家範承聞百六條拱墓南枝遭燹槁還鄉

西眷溯江招公大宗一傳百泉先生再傳恬齋先生三傳外

川諸子孤幼先母及沈梅諸從母與從天憐門戶冰霜續外

舅伯聲先生謀迎以歸為外祖立後春護鬚眉杖履遙痛憶影堂隨

側室沈孺人撫季舅不育既立後拮据昏娶見重孫而卒

母拜江湖老去覲風標

贈章式之同年鈺

祝君五十我為詩投轄開尊又此時客裏浮沈鷗鳥共老來

甘苦蠹魚知綵衣歌舞勞生慰敝篋光芒曠代思忽憶昔年

今夕飲右軍應自念重熙謂王君緯岑式之婦兄也

次子婦黃歿於上海

諮病商醫語百端墮塵追憶晚風寒  
罷官去作將軍客新婦來承大母歡  
兒女慚多身已累鍼砭無術力終殫  
衰姑未敢輕相告妖夢猜疑老淚酸

步雲屢書索詩並以小象寄示徵題

萬祝陳朱不去口吾州詩傑萬松叟  
江湖舊侶字纏綿金石余心教敦厚  
王君我之同歲生廿年而長今白首  
勞君念我百往復拳拳誼不昔人後  
孰爲寫得鶴軒翼督我題將雀鳴  
穀王君王君磊落人爲東諸侯入幕  
賓珠崖久絕職方貢銀管猶照滄海  
塵軍諮爭誦皋走檄都亭尤駭綱埋  
輪去從豈

桂領赤緊輿人頌定長吏循歸來歸來歲方宴徑松門柳澗  
湖濱豈惟諸傅自有譜更得小謝張吾軍畫師何不併貌取  
一椿雙桂同嶙峋王君得詩重憶我買山游嶽計皆左楓林  
飛夢昨夜同松根對飲何時可

黃烈婦詩

管維仲姬懿黃以聖童重高材屑卑官舅浙夫在贛謾云厭  
枳棘迢然集鸞鳳遠役辛壬勞大凶辰已夢直當哭崩城詎  
止筮撓棟難易久默定緩急當折衷慘怛麻衣稚寂寥麥舟  
賙一棺三子女迢迢下章貢灘急鷁羣退風峭鴉孤送江行  
自有程石化不勝痛漸近舅姑舍忍見舅姑慟孝娥遣將迎



旌仗肅陪從此行已得達卽死又焉恐煒若彤管香榮以紫  
泥封請伐第二碑遙續邯鄲頌

葛慕川

文濬

遺古陶缶

尊彝鼎甌雲雷紋鄭州又扣何王墳水銀釀作土花紫黯收  
碧血敷彤雲年深蝮螳饜且唾海枯鳧雁離其羣樸哉陶缶  
秉商德要亦發邱摸金之所得久投槁壤同性情暫染輕塵  
異顏色隔世瓶罍若是班前生醯醢長相憶葛君歸裝三缶  
多以一畀我要我歌山邱不慨昔零落几席詎詡今摩挲倚  
酣縱擊中節奏我歌如雜秦聲何

題元刻伯生詩續編

書藏海昌蔣氏媵於查查中落書  
散出復歸蔣爲覲圭子撰兄弟題

道園手定學古錄晚歲詩篇散珠玉杜家孫子綴遺稿

遺稿道園

從孫

詩後孤行更其續

日稱伯生詩續編書題伯生詩後

日新劉氏乃誰某

歲月仍書至元後老蟬不化七百年紙香鬱發墨光厚藍綾  
罽護蝴蝶裝當年未入秀野堂縱歌出塞詠金馬已窺巖藪  
羅琳琅漢廷老吏驚人句精爽叢殘默呵護長恩豈屑百里  
媵咫尺娜環不忘故宋槧論千元論百況此青箱重先澤更  
有蕘翁題字在上頭嚴護深藏壓珠璧

伯綱擬榜史館西齋曰露華館以去歲夏閏翁用碧山詞韻  
詠庭中榆葉梅山桃與同人相酬答也賦此紀其事

英瓊正落舫齋成詞筆酬春熨旅情一桁疏簾沈永晝十年

芳樹倚新晴，滌塵蠹戀神。仙字擇蔭鶯，留睨皖聲碧。瓦丹垣  
從掩映，連牀書卷擁如城。

送朱允欽

美璵

還犍爲省覲

日掩城南白板扉，客帆肯後嶽雲飛。萬人海大巢痕在，六月  
江寒暑氣微。縣古承聞文學貴，親歡無過子孫歸。風塵暫憩  
晨昏暇，莫遣涼秋旅雁稀。

題陶俊人

昌善

春暉課讀圖

顧鶴逸

麟士作

戟門夜鑿雜死聲，補館寂歷笙鶴迎。慈明初應公府辟，長吉  
遽夢仙樓成。母聞號慟悲崩城，膝前頭角初崢嶸。母誓與兒  
同死生，一簪能重千鈞輕。折夔以教教，乃行母語至痛兒心。

驚十年廿年歲月更兒學既成母無待翩然上報白玉京春  
暉老屋春黯黹斑斑血淚般柴荆我游金城坊西落新宅軒  
窗高敞花木盈君言安得我母此堂坐躬率婦稚上壽斟兕  
觥畫師難能解此意管彤幔絳殊分明我詩匆匆語不盡已  
使思親懷舊百感并飛塵閃電歎陳跡斷金裂石懸精誠此  
詩此畫亦何有悱惻人天母子情

戴海珊

漢章

屬題其弟君厚手書吳孝女傳稿

何緣什襲到叢殘夜雨聲收淚未乾我亦脊令原茹痛空將

哀怨託幽蘭

予弟南生有墨蘭小幀  
取附先世文字冊後

終古曹江翠禍存邯鄲辭妙此同論女能殉父兄憐弟力使

蟬餘片楮尊

哀吳印臣

昌綬

愁病搢持直到今詩辱那更耐秋深焚和命竟如絲盡感逝  
聲空倚笛尋切玉昆吾經世略求珠象罔著書心風塵重歎  
摧殘易況復悲涼念盍簪

吳烈女詩

吳氏女蕙心家華亭郭外甲子秋兵亂水死

金甌已作瓦注擲儂自愛儂盈尺璧攜妹出村村徑窄何來  
兵子岸赤幘遽拔儂腕割儂脊布裙斑斑血淚赤童驚叟駭  
走辟易天不助儂孰將伯跳赴門前止水碧儂死得全死何  
惜怪雲翳天日之夕桃李冰霜恣狼藉如女死者幾千百有

父愍女勒貞石鳴呼歲寒得松柏覩我作歌猶跼蹐

李石芝

景銘

咏三海舊蹟邀和存五絕句

春帖翻新歲不同紗籠四壁蜀箋紅那知終古蒼梧恨墜鳥

遺弓卽此中

涵元殿

咫尺堯城晝寂寥逶迤龍尾阻虹腰南枯北苑昆池柳隔斷

春風是此橋

翔雲閣前便橋

宛宛晴波落彩虹經過簷履盡雍容分明霜後輪蹄跡竟與

尋常略約同

西苑門內迤南赤闌橋

比似昭陵玉匣強龍跳虎臥照琳瑯唐家三百年天子消得

籠鷺字幾行

快雪帖

辱爲齶齶始何年拂拭重登玉祀前不罪民家匿官物如何

還損水衡錢

承天殿  
玉齶

擇石先生盤山五松圖

盤山古松今在無吾猶及見公能圖圖成荏苒閱人代雨痕  
墨采春霑濡煌煌惇史表巡幸北臨瀚海南江湖馮扶輔郡  
近咫尺山靈歲歲迎鑾輿松壽那復知其紀自相爲伍山之  
隅登封屢蔭漢天子拜爵共薄秦大夫枝樛葉覆恣旁薄鳳  
有羽翼龍髯鬚入深出橫證公畫雖欲愁置松舍諸二百年  
後落吾手因公念松屋及烏橋山萬木此爲長赤椿白椿千  
百株風詩枉自戒翦伐神靈不復呵樵蘇況茲蒼官分疏逖

安有黛色迴榛蕪高原桑蠹液柳仆摧折到此良區區盤桓  
不入元亮徑變怪偶寄長康厨願公乞我剎那頃濃翠晝罨  
城西廬春融策蹇訪遺跡見似而喜當何如

或游西郭外見人家賣花問之延恩侯也俞階青王獻綏二  
君爲賦詩

昔聞東陵五色瓜今見西郭五色花推移寒暑惜時命驅使  
草木爲生涯國家昇平始置恪皇有遺敕恩言加中州仙李  
盡零落本根旣撥留枝極正如吳市媚盆盎無復漢苑蒸雲  
霞火烘歲時園戶貢酒饌頃刻頑仙誇家慶圖中亦嘗見媽  
紅顛著冠簷斜周京肅裸般士頌如樞有枿寒杙枒露恩霜



怨雨無藉與春同盡空咨嗟郊原坦坦乾淨土移根接葉從  
搜爬摧殘喬木愴門地珍重餘澤紛天葩幾叢深色徇時好  
錙銖轉使生泥沙村酤市糴足自給勝逐夢蟻爭枯蝸十三  
陵樹黯霜黛重護紅紫滋萌芽忽思開平孫種秣陵菜古今  
風物故侯家

新柳

新柳綠在骨東風吹徹膚初春原草色流水苑牆隅我與婆  
娑久今來景物殊曲江千萬樹猶似去年無

題徐曙岑

行恭

西溪夢隱圖

君鬢方緇我已斑論交瀟灑紀羣閒十分詩力期前輩一昔

鄉心落故山作計耕漁原不遠披圖主客孰能攀欲嘗湖上  
魚羹久準擬相從鼓枻還

吳晴波

蔭桐

屬題戴文節泂溪訪隱圖

使車飽看嶺外山歸不載石惟雲煙玉堂清晝坐蕭爽翠微  
拱若屏障然心胸旁薄出邱壑文章隱秀思林泉豈求琴指  
詣元亮或訪丹法諮稚川一葉搖搖向葭渚意興乃寄楮墨  
前連峰綿纏斷峰峙出日入月高參天故窮變態恣恢詭與  
證密諦彌精妍羅浮窈窕翠羽夢勝岌大庾宮騎田畫材醞  
釀自南戒倘是元祐還朝年旁取裏湖九溪十八澗鄉州林  
竹春便娟刺船直入雲水窟窗無擾羲皇眠桃源有圖豈

無地徒使後之覽者疑神仙吳侯得此壓清閼得觀如我非  
無緣媿無煙江疊嶂作歌手請補小山叢桂招隱篇

上巳郭春榆樊雲門諸公修禊江亭用香山追憶洛濱禊游  
詩分韻得翠字

沈憂那可祓良辰忽焉至地異華林園人懷曲江志城南一  
畝宮日午聚車騎遠攀昔賢逸暫湔洛塵膩隰柳未渠青隴  
麥不成翠晨颺斂晴沙盎盎溢春意前秋作重九登陟有題  
記蕭森葭菼叢浩蕩江湖思昭曠樂今游鬱紆從昔寄旦夕  
牡丹時咫尺棗花寺

贈姚直之 東彥 兼懷其叔仲實 永樸

昶也不識金根車二柳無見孤露餘歐陽有棐蘇有過黽勉  
差足讀父書文家罕存五世澤名山枉擅千秋譽桐城之姚  
本大族端恪爲理開國初援鶉老人飽經史遂攀太乙登石  
渠遺書寫定五十卷導河西自昆侖虛鄉州老輩有述作箴  
違箋異無私諛初非後來承學子姝姝暖暖鴻溝如牀頭易  
義不自祕手授猶子爲通儒有孫能文識時務九達紆遠千  
里駒天西旌鶴使輶返海東樓船戰血濡歸來故里理家學  
賜書澤棟星明閭竹山承訓作循吏詩亦直到杜與蘇生雲  
出岫盡膏雨韞玉滿巖皆珣玕長公早世翁所慟淚落詩卷  
悲歛歔雙丁二到仲與叔紫氣鬱鬱千莫俱伯也有子露頭

角能繩厥祖爲翁娛昆明將燼少微竇惟翁門祚留經畚我  
游京國友廣受寒枝並擇同岑愉居巢夢許執丹漆元豐簿  
共窮錙銖風塵得此足自廣雲龍相逐長母渝脊令原上秋  
雨急王官谷外春草蕪叔七仲游亦已倦小阮獨處城西隅  
作詩放筆絕塵壻讀書立義珍瓊琚雪深晝扃袁安室雲起  
夜覆班嗣廬薑塢至此已六世今信積慶與古殊閨年春寒  
花事緩四月猶未開鼠姑挂車山深地氣厚溪桃林杏紅且  
腴南鴻附書寄仲父道甫問訊承起居

從弟春疇以從祖丹陽公畫山水紈扇見寄敬賦  
夙親撰杖隙駒馳晚得殘紈病厓貽霑涕卅年爲世後開函

雙岫照人時畫評他日論名第家獻衰門急護持阡草周遮  
昭穆耐松楸迴望不勝悲

題劉健之

體乾

藏蜀石經

羣經傳刻石先木石木兼行始於蜀鳳毛麟角大字本朽蠹  
文淵散天祿蠟渝氈敝傳更稀晚出陳黃初著錄廬江使君  
雅好古蠹沒菑畚同布菽百三十葉五萬字竭浦傾岡出珠  
玉大文照代炳星日經則周禮傳左穀卅年偏霸等閒耳初  
政恭勤異銀煜敦耕勸穡救諸吏鄭重官箴省毗俗臨朝手  
諾昭齋奏雍都舊典吾能續千秋謚曰右文主熹平開成鼎  
三足赭衣柘弓仰風度蓉帳鴛衾掩著黷叢殘天使道滄桑

光氣今猶留嶽瀆黃藏毛詩落何所我欲求之兩黃鵠雅樂  
承聞動孔壁神劍終當起豐獄使君得此應更喜顛倒衣裳  
更薰沐

酬潘惠隱敬

首夏置閨非暑時潘君示我避暑詩潘君所避暑非暑結屋  
西山最佳處孺人稚子未遑共猿鶴山閒相爾汝登樓莽蒼  
千里目白日沈沈翠微麓平原遠樹入懷抱濁酒長檠出歌  
哭君無鄙我腰腳孱日擁故紙局柴關炎官掉頭棄勿顧敲  
牀跛腳如深山

贈孫師鄭雄

鶴唳霜皋老未孱鸞翔霄漢渺誰攀論文跌宕風塵下求友  
纏綿杵臼間騷筆當秋悲木落歸帆衝暑載詩還海虞亦我  
前游地雙栝交柯憶破山

南唐江王乳母杏尙書墓銘

皖公山不落御觴上游挈付仁壽郎深宮長成阿保手大州  
控制吳楚疆時光慧狎乳虎怒一斥長門不重顧脫珥難湔  
奪嫡嫌覆巢翻爲甯馨懼寶華宴罷迴鸞輿恩逮側生宮史  
諛逃誅廁彘人辛苦均愛林鳩事有無桐圭小弱仍開國扶  
持保抱伊誰力黃襪未與共艱難彤管安能借顏色草澤由  
來族系輕羅敷夫氏亦難明誰通譜學徵稀姓疑與宮闈補



小名卜兆銘幽太歲亥下逮王薨纔五載流珠樂譜若爲傳  
次玉芳珉至今在職方考佚百勝軍王妃盧亦未前聞訪碑  
楓荻潯陽月重弔當年貴主墳

次珊館長新構遂園招同館諸君置酒落成

背郭新堂計日成偶從蕭瑟出崢嶸略收風月尊安樂不起  
樓臺陋奉誠種柳直同人未老惜花兼及草無名筠簾虛受  
青排闥朝爽西山翠黛橫

瀟灑行窩矍鑠翁清標當與古誰同琴尊許共人三徑節鉞  
來還地十弓補屋牽蘿空谷暮閉門種菜使君雄霧藏雲起  
平生事兩謝文家擬議工

奧曠兼搜子鳳文閒攜柳栗倚斜曛灌畦井冽甘同雨因樹  
亭深密勝雲永日修書嗤宋逸老年運甓過陶勤孽窠色喜  
題楣字丹穴將騫已不羣

晉謝唐裴第一流誰堂誰墅各千秋天胡獨厚希文樂我幸  
能從永叔游周史網羅陪藏室漢家辭賦殿登樓峒堯今日  
龍門坂河上何賢共此舟

團城古松

仙嶼中臨太液寬碧城終古鎮蒼官橫空蛟縱風雷起鬱怒  
龍專洞壑蟠憑弔幾家工比興蕭森前代寵躬桓欲分雲翠  
霏塵鬢徒倚承光殿角看

大雨

綿綿纏纏夜三更大雨如繩到嚮明  
懸雷直搖簾影亂沈階  
橫盪穀紋生殷憂近在畿南麥咎應  
初傳陝右兵隔巷魚蔬  
聞喚賣朝饑那及待天晴

雨止

殷雷能發溼雲蒙盪決全憑昨夜風  
畢竟喁喁收眾望居然  
杲杲出晴空病畦色喜禾爭起斷潦  
心憐轍漸通見說桑乾  
方伏汛泥沙雜下大河同

構李

余幼時得嘗構李瑩膚徹表甘津滿  
中齒而嚼之微吮立盡

曝書亭集中有詩金鄂巖楊文樸丁小鶴李奉墀金澗諸先生繼作輒效其體補述甘和融粹之德蓋於六義爲賦云爾地或名於物天將諡此州誰誇仙爪幻長對畫眉修膚爲櫻脣綻漿從蔗尾收瓊津雙輔溢珠核一丸留梨雪寒無滓梅雲潤欲流色憑頰玉擬味遺絳綃羞種貴根難析年深實不稠潘園眞後起充篚隔春求

乙丑八月初十日孫文愨公師生日是年正百歲

天目岩巖此降精百年迴溯甫侯生說經昔有司農眾稽古今歸少傅榮遺集德文高八代易名表裏稱雙清當時獻咏湖山美臨睨今應愴屈平

會昌詔納贊皇箴侃侃師儒報國心設醴闕知朝局變懸車  
遲爲主恩深三能未耀星先墮一鑑云亡日遽沈春盡當年  
崇政殿槐龍顛顛不成陰

韋平再世國鈞持門駟庭槐食報時方以出山望安石未容  
誓墓老義之藏楹鄭重千秋業頽厦艱難一木支螭首屣屨  
龍爪顯表阡文就茹深悲

珊瑚入網瑞爲鈎洩勃何緣得並收一自冠裳拜東閣重來  
涕淚滿西州陸莊蕪積風裁遠杜峴碑摹舊蹟留龍去白雲  
鄉遠近麩麩終遣爲公差

題目鶴亭

廣生

稽山負土圖圖記其母爲外祖營葬而作

絮炙重攜曲水隈畫圖若與助悲哀當年孤女葬親地今日  
外孫上冢來孝似編荆存國志慈能畫荻啟門材堂崇防固  
關辛苦鬱鬱松楸盡手栽

聞雁

何聲淒戾暮雲閒似訴涼秋道路艱甌蕩巖深輕別去塞門  
霜重又飛還可憐已作經年客那得重迴舊日山儘汝哀鳴  
寒月夜羈棲衰鬢最相關

錢心垞

明訓

遺文湮佚僅存詩稿數紙玉研裝治爲冊愍念

舊游惻然成詩

少孤爲客始逢君鹿食相呼雁得羣入世冰霜關遠慮分曹

臺省助多聞雲期出岫存朝爽蘭戒充堂葆夕芬案戶雙獅  
縈日影官書粗了坐論文

賤日依人百事非君鴻我燕朔南飛塵容澳涖同溫卷海色  
蒼茫忽上衣新國轡軒辭草創清秋幕府夢依稀梨渦乞汝  
旗亭曲誰省騷人託興微

雲泥賸跡履綦尋勃碣名都檠戟臨官閣未知行馬貴酒杯  
仍爲病鷗深鵬飛鷁退尋常事笠約車盟繾綣心十五年來  
消息斷仙山人海兩沈沈

敝篋搜求片楮渝蛇蟠蚓結太模糊鶴歸城郭隨人盡蠹化  
神仙併字無奢願倘如雷令劍靈蹤重出顧家廚燈檠簾箔

成追憶側首微吟倚槁梧

先曾祖藏駢字類編屈伯剛

燬

得殘本四十四卷自蘇州見

寄

曾大父藏金石例蔡君收自姜老肆屈君又得駢字類編於  
吳門殘卷猶存四十四置郵重裏千里賒再拜開函百朋擬  
朱文爛然姓與字兩書校無毫髮異竟日摩挲橫涕泗昔曾  
大父藏書未編遂初目讀書又無郡齋錄辭官還里旣終耄  
大寇燒城家且覆骨肉方悲陌上塵朽蠹誰藏冢中竹詩歌  
文筆光熊熊遺稿出自劫火中諸祖諸父九死不忍捨未遑  
旁及羣籍公毋恫先君聚書數千卷架列厨分室皆滿爰有



鮎埼兩集詩古義祖澤所留未云罕誰過舊宅破壁求差比  
大航出書晚良朋惠我意無數如楚弓歸趙璧返我坐對此  
惻惻思書初散出誰得之七十年中幾易主不遽亡逸疇護  
持故紙珍是先人遺抱殘守闕冀有重完時謝君媿無瓊琚  
辭闕市有得仍我貽

永徽甄硯歌

道光中嘉善郁彝齋先生

鼎鐘

製爲硯傳子少彝廣文

洪謨

孫憲辰大令

葆章

今其重孫子揚

世鷹

徵題

永徽甄留貽遠自千載前爲郁家硯八十年彝齋先生制銘  
曰得之會昌琢之虔發揮雅訓澤吏治民無枹鼓士誦絃前

堂判事後齋讀硯兮左右相周旋攜之歸去還平川剛經柔  
史供雕鐫等身百卷策勳最懋與喬木同寒煙千頃波始萬  
斛泉子孫科目何蟬嫣治經家法理縣譜珍重范家片石猶  
流傳所惜遺書散出半兵火叢殘楮墨那得如其堅摩挲故  
宅壁什襲吾家瓊大書深刻永徽貳年字品第伯仲歐虞間  
永徽初政踵貞觀長孫褚柳登眾賢遠州旌人亦稱職器不  
薛暴銘端妍磨礪拂拭永永發光彩儕之鄴臺灌廟無慚顏  
遺籙舊澤故足重況乃留貽遠自千載前

寄永順從兄

人海藏身雪滿頭況君長我歲星周幾千道路寒宵夢七十

衰翁近縣游詩畫春迴雙禿管鼓鼙天護一扁舟故鄉客至  
傳蹤跡依舊元龍百尺樓

逍遙初服稱吟身岑寂幽棲追劫塵天寶亂餘千首史德宮  
悼後二毛人丹鉛叢稿賡常志香火前賢結許鄰小牖碧紗  
堂後拓湖隄纚纚水粼粼

客中共被夜開尊疾苦鄉州抵掌論大浸具區流漸闕公田  
景定害猶存略寬升斗關時會欲起創殘仗佛恩夏潦秋螟  
頻歲告料應難慰老監門

鷓鴣音悽戀夕曛篋管節勁竦寒雲還山表聖誰娛老出峽  
涪皤偶破葦集寄匡廬重寫副書傳京洛爲論文浮沈久媿

鄉江隔尚冀銀槃寵卯君

卷三

三

安樂鄉人詩四

嘉興金兆蕃錢孫

春耦齋牡丹

東風依舊宜春苑牡丹著花春未晚羣眞晝謁蓬萊宮錦裙  
霞帔仙姝從天吳紫鳳風綵繚珊瑚木難雲琤琮融融冶冶  
初過午紅紫交炫光氣中亭亭老幹紺如鐵心染流霞膚點  
雪石罅捧出白玉盤如倚修竹翠袖寒東墀別有姚家黃宮  
人入道爲道裝莊嚴矜重與眾異鸞跋鶴跂朝鳳皇鸚鵡當  
年呼尙食朝罷看花日未昃花香銀鶴爐中香花色金龍衣  
上色今來頓爲東風嗟叢叢深色春光奢莫驚塞破措大眼

豈有虛傳富貴花

得錢撫棠先生硯贈階平階平先生四世孫也

瓊巖夜割紫玫瑰日午西清拜賜回

先生有賜硯以名其齋

記寵昔紆

歐史筆誦芬遙睠范孫才別存寶晉齋中物爲洗昆明劫後

灰匡濟自來惟厚重明珠十六手親裁

銘曰因其自然不加刻畫厚重少文我懷

周勃

### 澗山檢書圖歌

澗浦與海絕不知始何時羣山合沓外襟海內抱永安湖水  
清漣漪逶迤杜曲岡厥西澗水環繞之草堂翼然面湖立寅  
昉先生隱居讀書恆於斯林陰杳藹翳山綠春夜一雨羣卉

滋淵淵金石出雲隙太乙下照然青藜鹿牀侍郎爲作圖甘  
泉半巖各綴瓊琚辭吁嗟宛委窟幾作昆明池一帆轉海載  
書隱堂下帶草空蕨蕤侍郎死難圖化去乃有曉翁補畫媛  
叟詩當年作畫題詩日江海迢遙念家室夢中松檟山遠近  
劫後縹緲蠹存佚卽今猶是亂離年對此茫茫百端集懷舊  
賦補亡什遂使三家祖德一圖述

新甫丈補書甘泉跋  
伯綱補書半巖跋

澈山

澈水我嘗到桃源菊泉殆其匹煙雲水木如畫圖雞犬桑麻  
異城邑外家丙舍之所在霜露年年往還密津梁老矣猶未  
歸舊德低徊意蕭瑟

賓散

賓散更闌倦倚牀明河橫牖月斜廊酒安小戶知衰至詩雜  
新聲慙業荒兵氣凌秋天未厭離愁撓夢夜初長尺筆寸去  
能餘幾猶自纏綿炳燭光

爲陳巨來筭題安持精舍圖

龍蛇餘唾雞鶩爭百流騰蹕羣藝鳴男兒衣食豈細事十年  
塵塚長安城忍饑讀書者誰子愛而不見秋雲橫西風獵獵  
撼庭樹阿翁蹋席顛霜盈說難游倦置弗道且喜階下芝雙  
英畫師爲子作橫幅山光水色交檐楹江鄉往往有此景漁  
舟徑入村無名子焉用此一邱壑萍浮吾憊猶孤征向來風  
霜習吾黨要令金石堅平生來年春燠二三月鄉樹雨暗歸



帆明油蔥煎餅倘能辦共憑危檻聽流鶯

書傳青主李御史傳後

李御史振聲米脂人明季爲李自成所執被殺史誤謂降

古人重名節不惟當日以生死爭卽數世以後籲天辨誣亦復開金石通神明米脂李侍御從容就義死何物見誣謂其降謂其爲兵政侍郎傳聞異辭書於史然謂未幾以他人代抗不受官可知矣朝旌其烈里頌其節況有霜紅貞介士一字之褒萬鈞力嗚呼古人重名節其在當日以生死爭今使吾輩讀之不覺背汗而面頰握筆顛顛不敢書姓名墨痕狼籍公勿怒夜來正傳張元箸

除夜檢歲中所作文字呈閩枝召南二君

徂年東瀉水沍沍敗擗荒叢拾放紛白木不緣歌杜老元經  
終未解揚雲風塵瀕洞將同盡枝葉扶疏尙獨欣咫尺重闈  
共寒夜一聲清唳九皋聞

閨枝主詞社召南卽席賦詩依韻奉答

晝漏三商爵再巡忽停鯨欲命龍賓高歌水調瓊樓迴雜興  
田家汐社新鄉樹未明春後夢旗亭暫作酒中人補題悱惻  
銅仙淚玉筍當年識苦辛

龍泉寺有壽山石琢阿羅漢象闕其二伯絅於廠肆別得二  
象補之因爲作記余樾園

紹宋

寫圖裝卷置寺中

善業何年刻鏤精轉珠宣唄意分明佛猶有闕憑天補事本

當傳得畫成面皺河流他日念帶留山寺古人情鹿牀劇蹟  
尤珍惜展對朝來爽氣生

陳仲恕

漢第

樵赤松黃石圖見貽

巖松鬱蒼澗石白仙家聊壯神山色仙家微意畫家傳磊砢  
嶽嵒寫其德陳侯陳侯湖海客洛下重逢髯似戟平生塊壘  
填胸中卻藉丹青見標格淋漓巨筆恣揮灑頰虬舞空赭貌  
立仍收恢詭入平澹綠竹娟娟水石隙聽園當日德星集吾  
曹年少執丹漆猿猱鶴怨今幾時君五十四吾六十畫成卷  
贈意惆悵一紙鴻泥卅年跡故鄉近日驚傳烽南雲遙睨心  
戚戚萬松嶺上盤礴松飛來峯下璫瓏石東風東風當奈何

仙家那有辟兵術移入丹青寶無數

張子京

壽鎬

輓詩

破鏡擲塵土萬象諉一昏獨念毀棄初上有摩挲痕我與君  
共事共事未浹旬臺符忽然下雷霆力萬鈞亦遣督郵察徒  
重大府暝同官劉柳輩噤不使我聞惟君密相語深知我苦  
辛我謂事有證自列宜得申不然走京師披髮呼天闐君歎  
子勿爾世事嗟泯棼孰能右謫吏而不媚要津虛辭削牘背  
箝子重淵淪姑待彼人去徐且此義陳明年山鬼語驅海胥  
爲塵龍蛇倏競起雞蟲又焉論天胡忽改步我遂終覆盆君  
亦有家督款款知我真徘徊摩天翮煦嫗偃轍鱗懷君久不

見江海勞夢魂雲龍上下逐勞燕東西分我今已垂老人海  
藏此身小園子山賦誓墓逸少文逝將去歸釣舊磯理殘綸  
遲君雪夜舟開我柳下門豈期日方午笙鶴迎續紛洗足不  
遑襪應敕母逡巡賓至語君耗驟聞我聲吞我質訝忽喪我  
還將誰親知我事始末天壤更幾人歲序水歸壑知舊星嚮  
晨作歌述我悲酒淚遙酌君

題裘文達詩卷

乾隆三十七年文達使奉天勘民典  
旗地詩爲是時作袁潔珊金鑑所藏

豐沛遺聞信有徵新詩徧寫刻溪藤皇華自爲勤民出詞賦  
猶應壓九能

流傳詩卷爲君留萬里王程一紙收省識當年賢使者楚弓

許璧費綢繆

文達勸奏命  
發帑代贖

余與星樵階青二君皆六十鳳孫晉卿召南閨枝蓮溪向之  
卿五海珊瑚雪孫少濱諸君置酒相勞召南爲七言長句蓮溪  
集唐成六絕賦詩報謝

監修百廿召康公東馬嚴徐盡作翁丹漆夢成千載幸桑蓬  
歲紀二賢同不緣竹簡期頭白我愧桃花照眼紅夕纂晨鈔  
齊努力朝來尊酒得雍容

長篇劇壘震雄師集腋仍傳絕妙辭平地出泉噴薄遠散珠  
得線貫穿宜桑榆景昊還鄉願禾黍生初故國思敢羨宮杯  
鐫姓氏老成人在太平時

丁卯六月廿四日編次李晉王定國傳王正以是日卒傳成

書六絕句

宋史周臣舊例通奇男端合冠羣雄谿煙箐雨艱難跡比似  
崖山又不同

五丈中宵隕大星一軍猿鶴盡飄零匆匆谷變陵遷後靈爽  
猶然護汗青

西甯忠更過延平一寸崦嵫九死爭若與絳衫司馬遇迴帆  
合指石頭城用明史例以明遺臣列開國羣雄首  
蒼水次延平又次晉王三傳爲一卷

日影蕭蕭弼教坊魂歸風雨近重陽諸侯日卒春秋義此段  
東甯史未詳蒼水以九月七日死弼教坊延平之卒但云  
五月朔尙受諸將謁數日遽卒不知其日

斧鉞森嚴甲乙編褒忠新詔一時宣牽連姓氏書難盡別錄

還應史外傳

初意以勝朝殉節諸臣錄中得諡而明史未有人連紙書不能盡乃僅傳者於蒼水傳後附見姓名都計五百五十六

取蒼水同事數人附焉

猶憶荷生紀歲華游龍流水曲江涯誰能起醜東南酒兼酌

昆明菡萏花

賀柯鳳孫先生重宴鹿鳴

論秀書賢甲子同猶傳御札出離宮少微星見齊分野太史  
官爲漢上公耆宿二三尊海右經師今古在膠東先朝養士  
難言報頭白叢殘故紙中

賀王晉卿先生重游泮水



使君講學古蓮池文采聲名我夙知  
蔥嶺雪深方擁傳元都  
春去共題詩說經重席推今日出篋  
襴衫夢昔時鄉縣黌宮  
無恙否好憑山斗護金絲

題傅沅叔

增湘

小象用竹垞題徐立齋小象韻

早年才望壓清華博物東方第七車  
晚動鄉心懸井絡坐摩  
老眼斟麻沙

自言結習比蟲魚獲一珠船得寶如雲  
覆精廬虹照夕萬人  
海裏百城書

題張季易小雙寂庵圖

幽巖瀑霆轉平湖波鏡明咄哉臧三耳  
而水初無聲八表嗟

頽洞羣動皆有營將心擲古井無平無不平爲謝張監軍立  
義求其瑩萬喧本無有雙寂何由名我友偶取此斷章題厥  
楹擾擾簿領煩矻矻著述成靜者意有餘心跡能交清慚媿  
塵塏我寒月窺柴荆

題戴文節龍泉檢書圖

花木城南開土廬承平景物未全殊談經卿相關風氣追劫  
林泉託畫圖旂動倘知何日定書存不逐長年徂戴家妙筆  
今誰屬能貌寒江釣雪無

劉龍伯

富槐

輓詩

日中裙屐會旗亭猶未高春遽柏廷彈指幾疑禪頓悟腐心

我痛病無形二三視含遺雛小萬一留名老蠹靈磊落曼卿  
今已矣舊交歐九孰能銘

卅年蛩駘測君深方麴攜障再盍簪社後鶯花憐燕倦詩中  
風雪信驢尋能尊伏勝期何日不薄荆卿亮此心歎息鄉州  
同瀕洞可堪臨晚更悲吟

周節婦詩

婦邊諸暨人居蔭營喪葬奉姑嫁三女力女紅償負年六十  
餘啟夫墓側生壙坐臥其中且死戒母以棺斂戚屬哀而從  
之

苦節世恆有貞媛以狷成力辭朋賻麥兼卻女編荆速化稽

山土終同皦日盟王孫猶入史況此謚懷清

題李翰丞大令

國鎮

知新田事次後爲令子旭齋

彝作

吏有循良蹟民存直道公不聞今蜀郡猶祀漢文翁患氣萌芽始慈心煦嫗中流言淆黑白攀臥恨無窮

欲紀崇公事仍傳魏國言少孤悲宰樹垂老失靈萱故老能相慰遺聞久弗諉龜趺三尺碣鄭重表秋原

贈朱小汀

彭壽

綢繆兵食屬書生一慎能兼百慮精謀預灰盤分鎮重心知市舶算緡輕貪狼漸欲干星象衰鳳猶教貳月卿狐火魚書他日事罪言誰省牧之爭

鳧泛鷗閒兩散人善和坊底障浮塵中年絲竹多哀樂吾道  
龍蛇有屈伸老去珠船商著作早來玉樹憶風神卅年婚媾  
過從久稍覺臨觴致語真

紀變

十全功德邁前王詔發封椿葬上皇天上雲車神陟降人間  
金盃事荒唐玉顱竟碎嗟何酷紺髻爲題劇可傷此後樵蘇  
誰戒恣十三陵樹鬱相望

報答艱難禮亦宜行營高敞壓屣屣

故事后陵規制網於帝陵光緒中遣王大臣營

太后壽陵太后諭之曰吾宜若與諸后小異遂用帝陵制加崇麗焉那知社飯思量日卽是桑  
田反覆時二紀未終胡遽爾一坏競取太無知羣偷投仗飛

泉出飲恨山靈赴難遲

將去舊都閨枝仲虎劍秋星樵曼仙彤士伯綱六橋金坡篆  
青諸君飲餞別後寄謝

涼宵幽館展清尊行矣驪駒已在門十駕久隨騏驥步一重  
添得雪泥痕車塵風掃游蹤遠梁月雲迷夢跡存燕市他年  
溫後約更燒絳蠟暖黃昏

相逢行

余初歸沈思齊高吹萬屈伯剛三君  
見過旬丞從兄亦來會賦此詩也

浮萍那識江湖寬風推水激青斑爛古人坐詫德星聚我謂  
天愍離索聊爲歡江鄉九月木未落行者來還居者樂收帆  
入郭卷暮煙竚月窺簷照清酌阿兄論詩頗自喜揲爪湔腸

抉其髓沈侯吾州舊令尹下筆蒼堅起秋隼坐中亦有屈與  
高酒戶略糲詩競豪長歌短句歡未足歌圓貫珠句鑄玉玉  
環循視渾無端昨日甚燠今日寒出門目送客舟去煙水迷  
茫不知處人生難得是相逢明年後約休輕誤

閨枝以詩詞送行欲和久不能成爲長句投之並柬理齋  
三百年事如亂絲不有靜者疇能治天吳紫鳳恣傾倒誰念  
龜手縑盆時我如鄰女鑿君壁引光照織君不嗤織成縑素  
異工拙千梳百鑷徒爾爲君置勿言我亦去自斷越鳥巢南  
枝臨歧置酒起惆悵言之不足長言之虔禮論書有三變中  
險復平通於詩君詩百篇俾我讀穆若姑射天人姿平湖不

波月初出空林得雪山更奇  
賦我詩詞動君感又若風行水  
上清漣漪琴聲無端有高下心  
之所觸指自隨撫顰擬笑百  
不似何至刻畫吳宮施恃君厚  
我不我鄙詩到靜處窮於辭  
曹君病久我所念盍爲說此同  
解頤

城北篇寄召南

城北一叟老權奇我行賦我十首詩  
華嚴樓閣彈指頃大江  
波濤趨海時小車見過致倦倦長箋寫寄何遲遲  
我不能忘  
切磋義我不能置瓊琚辭唐書開局十五載  
駑從驥後同奔馳  
始爲雍容後促迫汗青頭白叢彈譏兩心朗朗照  
甘苦寸膚若有千瘡痍古人尊鱸特虛語  
秋風起矣我當歸豈忍臨



歧一握手但恐別淚雙沾衣江南秋晴似薊北菊未著花蟹  
正肥故鄉非無鷗鷺在孤雲迴望蛩驅違夜分夢醒拾陳跡  
厯厯皆在人心脾脂車先日過舊館門外草長深無蹊山桃  
半已斧供爨半尙倚牆黃離披海棠有恨惜槁葉丁香無賴  
空繁枝知君尙未見此狀見此淒黯君重悲新寒中人日短  
景願君善葆松柏姿君詩何時張我壁一行征雁方南飛

歸遲

芻料無多志略卑不甘淪謫卻歸遲有身癯疥甯非病此子  
津梁已久疲絲染徘徊歧路感桂叢繾綣小山詩鹽車辛苦  
餘皮骨嶮兀秋原百草衰

破屋頽然倚夕陽  
撫松采菊未渠央  
本非遠志今垂暮  
倘可安居我故鄉  
出郭人家添小市  
上墳時節又新霜  
棉傷風雨禾傷旱  
父老相逢話歲荒

佛氏爭留一宿因  
儒冠良誤百年身  
讀書未覺桑榆晚  
閉戶還憑芋栗貧  
西塞煙波猶去日  
北山猿鶴恕歸人  
壓裝殘稿空盈屋  
覆瓿材非敵帚珍

鷗鷺鄉江責舊盟  
梗飄萍泛念無成  
生滋司馬俳優憾  
死擬歐陽雜傳名  
在望蓬壺驚海淺  
暫平穀洛冀河清  
樂郊有客矜私語  
不敵傷離感逝情

至嘉興謁盛萍  
旨丈丈嘗議疏  
乍浦引諸水入海  
今年八十

有四康彊猶昔

布帆徐卷晚煙痕竟失春波舊郭門陵谷任遷人尙健林泉  
深臥道彌尊心憂沈陸橫流急指畫歸墟故瀆存此議未行  
民病滂世無桑鄴與誰論

王步雲同年年七十有九病初起喜余至與金福田

宗皞張

熙民

守義

偕看菊夜飲於酒家

柳栗同攜鑿落傾寶花倉北復經行病收枚叔濤聲起步落  
陶家徑畔輕色喜登樓皆勝侶內慚斷酒負深觥十年飽喫  
東華土今夕蓬窗夢最清

明珠候潮

野曠天低雲四垂明珠港口午炊時廟環雜樹成村易船翦  
來潮出艣遲釀雪未酣風獵獵霑煙欲溼雨縱縱習流故與  
隨波異三老從容是我師

舟行嘉興郭外

鄉樹青黃迓客船鴨闌魚樞尙依然煙交殘堞疑完闕風約  
叢帆互後先橋坦望同新月偃塔孤影負晚霞圓市樓舊是  
神祠地景物何當異昔年

題蘅石先生墨蘭卷贈壻徐賡起

肇鈞

一莖一花之謂蘭一莖數花之謂蕙綠葉紫莖定誰屬幽芳  
醜食高陽裔騷魂一往不可招沈淪巖谷忘年歲百福巷中

老侍郎其行潔故稱物芳寫蘭寫神不寫似九方亦且忘驪  
黃東絹三尺與不朽化作片石矜歸裝吾甥奉母東海涓條  
然讀書還賦詩厨藏劇蹟珣玕琪益以此卷琅玕貽堂有潔  
膳庭有芝試策蘭故兼及之

賦庭中黃楊

先公買宅種黃楊纔半牆陰石筍長稍稍橫枝侵北牖亭亭  
直幹壓東廊薪摧池上一株柳蕪沒塘南十畝桑此樹至今  
經幾閏濃陰分占小庭方

伯齊作東坡生日用尖叉韻賦詩遙同二首

雲葉敷空雪葢織寒泉祀事爲公嚴艱難光氣仍箕斗胝沫

文章入米鹽東去依然江出峽南飛羸有鶴窺檐泉源萬斛  
今何地膏馥分霑禿穎尖

公前何敢學塗鴉雲駐蓬萊第幾車海大未爲天下潤梅枯  
還有宋時花小軒碧落三更月寒翠晴空萬里家壽酒神絃  
千百輩倘逢眞手喚頻叉

題葛雲威

嗣滌

鷗舫校書圖爲令子咏我

昌楨

賦

天上不讀人間書赤文綠字與世殊清齋端坐據槁梧通眉  
長爪歸來與執筆欲下意有餘高樓三重書百廚丹黃強半  
長不渝驥子展讀龍孫俱有澤存焉悲漣如昔游屢造班生  
廬晚歸重過黃公壚海山縹緲仙所都圖中之人如可呼問

疑思誤樂只且

呈芍舫族叔

布帆今幸及鱸魚江上秋深問起居青鬢枉傳同讀易白頭  
遙與共傭書行經滄海新詩勞澤在高門舊望虛客裏不緣  
親杖履天寒歲晏孰華予

從游蹤跡夢依稀鶴語何煩訊是非浦子城邊舟喚渡段家  
橋曲雨霑衣大河冰合萍重聚修竹陰疏鳳每饑卻喜崢嶸  
似年少迥然咳唾落珠璣

題馮超然送窮圖

國子先生詰五窮解嘲答戲略相同誰知寂寞千年後寵汝

丹青又大馮

先生辭屈反延坐那及丹青若輩驚家有林泉花草富更無餘地可容卿

正月不盡才五日花豬下飯酒傾壺簷前淡淡下弦月更欲催君第二圖

張詠清丈

榮錦

招大悲庵看牡丹

隔朝雨霽尙餘寒宛宛東風染牡丹春色未驚歸客老佛恩從借好花看結援故勝朱旛護聞唄因知紺宇安春耦深黃崇效綠年時攜榼共追歡

徐子山宇春招游狼山飲於望海樓貫恂賦詩和答



大江入海處狼山峙其陽五峰合爲屏巖窠居中央孰爲構  
重樓翼然山南岡我來正春暮日日命筍將出郭陟茲巘縱  
目窮莽蒼倚檻竚海色開軒納江光估帆遠無影漁舟近成  
行宵然煙波思騰躍闌楯旁賢主雅好客日晡猶飛觴旨哉  
櫻筍厨滌我塵土腸君家阿龍超揮灑皆琳琅文士例多感  
勝會不可常福山在江南雲樹遙相望

爲張菊生同年

元濟

題涉園圖

圖爲君遠祖螺  
浮給諫舊墅

黃門且趨朝驄馬紫玉珂慷慨執簡諍直氣盈鑿坡宮槐影  
西偃退食方委蛇有第棗林街花木恣婆娑布席紫藤下絲  
管安且和尚書詩先成碧醪勞龍梭

龔芝麓定山堂集有觀  
黃門侍史龍梭奏樂二

絕句卽以龍  
梭二字爲韻頗憐倚屏奏不減撫節歌春深左掖詩秋老西

塞簑歸將敬堂構豈直航煙蘿羊何舊時侶笠屐邀相過畫

理到水石聲詩餘澗邁百年復百年舊荜發新柯故家廣文

獻遺澤重摩挲翠微好山色吾祖留行窩畫亦鹽官查異物

而同科

總憲公有小清涼山房圖圖爲張南華作已佚僅鶴存第二圖畫者查洪埭此圖畫者查昉蓋同族也

化猶可招蠹朽當奈何舊聞半零落愧君勲網羅風煙烏夜

村喬木蒼翠我私語樂郊祕厚蔭先疇多還君小安樂此畫

其先河

高吹萬得從曾祖雲峰先生手校禹貢錐指寄贈賦謝

我家乾嘉際一門治經術身從菑畬老名不里巷出孤蘭春

不華貞竹冬乃實耿耿先民心蠹饒不敢食達詒硯溪傳殘

爐西河拾

從曾祖受亭先生刻惠氏詩說

康字先生刻毛氏四書改錯 亭平東樵書又出

聞野室

雲峰先生有

吾友廣同好俾我奉先澤去年海王村

偶得柳州集先公有印識寶之若金璧歸儷東雅韓平校祖

訓述

家有東雅韓集五世祖硯雲公錄總憲公平校從祖前

芬珏兩玉後躡徑三益庭木起風煙欣欣借顏色

周貞女詩

女周字於陸未昏陸生卒如夫氏撫從子為後翼以長為作

是詩

如松柏有心如竹箭有筠磊磊女貞木懿為松竹倫千金赴

一諾天乎女子身堅我結髮盟報彼通眉人古井此止水斜  
日猶承塵風雨正如晦膠膠獨鳴晨蒼松與翠竹豈復人閒  
春輜軒久失職吾詩將焉陳

王店訪曝書亭

篷腳初收屐齒經引人書帶繞籬青柳風桐露蘭成賦簾草  
階苔夢得銘世遠諸孫猶舊德時艱詞客有餘靈李家昆弟  
同流輩不及先生是此亭

題莊益三安素書屋後圖

喬木餘陰遠先疇斷夢通至今春草綠彌望郭門東浩浩千  
家聚茫茫一炬空城南尋舊宅同在畫圖中

題談磨祥

文烜

尋夢圖

我身父兄身我心父兄心我在父兄在豈待魂夢尋談君孝  
友心悱惻行念父兄涕霑臆自言讀書制行萬萬不敢望但  
望夜夜夢中見顏色有夢苦夜短無夢苦夜長急風暗吹萬  
木黑巷犬吠月雞號霜正隨阿兄嬉戲二人側遽然不覺身  
在牀衾寒枕溼夢不再直到初日窺屋梁嗚呼談君孝友知  
者天詩亦不能寫畫亦不能傳下簾發楹教子姪里人爭道  
父兄賢

呈朱梓琴丈

裔昌

南湖依舊繞郭流詩人屋小南湖舟詩心湖水恣吞吐柳葉

春早蘆花秋當年南郭詩人五擇翁廣大精微主丁辛蒼勁  
乃勅敵百頃煙波兩旗鼓合志同方萬與祝論詩亦復祖山  
谷各憑江水出肺腑不借廬山爭面目大家小長蘆釣師百  
年海日迴朝曦不名一家必已出靈運晚擅瓊琚辭太華層  
城幾千丈援絙攀梯振衣上雲中招手仙之人青鳥銜書雲  
莽蒼湖水到門雲覆廬下簾日與古人居憑誰傳語堯年鶴  
城郭壽不詩卷如

屢從稚威借書投以二律

霜鏡明相照風船引卻迴論詩裁短句節飲輟深杯許我百  
城共因之三徑開水南宏景閣不厭挾纈來

我謂黃虞稷晁陳未足多一朝書外府七略史先河漢使求  
遺佚秦餘備網羅速編千頃日丹墨與摩挲

錢新甫先生輓詩

故國餘喬木胡天折大椿愁留遺逸史上作列仙賓吾道兼  
龍蠖非時得鳳麟賜書承國老授硯逮經神內相親銜憲中  
樞贊秉鈞丹山初試翮碧海未舒鱗鳩鵲三霄近驂騮十駕  
馴才非金躍治學已火傳薪原道迴瀾愈登科片玉詵尙書  
占協斗太史雅扶輪海網珊瑚採風詩蟋蟀陳衡文皆報國  
說士卽娛親林隱衣弢綵阡題字勒珉觚稜縈夢切坊局歷  
階循丹藁讐書夕青緇進講晨堅冰幾早見陰雨運旋屯斬

木驕張楚騰書嫚劇秦當塗將應讖大澤且垂綸心死昆池  
燼名逃汐社民摩挲兩樹玉軼蕩一家春居愛連叢桂歸嫌  
礙路榛最難雙隱健交祝百齡臻孟案辭梁逝陶絃悼翟湮  
暮年悲獨且斜日警承塵鄉里耆英長前朝侍從臣江湖空  
涕淚箕尾自星辰述祖尊先友通家本舊姻忘年交幸忝知  
已士常伸茵溷升沈異蓬萍聚散頻從容游問字惻款訓書  
紳左計投珠恨溫言挾纊身傾河謀活鮒求窟意憐魏山以  
餐薇古蟲惟食蓼辛不緣訶泚忍端爲愍沈淪賭酒旗亭壁  
看花曲水潯春秋多暇日坤艮徧重闈風撼宮槐聶霜摧社  
柏神擇途收阮慟過闕謹遽麟愧我牛方憊尋山鶴任嗔直



將依墓櫃甯止戀湖蕪問訊還鄉水經過析木津題襟箋十  
幅祖帳爵三巡匍座春恆煦臨歧語必諄子歸行偶遂吾老  
見無因竊念相從久情知此意真密雲猶撰杖墜雨共霑巾  
在耳成追憶摧腸坐獨呻期亡琴可碎華去劍終堙零落棲  
遲日荒涼寂寞濱我堂公象在猶見老成人

松江城東孫雪居舊圃僅存一石修可二丈周數抱于君仲  
遲訪得之爲作圖徵題

幾度春茸洗劫灰漢陽舊蹟鬱蒿萊愁留一片嶙峋玉賺得  
元章下拜來

社事闌珊憶舊都髯仙遺象與重摹玉梅花下權奇叟雅稱

詩人笠屐無

雪居畫東坡象象青所  
藏舊都詞社嘗以命題

伯齊以楊蘇盦畫山谷象見遺

學詩學黃最難似得其面目能幾人蘇盦學蘇工詩復善畫  
數筆勾勒傳公神公之精氣在天壤正如流溼就燥潛相親  
東風吹綠西冷草我識蘇盦已垂老高詠依然動鬼神枝官  
那更開懷抱蓮花池上壽公時雪化泥融跡如掃五茸芳草  
青茸茸古香舊館榴花紅主人好客輟錦贖謂我瓣香宜在  
雙井翁西江詩法百讀不得解得公面目畫圖中

閏六月初二先學士忌日

牀蓐沈絛苦深宵入夢來天仍六月閏人有百年哀病痛平

生懦艱難志略灰遺書方日曝炳燭近衰顏

萬曆甲辰陸伯貞郎中

基忠

書妙法蓮華經藏德藏寺東塔

縣人修塔觀經輒爲讚詠

郎中爲莊簡公子經後有跋言爲公及母陶夫人書

紫檀龕護金絲籠佛牙不朽重裏中一時傾動四百八十寺

尙書佞佛成家風

莊簡以佛牙供奉天寺見嘉禾徵獻錄

寫經造象六朝始佛

愍人閒報恩子斲栴翦錦妙莊嚴塔顛紫氣凌霄起亭亭雙

影頽寒煙斥金布地爭勝緣忽隨雷峯寶篋出人世遙遙三

百二十有七年先公內直賜清燕奉敕書經慧義殿硃龍爲

箋屑金字末劫猶令耳孫見

乾隆中總憲公直南齋書法華經磁青紙泥金書今儲武英殿


癡駝幾度荆榛沒狂蟬毋蝕神仙闕不知何地耐滄桑郭門

煙水宮牆月

金問泗詩詞稿







此影光緒甲午年攝於上  
 海先祖母錢太夫人中生  
 侍立者左先父錢孫公右  
 先叔父南生公大妹抱絜  
 在懷抱中繞膝立者左  
 大家兄敬淵問源右二家  
 先通尹問洙中即問泗  
 方三歲歲月不居忽焉垂  
 老此因授梓檢弁斯編







自序

余廿七年来作詩三百零八首詞五十首所作既少，  
得稿便留，不遽刪汰。填詞稍晚，自嫌蕪駁，初作尤  
多不合律，詞本以造詩，乃姑仍羈入於其間。近益喜  
讀竹垞詞，刻意摹擬而未逮。詩體或較整齊，五  
言長篇，數義山體，成二十首。馮孟亭集李詩，共  
六百零二首，內五排五十二首，約合總數百分九。余此  
體居百分七。吾父述秦文右衡言，謂義山用剛筆，  
西崑用柔筆，余筆何若不自知，大抵剛柔互

見而偏於陰柔。又吾父有讀李商隱傳之作，為  
義山論定，父嘗自言本無高論，且卑之。此其一例。  
今從安樂鄉人文集剪印於後，既以存真，亦  
且示吾父子辨香玉谿生之意。近十年來戚友  
屢促拙稿早付印，慶育嘗自阿京來書謂  
某君詩且印續集，尊稿付梓，豈永贖乎其  
後耶！吾詩原無足觀，生逢離亂，不亟欲以文  
字自見，而鈔印多誤奪字，尤所不喜，即  
木刻亦復難免，以故躊躇莫決。既而我妻美

方以其餘暇為余鈔稿，取便影印，藉省校勘。寫有訛脫，即重鈔，越數載而寫竟，比更細校一遍，正不知尚有舛謬否？美方偶作詞六首，詩二首，亦散見余集中。余所作詞，崑曲家項君馨吾偶取製譜，倚笛而歌，音節頗稱，因相與選存兩首，一有板眼，一為散板，畧師白石意，採入集中，以俟海內外詞曲家之審音。余生平所作古體文，只有祭黃膺白先生文一篇，文因有韻，自可附收。世方尚白話文，吾集可謂不合時宜。然余以

為有中國有中國人，便有中國古文辭。今人有以通俗文字箋注舊體詩者，舊體詩賴以益傳，非其明徵歟？詩文無所謂古今體也，取其文從字順，意達情抒而已。抑吾友梁和鈞之所謂運今入古者，敢不自勉！書印於香港，姪女咸珩經紀其事。印費虧彰瑄三兒分任之，將以為吾夫婦壽。開緘展卷，當為之老眼一明也。庚子年四月初一日嘉興金閶泗撰時年六十九歲。



廿二年九月二日入覲和后奉呈國書

隆準銅人立馬看慈寧此日盛衣冠重樓聯步聲初穩  
雙戶徐開室自寬雲靜靈書成五色秋高天語肅千  
官殷勤為問神州主槃敦從修兩國歡

### 和蘭國

舉旗提劍創王基正值明家末葉時復國旋憑城濮  
戰防邊每戒下陽師渠連鄭白龍鱗遠海作田疇鳥  
翔移南楚西秦俱虎視深宮乾惕萬鈞持

哀林新猛是夔

肺病支持歲幾經  
香山深處掩巖扃  
篋中留得冥鴻影  
天上長隨白鶴翎  
歎息高堂揮老淚  
淒涼殘夜看孤星  
歸槎他日空懸劍  
舊蹟追尋涕欲零

花田

陌上花開百里遊  
經年奉使此邦留  
融融日暖甜香起  
宛宛風吹艷色流  
鄉夢欲尋元亮徑  
客心長在少陵樓  
中原回望多惆悵  
况復愁雲壓九州

貴壻

二十重封寵命頒  
迎來貴壻儼朝班  
陳宮夜飲人皆醉

楚觀春游夢幾還漫想東床逢禁齋迴看北斗點  
天顏素輻白馬從遺令一例龍髯舉國攀手

舟泊馬賽懷炳之莫斯科却寄

北轍南航見面遲海天浩浩兩心知雪山歸雁幾時到  
償我黃河遠上詩

小薩來武美景旅館望白朗峯

扶妻挈幼半山行縱目茫茫百感生曉夢怕聽羣  
鳥轉晴雲偏礙遠峯明高松我暫留巖壑故國今  
仍滿甲兵每盼捷音傳海外詩書掩卷淚縱橫

疊嶂重巖路盡通  
嶙峋開鑿五丁功  
凌霄梯穩雙鴻影  
流水車馳八駿風  
張載勒銘垂戒遠  
賈生著論立言同  
當今黷武窮兵日  
此嶺休誇地勢雄

石孫至海牙為余話瓦薩之圍

暴過強秦噬弱燕  
飛車殷地礮訇天  
一家穴處爭生  
死  
今夕燈前話海田  
感慨登樓王粲賦  
艱難擊楫豫  
州鞭滔滔舉世橫  
流禍回首中原共  
惘然

覆轍相尋後事師  
倚觀華夏益嗟咨  
縱衡尚待蘇  
張辨智力全憑楚  
漢侍邊邑不償和  
氏璧屬車空



擊手博浪椎大羅天上方酣宴仰視蒼茫有所思

日內瓦寄內

生常離亂更何期晝侶丹鉛夕硯池獵獵寒風初得  
雪歸來為道雪飛時

內人和韻

歲暮歸來猶未期明窗無那輟臨池知君喧  
寂俱妨睡最是三更相念時

馮相伯先生輓詩

傷時頻為禱天闈銅柱棲遲道益尊猶有放翁

家祭願從招楚客，遠游魂鬻宮。嘗設明窗榻，廣廈  
長懷絳帳恩。洵湧吳淞江，上水大賢具。遺澤百年存，  
棟折山頽復。奈何迴天況，賴魯陽戈。讀經早闢沙，彈妄  
言氣真。含造化和春，盡稱觴介眉壽。可秋深易箠，具動  
悲歌八荒瀕。洞音書阻絕域，追吟涕淚多。

廿九年七月十六日別海才寫呈家大人兼懷敬淵伯兄通  
尹仲兄恂侯從弟

籠轂連輶拂曉行，鋒車欲發不勝情。圓催澤國風  
輪轉，綠憶江郊稻色明。七載終成秦逐客，丁年尚媿

漢蘇卿時危最喜高堂健滄瀆巴山念弟兄

感事四首

蕊珠宮裏奏鈞天醉攬人寰點點煙一自妖星壓芒角  
幾回滄海變桑田帝秦偏有新垣衍却敵無聞魯仲  
連從散衛成歎同轍覆車相望兩千年

甌脫艱難即禍胎三強逼處亦堪哀櫓槍墮地雲中織  
烽火連天劫後灰倉卒銅仙辭漢闕流離逋客慟西  
臺老臣儘復思王室海外鸞輿幾日迴

雷霆千乘蹋儲胥百萬貔貅會戰初鉅鹿昆陽俱

八  
孫色長城深塹竟為墟救亡空灑秦庭淚定敵終降  
軹道車廿載驟逢陵谷變雄圖霸迹總成虛

積骸成岳血成泓鬼語鶻啼夜有聲牛耳仍憑百戰勝  
龜符休詡大橫庚蚩蚩何苦遭塗炭衮衮猶誇被寵  
榮料得蒼穹終厭亂靈芝早晚報河清

用別海牙詩原韵答謝德潛靜清筱峯階平石孫  
諸君和詩

世路兵戈各遠行我吟爾和見交情已驚鼙鼓狂  
颺急羨喜湖山白日明禦侮祇應思李牧讀書聊復慕

虞卿他時共對賢人酒上座呼誰作長兄

叙麗區湖邊夜同天石音月聞警

携手入疏林湖濱夜氣侵雲行成月動烽急警秋深  
慣聽飛鵬過仍煩唳鶴吟知君寡言笑獨抱歲  
寒心

少川大使招同第庭階平味道宗宣平衡諸君於法  
國南方海濱遊覽見五日旋各別去

昆池劫換竹林歡聚散匆匆歲欲闌堤岸浪迴聲勢  
壯樓欄日落海山寒遠床意氣懷劉毅乞野墅蒼生

望謝安勝負殘棋同有責相期努力勸加餐

維拉山觀駛機歌示子姪

山上何所有瓊瑤白皚皚殘冬猶凜冽大雪屢紛霏前  
雪催後雪萬堆照曜迷連朝士女輩競作乘槎嬉夏  
禹所嘗乘厥形我不知茲維兩木板厚寸寬倍徒修  
短視人長臂伸若與齊有鑲縛革履有杖左右持偃  
樓稍後撐蜿蜒已前馳中鋪雙縞帶旁印百銀盃  
陸地行舟楫山坡騁駢駟當其直下初懸若瀑布垂  
村舍與叢樹紛紛俱退飛自非勇趨者一縱那得

戰偶踣深雪中起來急相追縱橫無不可奔馳咸所  
宜亦或衝風雪益徵藝神奇建瓴真得勢蹈險若  
履夷瑞士美山水頗多健男兒鍊身百其術惟此為  
尤佳譯義曰滑雪譯音曰駛機爾來四十載傳授  
自那威既使膂力強兼令心神怡白頭猶不厭始習  
實孩提時或折其踝亦聞傷及臍顛僵在半途輿  
致山下醫亦有殞身者有之蓋甚希近人輕生死百  
折寧肯回後起繼前仆精神終不移我來山中住  
携子姪吾妻漠漠籠遠岫稜稜媚新曦熟聞此

藝名奮欲一試之滑輒一蹶棄之勿復為行年方五十已覺筋骨羸少壯不努力及今徒自嗤亦緣兩眼瞽那辨坳與坻差喜小兒輩學馬循其規邦依民為本人以身為基強國先強身況當逢亂離因之勉爾曹慎勿荒所治

得伯兄重慶歌樂山詩依韻奉答

蜀中聞說故交稠依舊青春白日悠市隱未忘老菜羹  
舞巖藏借作赤松遊生涯亂世悲離合音問危城雜  
喜憂同有朱公歧路感幾時還唱大刀頭



大人賜詩依韻恭和

殊方鬱鬱欲東歸，定省晨昏況久違。  
已悔稻粱計終左，深慙尊俎力常微。  
三山縹緲疑無路，萬事推移自有機。  
八月團圓欣上壽，江村未覺見夢痕稀。

辛巳年四月初一日過白賽龍拿所作

暫憩湖山遣劫塵，行吟又到海南濱。  
戒途方憶王尊阪，避世終求張翰莼。  
何苦中年仍作客，每因誕日倍思親。  
遙知老父今宵夢，總在東西萬里人。

北京松江館有大舅撰寫詩屏，念劬為縮印徵詩賦。

此却寄並簡君鏞表兄

櫓槍隕天地寇盜起江湖長物多散失遺篋或亡逋  
昔年猶于至舊籍一篋儲先總憲詩稿鈔從乾隆初  
手臨東坡帖滿目皆瓊琚水國鼓鼙急携藏地下  
廬人書兩無恙亂世良足愉有盜盜外家紛紛為  
所胠蠅頭吾母字完璧兵燹餘母也始結縞平安報  
雙魚百年陟岵思得此重款盛舅氏寫詩屏珍逾  
珣琪玕風流憶草聖瀟灑傳嘉譽化鶴歎城郭  
籠鶴守門閭想當揮翰日池水濡頭顱墨彩炫麝

煤筆鋒藏鼠鬚作詩同元白求友必俊厨時值歲  
庚戌新亭風景殊明年我北游謁舅城南隅侍  
飲賜餘瀝出門令同車匆匆二十載失恃傷母劬舅  
至送母喪西郊行赳赳母當屬續項猶憶大雷書倘  
得見此屏悲歡更何如神靈之所護劫火亦無虞  
舅氏兩孤子仲亡伯滬居兩家先澤在互重母忽諸  
兄也成宅相早稱千里駒近聞喜臨池義獻逮黃  
蘇此亦繼舅志我歌非私諛  
夜飛倫敦用少川大使去冬赴法南道中韻賦呈並

示同行諸君

當時恨未預艱難更媿頻  
年青眼看雪山嶺陪同  
旬日懋春醅呼共百杯乾  
狂瀾倒瀉從多感世事循  
環若有端手挽乾坤吾屬望  
吟成已報五更殘

冷然未覺道途難鵬鴦齊飛  
隔座看精衛憂深  
海無際子規聲歇淚方乾  
排雲破霧人千尺念遠懷  
親慮百端日午平安降瓊島  
尖曦終勝夕陽殘

燕歸梁

內人自里斯本寄倫敦

雲靜天青皓月明  
光綫萬方盈  
西窗簾捲晚

風清憑欄望夜三更  
書傳邠慰人千里同作客  
倍多情詩詞非我擅  
平生試弄筆韻初成

和張子緜盈字韻詩

霧重雲遮黑氣盈  
瀟瀟風雨聽鷄鳴  
琅玕惆悵張平  
子歧路徘徊阮步兵  
猶喜巴江守天險  
會看踐土主文  
盟南溟屢報降幡  
起雄劍中宵意不平

哀吳生積冲

吳翁夜苦吟  
哭子淚泫泫  
雉羽異凌空  
折干尋墜澗  
深蒼茫填海  
願慷慨請纓  
心殉國男兒  
事英魂

壯古今

寄昆吾夫婦

小島偶棲遲風號萬竅吹竟逢陳蔡厄真看海  
桑移亂世生還喜平時遠別悲廬山避暑地夢  
想更相思

送少川大使回重慶

碧石漢懸金鏡輕雲襯桂華皇皇聘上國殷殷向  
三巴風土俱親訪文章得眾誇艱難九折阪縲紲  
隻輪車絕域行人節長途遠使槎高飛衝霧外

下視亦天涯星儂璿杓轉祥徵瑞應加便當翦豺虎  
無復鬪龍蛇玉罍鄆筒酒磁甌普洱茶好音傳健  
飯早晚報侯芭

二寄寄示當湖篇五古一百六十韻以五言十六韻報之輒  
先寄呈重慶大寄留轉

入水雙魚遠開函一載遲立誠歸質寔得勢自淋  
漓老屋當湖詠長篇述德詩趨庭春日暖陟岵晚雲  
移園寫蘭成賦田懷靖節辭刀環雖有願玉敦尚  
無期大地玄黃戰三山歲月馳摩肩猶昔感減膳

證今衰鯤化憑為盾鷹麟戒觸絲那堪城市赤忍  
聽角聲悲寂寂居鄉僻茫茫累卵危偶逢歌舞  
會疑是太平時為憫中原禍翻嫌異俗醜伯元羈  
蜀道望眼逼天涯海國經年住江南入夢窺亂離  
互珍重五字好相貽

喜天翼至開尊話舊話朝當行詩以壯之

將軍天外至投轄話參商飯煮黃粱熟杯斟白酒香  
雍容尊俎會感慨戰爭場明日凌雲去深宵盡  
此觴



階早至自重慶投以五言四章因懷昆吾伉儷若飛  
仲雲諸君兼寄大哥

四海兵方亟君胡到此邦相將望明月依舊白照巴江  
天任媧皇補鼎憑西楚扛河清同具願觀縷對南窗

亞婿不相見息忙歲月侵間闕催白髮過闕信丹心媿  
丈懷甥久家人念姊深五通暫消夏庭院晝沈沈

尺書與畫筵珍重故人情垂露筆端綴輕颺紙上生  
夢懸嵩嶽峻興發蜀江清斬子同違久因風好寄聲  
大哥索詩債寄我寫詩箋老父欣常健家書幸

屢傳初春新草色遠鳥白雲天鄉舍粗安頓乾坤待  
轉旋

三十二年四月二十九日有感

蒼茫海水挾風飛微服艱難事已非永憶少康能  
復績遙憐織女困支機威儀祇覺朝廷小播越教馬  
看鬢髮稀聞道金輪尚宵旰傷心未黍舊王畿

大哥寄示賀賡起新居詩和韻

太平竟何日海上且閑居念遠離羣久論文負笈初  
因看三島月每盼萬金書況憶諸甥大學成堪慰心予

中秋夜雨過月出

薄雲初破雨聲收，明月依然照九州。  
涕淚鄉心懸五處，干戈海島客三秋。  
縱橫激電張蛛網，鬱律輕雷殷蜃樓。  
好恃凌空多設險，深宵擁被復何憂。

次夕聞警

當空皓月作明燈，酒後馳車夜半仍。  
方掩門扉賓館靜，忽聞霹靂祀天崩。  
傳烽警鶴嗟何晚，倚柱塗鴉媿未能。  
却看兒眠妻整髻，苟全知賴怒飛鵬。

南海篇

大風泱泱表南海龍戰玄黃世運改駢卧宮門荆棘  
生鶴歸華表河山在廿年執秉萬鈞任好大夸功日  
夜心橫海舳艫威稍振侮亡曹衛鬻先尋慘淡頽  
雲遮九有趨步暴秦為牛後六國隄兵動地來三  
軍棄甲偷生走階前受給致幽羈絕島高山展轉移  
降敵祇應傷武穆甘心偏欲得張儀新法胡為叢  
怨府前戒商君後介甫曾是欽鴞託鳳凰得無親  
貴多饒虎日午山深正寂寥心知遇救在青霄乍  
喜雲車降飛將同乘仙鳥躡王喬脫險幸逃共鯨殪

偏安仍苦豺狼逼爾我傾心稱兩雄東西鼎足驕三國  
百戰秦軍氣漸衰如日中是月盈虧公今負竭勢尤  
感足舟師已降國半隳治亂嘗傳運命論殊俗寧無  
玉樹恨今昔恩仇事最奇存亡凡楚辭終遁君不見  
東海之東鯨孤遊騰波赴勢吞巨舟狂流倒瀉淪九州  
那得強弩三千除此害從此波平浪靜海安流天地開  
朗氛霧收嗚呼何時得見天地開朗氛霧收

新聲

師老三山歲月侵來蘇如早望甘霖歸槎亦苦河源

遠繫帛尤懷漢苑深奢願倘逢馬生角倦飛應羨  
鳥投林思親夢與思兒意寫入新聲更細吟

牛津訪晤式一因同尋蔣仲雅未遇

春動新鶯囀林深嫩葉添驅車從訪友挈室擬飛  
鶴啖喜羅鷄鴨投慚乏米鹽仰天書作枕遮日帽  
敲簷果樹花爭發園蔬味最甜傷時憂悄悄諷  
世戒炎炎辭出唐人記庭垂蜀客簾書成紙終貴  
譽起日初暹曲折江流遠崔巍學府嚴壁存前代石  
架滿鄴侯籤蔣詡尋何在羊求謝勿淹佯狂漢梅

福隱逸晉陶潛才豈宰官僅名傳繪事兼偶然失  
良覲留刺定無嫌

邵筱珍久客瑞京嘗寫示其所譯瑞典國歌詞句雅  
馴此得書謂欲歸葬其母投以十韻

民擅長生術城誇不夜河漫投夸父杖寧待魯陽戈  
滅虢緣垂棘朝秦賴卞和艱危天步窘感喟客心  
多傑隸殊方樂穹廬敕勒歌譯文屬椽筆寫副  
落環珂附鶴頻傳訊孤鴻必覓窠杯棬傷異地叔水  
悔行窩絲竹聞聲慟松楸借夢過君今歸葬母

我亦淚滂沱

一九四四年六月六日紀事

勾踐困會稽竟成治吳業山魏然此舊邦一敗寧自懾  
憶昔狼狽餘殘軍僅收拾國危燕巢幕敵悍風吹  
葉幸恃天塹險徐迴昆池劫壯丁盡執及婦女亦荷  
錘淬厲年復年中宵劍鳴匣推移世運新蠻觸爭  
相脅與國況最强東西孰能及楚材晉所用主將嫺  
陣法兵食與舟車半皆資以給嬴秦稍已衰項羽終  
孤立南土風不競東隣兵相接雖非垓下圍亦且楚歌



急輜重既整齊師徒遂會合海濱駐元戎軍府嚴  
令甲其月夏閏四階莫落一莢月輪頗尚圓西北風獵  
獵戰艦四千艘飛機百餘匝奔騰拔浪高磅礴衝雲  
溼環海皆敵塞麟鷹何惟怯登舟不一擊手又未中法  
厭豈是詞邏疏得無人械乏天空壯士來沙岸大軍  
集苦戰從此始傷亡兩軍雜維茲天空軍往日人未  
羽白擇器銛而輕擇人必壯俠身擐攻禦具直以身為  
篋聖面令難辨首盔膝韎鞞饑維啖腊肉渴則呷  
茗汁張繖直亭亭墮鳶紛跼跼壯哉萬千輩

穴奮身入賴此前鋒驅後軍遂登躡或當降地初  
未降先死輒視死真如歸可歌復可泣凌空勢既雄  
海陸咸妥貼人喜見雲霓地先爭平隲且觀三神山  
閣里頗安輯鎮靜若無事無愁亦不懼乃聞寡婦  
某有子年二十將欲去戰場許先還鄉邑到家不見  
妹兒意頗快悒母謂兒勿爾妹方遠負笈恐無再見  
期兒以此語答又有許字女郎來話西閣郎今戰士  
裝儂躡閨中屨共唱從軍樂蒼涼轉三疊別郎強  
欲笑欲笑淚盈睫凡此俱常情無煩費篇什萬人祝

上天但願早聞捷  
夜半忽不寐  
暮春雨颼颼  
問君何所思  
無乃在巴峽

余罕作古體詩  
前篇詞無體  
駁不愜於心  
復成此首  
或稍佳乎

居然橫海戰場新  
宵遁當年即此辰  
列艦連山鼉背大  
飛車躡景雁行勻  
風雲幾日圍垓下  
旌旆何年出蜀岷  
美酒濃花道辛苦  
犒師悲喜性情真  
盲彈行

昔聞杞人憂天墜  
今看欃槍掃大地  
一夕園空霹靂

來碎句震屋驚夢寐從此傳烽朝暮頻青草碧  
血添痕新衝雲疾飛彼何物機巧所推中無人長或  
三丈翼半之其聲車轉車轉輪魁魁公行差可擬  
又若惡鳥過承塵飛數百里俄輟響輟響音須臾墮  
百丈聞聲固可怖無聲益慌惘夜來草木疑皆兵  
鳥飛車過心總驚對此豈能無懔懔直畏棖崩倚  
將壓生死所爭在一瞬苟全且慶缺未及已則幸  
免人何辜肝腦塗地逢浩劫即今二十日中放彈二  
千七百五十有四顆殺人二千七百五十二縱有擊落大海

與平野紛紛漏網何其易學術昌明殺傷多殺人以  
逞必為天人所共棄尚憶當年阿父詩歎我胡為  
赴危機萬方爭戰無已時嵩山湘水尤縈思園中  
玫瑰紅白繁盲彈不到即桃源小池水濁魚幾尾問  
魚何樂魚無言

二哥自平湖寄詩依韻奉和

中天星實我曾看妻女三人幸尚安轉眼一年歸計阻  
驚馬心萬里道途難伯兄久作江鄉夢仲氏欣承老父  
歡往復家書經歲月開緘憂喜各多端

## 杯酒二首

失歡杯酒氣難平一字旁行且負荆  
榛莽雙獅紫夜夢鳥盧五木警風聲  
非關韋耀工譏世欲借庖丁喻養生  
豈有人金筮能刮眼此生徒羨索珠明

固難談笑却秦軍才望風流自不羣  
刺繡仍為趙公子當壚定憶卓文君  
何期戎馬黃埃裏得看漁邨白日曛  
想見海天橫釣艇人間興廢暫無聞

## 送少川大使往華盛頓

葵邱踐土會盟頻尚賴羣雄共滅秦  
八月乘槎拜新

命卅年持節躡行塵談兵文字知何用喋血東西定  
有因四國從今須努力前程珍重莫逡巡

三十三年九月廿九日有感

天高氣爽入清秋更為齊侯問魯稠桂嶺頽雲煩遠  
慮松巒踏雪憶宸遊山河國破堪同嘆的博州雄好共  
收難得五年七十二依然筋力慣登樓

十月十一日重有感

金繒定敵割河山俾闔紛紜大國間寧有相如解完  
壁更無韓起為辭環弭兵曩日聞高論持節今朝

揖近班否極泰來應不遠明年春暖送公還

底事頻年戰血腥得非弱國太伶仃連衡人自賴天驕  
子祖亮應同帝武丁浩浩狂流誰作柱巖巖積石自  
成銘筌蹄共喻忘言意莫說靈均只獨醒

惜公晚

早年意氣博浪椎晚節顏唐秦會之死去迹空惜  
公晚老來顏厚有誰嗤未聞華夏和我利終撓師  
徒却敵遲邪正歧途須辨別何堪論定蓋棺時  
張道行瞿純伯先後自重慶來英國大哥為託分帶



東坡詩集見贈會予有不魯捨爾之行携一冊以相從也

阿兄聞我常讀詩東坡詩集遙相貽張君已至瞿  
尚未一十六篇分半携想當巴峽初行日將書共上凌霄  
梯平展得鵬垂天翼遠逐快馬追風蹄危峯絕頂  
脚底過八荒四海眼界迷鷹隼橫空衝辰虫市蛟龍  
吐氣成虹霓已逼星河稠織女旋投竹杖迎馮夷我  
詩遠不逮坡老欲寫奇景無奇詞獨念飛騰人  
萬尺雖覺平坦亦險巖苟非詞客有餘靈雲天

萬里誰護持我今歷聘五小國播遷一例傷黍離就中  
疆土已復者秦名譯作比利時降王為虜逾四載有弟  
攝政遜兄歸餘孽待清瘡痍復況復戰血腥邊陲都城  
完好戰痕微賓館冷落人迹稀奉使還聽皇華詠  
齋書趨躡白石墀無復銅駝卧荆棘却看車騎多威  
儀此行往返旬日耳蘇詩伴我凌雲飛愛公五七言古  
體才氣橫溢詞淋漓荆那間渡衣帶水手中一卷吟  
聲低天迴河清吾所期趨庭還著老萊衣熟讀  
李杜韓蘇集事親養生其庶幾

南中音問久梗託筱珍為傳電報詢上海姪壻曹時  
玉得覆家嚴康健寄謝筱珍

消息江鄉已久疏憑君為我得雙魚高堂健飯良  
堪慰欲答深情試筆初

送內人坐海船往美國看兩兒

登舟悵別各西東已約歸來看雪融澎湃長風  
翻浪白曠隴初日浴波紅中年但願三兒好遠道猶  
憑一葦通總怨家人久離散太平何日萬方同

內人和詩

君送吾行到岸東，海天浩蕩日融融。  
怕聽窗外濤聲急，獨卧床頭燈影紅。  
父女自須互珍重，音書深盼亟相通。  
重逢喜見兩兒大，尚有天真曩日同。

又一首

風急天寒怒浪高，海氛猶復畏鯨鰲。  
此行踽踽真辛苦，益念當時母氏勞。

得內人到美國電報

暫離十七日無日不怦怦，喜得平安訊胡為。  
淚欲橫

元旦戲投某君七律二首

君家疑出字蘿施鎮日含秋心只感眉相背何嘗煩  
蒯徹揚旂猶欲謝封姨思歸客肯彈長鉞宿府  
身因寄短枝東閣自稱牛馬走此中甘苦更誰知

旅食年年北海涯新年苦憶頌椒花長官有道恩  
寧薄僚侶論文興必嘉床下牛聲原是蟻杯中弓  
影或成蛇愛憎疑信尋常事壹意沈潛德不瑕  
病中編作

海角天邊日夜心還憑青鳥為相尋勞生最喜獅

居靜卧病方知婦愛深  
鈍眼茫茫誤膏藥  
離情惻惻忽沾襟  
歸時定訝孱軀瘦  
擁被摧頽未輟吟

美國大總統羅斯福先生輓詩

忽報蒼天不憖遺  
傳來四海有同悲  
衣冠未預塗山會  
涕淚難收峴首碑  
橫海東西成霸業  
流泉日夜接清時  
諸公後死關興廢  
世事依然似奕棋

平生已溺已饑情  
一石文書日中程  
弓墮名宜垂萬世  
轍環身竟殉蒼生  
乾坤猶自纏兵氣  
木鐸終傷老成  
此後空中消息斷  
撥爐那更聽金聲

亡秦四首

亡秦作讖應強胡  
況復雄軍起海隅  
逐鹿已殫天下力  
除鯨倘驗太平符  
吟成渭上離情動  
界拒鴻溝博局輸  
接壤犬牙多弱小  
此為邢衛彼曹邾

明眸皓齒舞連環  
落彈方驚痛癢闕  
設險直憑衣帶水  
揚威橫度髻鬟山  
荒墟豈止陵成谷  
珀石血同殷觸與  
靈公等感衰身所繫  
要人令黔首盡歡顏

魯陽戈轉日重晨  
赤幟奇功立水濱  
丐藥獨逢不龜手  
參禪或化野狐身  
迴瀾韓愈誰明道  
覆甌揚雄亦

美新遙睨遼雲連朔漠北疆長願靜煙塵

扶桑日落即虞淵百戰神州尚黯然  
宣意先憂仍後樂可能坤轉更乾旋  
難忘王粲登樓賦欲展周宣采芑篇  
且自卑之勿高論興邦一語在親賢

夜與汪慈明共讀其尊人袁父先生遺詩

元日無端訝體孱遺經幾卷淚潸潸  
中興制詔賡汪藻弱冠論詩重義山  
壇坫名留東海外梓桑魂返五湖間  
八龍騰矯芝蘭秀喜與慈明數往還

中秋夜從埃及飛往印度



飛去逢佳節，凌空看月明。  
家人懷遠夢，老父倚闌情。  
已報烏頭白，真成鳥翼輕。  
阿兄聞弟至，雲路兩心驚。

奉召回渝感事紀行之作凡四十四韻，輒寫呈教淵大  
哥，昆吾內姊丈。

海報三山靖，雲開六合晴。  
人情喜銷甲，天意屬由庚。  
慨自邊氛起，無何殺氣盈。  
倉皇終避蜀，艱澀欲存荆。  
草木俱鋒鏑，河山盡旆旌。  
魚枯升斗水，蟻徙亂離  
氓。米過珍珠貴，錢驚楮葉輕。  
民生信窮阮，敵愾

益艱貞為有朝陽鳳何憂浴海鯨中興憑半壁  
急劫整殘枰剝極天同轉屯餘運必亨敦槃違玉  
帛棹闔任縱橫啟讐驕三國興戎禍八紘遂殫天下  
力方罷九州兵骨暴蚩尤戮臍燃董卓烹帳前美人  
舞垓下霸王營疑信羣情半興亡運會更雖然  
凡楚辨豈止觸蠻爭懸圃觴王母甘泉憶子卿歸  
遲兼五節報聘尚三京鄭重徵書意榛蕪述職情  
排虛而云裏去鑿空音邊行師以流沙壯名留踐土盟  
經行俱古國紀候只朱明玄奘齋經路張騫奉使程

輕雲遮玉兔，冷露濕金莖。地近殊清濁，天高託死生。  
九年歸夢醒，萬里客心驚。巴峽通巫峽，渝城隔錦城。  
江流腸九曲，猿叫淚三聲。鳥道兼難易，郵亭管送迎。  
未曾共憂患，猶欲答昇平。日落虞淵暮，河收禹域清。  
奕棋仍急急，謀國故怛怛。但願殷王夢，真和傅相羹。  
將圖邊柝靜，勿使禍機萌。縱未還鄉邑，驩然遇  
長兄。干戈重會合，歲月忽崢嶸。那得晨昏暇，同來  
德業精。春迴梁上燕，日暖樹頭鶯。更喜逢僚壻，翻  
教念外甥。平寬同定國，抗辯想匡衡。任真庶鴻光健

聯床軼轍并銅街聽雨夜一唱百回賡

至上海省父賡起贈詩並以扇面五幅見貺賦詩  
朝發山城暮海濱雲霄萬里遠歸人東飛氣壯  
吳楚西望天仍接蜀岷對榻今還晤徐穉酬詩  
自媿盧綸比隣欣羨兄偕妹共奉高年白髮親  
雲屏分贈見深情紙上秋風一夕生疇昔論交同自  
竭來話舊喜連蔓中年省父歡何限明日乘舟  
又行最恨風塵仍瀕洞神州更聽鼓鼙聲  
先都御史公名印

我從海外來，獲覩先公印。吾父初得石，作歌語諄諄。  
還珠猶可慶，矧此我家瑾。和者四五人，如笙簧相引。  
大哥與二哥，亦各以詩進。石產自青田，色黃蒸栗潤。  
紅鮮篆字工，縝密紋理順。方寸長倍之，摩沙手先澤。  
親石從何處，得刻手名孰。認閱歲二百餘，有聞難盡  
信。家珍本無多，遺印亦云尠。愆況值世變，亟寶藏  
慎又慎。

用韻和二哥惜別詩

九年歸僅幾，旬留大海高。山復此游逐，日蹄輕天

馬驟揮戈事妄魯陽休直還烏國初行地從證  
坤輿本是球重聚弟兄同上壽恰當風起季鷹秋  
皞如連喪子女老來輾軻詩以慰之

狂飈奪爾掌中珠弟補蕩兄事有無五岳已辜子平  
願百杯且醉酒家壚消愁正賴多歌詠習靜尤宜繪  
畫圖夙昔知君兼擅美春船款乃向東湖

輓吳蓮伯先生

眼看橫流急端居嘅歎并耐寒有松栢滿地落欖  
槍節以餐薇重生猶蹈海輕九原無恨事青史定留名

虎兒坐飛機赴美國於紐芳蘭遇險得全

逢凶化吉夢耶真消息傳來涕淚新雲裏車迷俄  
墜地座間火作僅全身同行過半今成鬼大難餘生  
汝是人二十六人同日死誰無天屬與尊親

虎遇險得全國內外戚友函電慰問或賜佳篇賦詩  
答謝兼呈父親

今日男兒四海人馳驅那得畏風塵猶存覆轍前車  
戒稍慰重闈白髮友親餘蔭從知先澤遠更生亦荷  
上天仁辱傳溫語投佳句多謝纏綿氣誼真

寄錢階平

看君六十鬢猶緇，猶細心許期頤酒一卮。  
上國從容觀樂日，嚴城辛苦聽猿時。  
銘傳舊德懷周勃，壁出遺經憶仲尼。  
疇昔春明曾祝嘏，家君贈硯為投詩。

寄酉妹

堂前雙桂照晴明，八月初三次妹生。  
轉瞬吾曹皆五十，關心老父賴扶擎。  
爾今兩女家俱近，我有三兒學未成。  
姑姪後先同月日，嘉名肇錫拜深情。

壽顧少川先生六十



鶴引仙階舞人添海屋籌懸弧初度日奉使昔年游  
譽以塗山盛功從夾谷收飛騰真意氣儒雅必風流異  
域看鸞鳳歸槎問喘牛艱難典樽俎辛苦補金甌買  
宅侯家第前朝戚畹傳倉庚嬌轉樹獅子怒張眸  
破甑同塵棄明珠歎閣投眾情難共喻公意本無尤  
雲起墩間墅風生海外洲直成燎原禍枉憶徒薪謀  
月落玄菟夜天低紫塞頭刀環良可喜禾黍正增憂  
復拜河源使重來博望侯舌憑三寸掉名已萬邦留  
瘳觸皆烽火東西盡寇讐相將羈島國共為念神

州鄉僻欣連皂場寬慣擊毬呼盧全黑勝勸酒十  
觴浮碧落攬槍雲巖城歲月道凌霄車隱隱入蜀路  
悠悠豈意煩徵召徒令議獻酬弭兵仍向戍定敵又  
葵邱已報干戈戢驩然戰伐休卅年遷舊地一別指  
孤舟偶飲相如酒難澆賈誼愁匡時知益奮論事我  
誰諏早日窺東閣而今隔遠阪離居魚雁阻介壽友  
朋稠恰值乾坤轉初逢甲子周綢繆託詩句遙為  
祝千秋

德潛東歸索余詩詞稿甚亟寫呈覆瓿卷尾媵

以小詩不足以當臨別贈言也

十載離家久，羈遲北海濱。  
鳥歸元亮柳，鱸共季鷹莼。  
可奈新成桂，何堪甌積塵。  
拙詩鈔一卷，持贈遠行人。

### 雅典有感

山光澹沲稱晴明，但恨天心未厭兵。  
十石腥魚祖龍死，中宵篝火野狐鳴。  
傷懷鴻雁成猿鶴，滿目河山動旆旌。  
古國東西今魯衛，憑高回望不勝情。

偕薛光前王克勤挈頤兒從雅典飛往薩羅尼加

狂風驟雨雲霧迷濛折回雅典油竭幾墮海既平安  
降地乃用真字韻賦示同行諸君

同舟患難見情真共濟猶教覓句新擎手起凌空將  
墜翼保全遇險得還身茫茫大海雲中客夜夜高  
樓夢裏人一念當時難自解齊飛父子太相親

虎兒脫險來

虎兒脫險來今已九閱月汝父女兄妹遠懷不能釋  
我從去年冬于役到天末遂渡大西洋與兒重會合  
迴思遇險初覩縷為我述其日正昧且陰昏雲霧黑

飛車迷霧地翻譯名甘德地屬紐芬蘭遙哉北海北盤  
旋車下降掠樹樹杪割亟解所縛帶且諄座旁客  
不然坐待斃何以應倉猝又亟又兩手捧頭夾以膝隆  
然如橐駝邠備禍不測落地聲碎旬變生在瞬息雷霆  
力萬鈞車頂如卵裂兒與同飛伴拋身身高百尺迴頭烈  
火作兒也幸得脫陽燄倏騰高存亡成長訣同行四十四  
死者二十一亦有兩女子火旁俱僵蹶奮身兒往扶所幸皆  
全活又有男子某沈繇臂已折抱持在兒懷痛極致奄  
忽旋復甦四人僅存一十八兒之所墮地泥草軟而濕左

臂撞樹身指傷筋脫節他創在兩腿初未覺見出血  
迨事之稍定始敬焉衣污鱗亦因趨火旁衣袴幾遭  
熱撲滅雖及時股間留痕迹兒傷身則全但苦饑  
寒渴轉恐父母憂阻長難遠達我兒之遠遊母為  
檢衣韞懷酒一小瓶將衣裝一篋居然衣與酒皆作劫  
餘物分給逃生侶稍資禦凜冽且看此深林疑與人世  
隔逝者固已矣吾儕何由出乃偕兩男兒求救行不  
輟徒步一晝夜行行林益密夜深遇野鹿獸駭人不  
識揭水兒褰裳急流跌又立二人登高望兒倦聊

坐石一自聞急變外援集隊發披榛翦棘來渡水  
筏況有雲中車四周為巡察舉頭見大鵬急為  
惚頃刻雁成行殷鑠其數七心知將得救來路迷  
投食初無多只供五人喫扶傷兒反命血溢力且竭  
有醫至如同天降佛偕來十四人各各是健卒煦  
瘡痍沛哉仁人澤翌朝雨滂沱冷氣侵肌骨首  
陰雲開天空爭推食從今有生望賴此衆擎力  
卅二人芟蕪使成垵救傷等重輕先後扶臥榻由  
一邱小車降以挈輕舫與大車升降相更迭遂

塗中悉令登衽席豈知十八人更報一人歿痛定復  
思痛禍因難完詰兒之困荒野三夜又三日傷固非甚  
重愆期誤負笈諮醫歷秋冬身體乃日益昨歲初聞  
訊死生不可必我歸視汝母憂甚望未絕中夜消息至  
逢凶得化吉爺娘抱兄妹相抱歡且泣一蹶長一智前人  
有此說願兒益勉旃進德以修業我作長篇詩從頭  
補紀實

一九四七年二月五日有感七月廿九日詩成

料我皇華六月期賢王語驗賸追思賭違季布千



金諾戲擬周成一葉遺辭闕銅仙留舊恨攀髯赤  
子有新悲闕牆御示侮猶虛願地下傷時亦淚垂  
壽孰師趙嘉甫先生八十

吾師與吾父八十政同年縣古尊黃髮湖寬隱一賢松  
緣耐寒勁菊以拒霜相妍兩地開家譙長看日麗天

早作林泉卧隄邊柳色青曹家猶有圃王店尚存亭  
瀕洞音塵隔崢嶸歲月經門牆懷舊德共祝老人星  
家嚴八十一生日階平從巴黎寄詩祝壽用韻答謝兼示  
海外諸戚友

本有東歸約思歸計不成  
即今千里隔那得片帆輕  
遠嶺濃還淡新秋雨又晴  
親朋同此醉春日願常明  
為祝家君壽詩篇句句新  
通家達孔李高誼擬雷陳  
山色齊連魯河流晉接秦  
四方行役久仍是遠遊人

輓李師騰飛

侯芭淡灑子雲亭  
悵望千秋此典型  
海內諸生同會葬  
天邊遠客敢辭銘  
令威月落淞江冷  
杜宇聲殘蜀嶺青  
別人天成永隔歸舟他日拾玄經

大哥旅蜀八載嘗避兵  
歌樂山一寫真自題詩有萬

綠叢中一白頭之句因用以起興賦呈二章大哥今年六十兼以致祝

萬綠叢中一白頭詩成鄉思自悠悠當時烽火鴻留  
爪依舊風雲蜚化樓米真珍珠彌可念杯斟醺醪  
不須愁何當寫出團圓影火急天邊好置郵

我今奔走徧天涯壇坫紛紜似奕棋遠道音書知父健中  
原戎馬歎時危三年就傳咸依舊萬里隨親轍有遲  
等到卅年吾六十銀槃更欲索兄詩

次韻宋錫人

猶是中原喪亂年，折衝尊俎待羣賢。  
狂瀾若使迴東海，濁酒何妨飲八仙。  
逆旅定交猶杵臼，新詩託興得因緣。  
雲天歎唾生珠玉，落紙鏗鏘伴晝眠。

## 古巴國二十六韻

分野當鷄火，迴瞻斗柄躔。  
登艫衝瘴氣，直指日南偏。  
結構都城古，喧囂市肆闐。  
島形同雉尾，濤勢吐蛟涎。  
鱷睥昌黎祭，鯊掀碣石邊。  
濃雲青月覆，海熱浪碧烘。  
天月令冬行，夏衣裳葛勝。  
棉棧欄撐榦，直榦樹布陰。  
圓蔗挺竿竿，竹麻排稜稜。  
田淡菰雲靨，雞醲釀味芳。  
鮮齋

有魚鹽利吳惟粟帛專此邦多沃土到處報豐年  
聽說朱門侈誰將赤子憐深宵翻舞袖徹旦醉歌筵  
歛舌音難辨雕題態亦妍路逢燒積穢櫛為戒偷甑  
窳惰民風薄流連俗好牽如何衣食足猶是紀綱愆  
遠徙從崖浦僑居此萬千有時鄉訊阻能不客心懸  
計息關羸絀謀生賴買遷言尋鉏菜叟共飲縛茅  
椽噴薄清流滿勻鋪綠野連盈車俱手摘鬻市致  
腰纏富羨陶朱術文傳貨殖篇阜商盟萬國高  
論正紛然

歸棧四首

歸棧挈室浪黏天去國辭親又兩年兵裏且忻吾父  
健劫餘差幸一家全重尋舊侶平橋畔更謁先慈曲  
港前可惜絳雲樓竟燬周圍牆壁獨依然

憑誰煉石補金甌漫想驅除到不周海水刺天中國患  
干戈滿地杞人憂最憐涸轍魚難活從歎生塵甑亦休  
民困兵凶煩下問前慙曲突後焦頭

白龍入水化為魚射目猶應戒豫且座上偏逢杜宣  
酒天南難辨馬援車公然市虎流言急却憶山鷓據

鼠初世路孟門真險絕孝標悲憤復何如

何物巡城惱衆娃得非襦襪妒裙釵渡名桃葉樓臨水  
頰視梨渦月墮懷投轄連宵拚爛醉浮萍隨處任安  
排匆匆聚散還東去迴首狂飈萬斛塵

家嚴命題錢擇石先生遺象硯拓本仍用先生詩集  
中為蔣心餘太史題先總憲公象韻

盈虧明暗墨光饒夜半寒芒射幾條硯背從瞻遺  
象在騷魂欲藉紫雲招古今觀化留春住先後題銘  
隔代遙更願兵間神默護前賢風度益高標

悼陳布雷

敗局難憑一子爭，獨居憂念淚縱橫。  
龍門風格推元禮，鵬舍心情悼賈生。  
空自返魂華表柱，肯教懸眼石頭城。  
二陵風雨遙相望，俯枕江流日夜聲。

鷓鴣歌

悼策如伉儷從上海飛香港同罹族難也

鷓鴣比翼東南飛，旦吳午粵無徘徊。  
聳身寥廓何蕭爽，迴首大地猶鼓鼙。  
黑雲乍擁半山起，惡霧竟致三尺迷。  
掀韉霹靂撞何處，乃是香港東北火石洲。  
山陂烈火腥風燎原勢，三十五人成劫灰。  
本以喪亂求避地



詎料倉卒投危機憐君夫婦同罹難况攜穉妹與相  
隨惟餘一女一男兒姊弟莞獨何所依問天胡為降此  
禍頃刻人鬼長分歧夜月笛聲歎向秀江樓鶴影迎  
令威追溯廿八年前事我方年壯君方筭隔籬異國  
論交始揚帆大海追蹤歸津門飽喫飢飢美春明偕  
作韋杜嬉酒家連袂命傳侶禁苑促坐留雪泥一飲一  
啄原定分撥泥作字費凝思自從借誦薜蘿蕪句我昏爾  
嫁分東西中間會少常苦離去夏夏再聚江之湄此別  
遂無重見期紅顏枯腊禍太奇室人聞耗涕漣瀉使

我懷舊愆亂尤傷悲殘骸枕藉須辨之收將夫婦  
同一坏墳上種樹紛葳蕤百年長發連理枝吁嗟予願  
爾夫婦百年魂繞連理枝

輓陸子興先生十四韻

識應龍蛇夢魂歸太乙真中年勲業大晚歲典刑主  
新守道兼尊孔明經益潤身師門懍遺訓畫象肅  
雙親喫苦忠心切祈天孝思純清標垂宇宙盛德  
照星辰學以名山著書猶絕域珍淒涼遼海鶴涕  
泗魯郊麟齧雪功常在乘槎迹已陳嘗為廊廟

宰欲拒虎狼秦縱弭兵戎禍終遭物議瞋祇今陽  
九會彌念老成人淚落憑棺日車迴執紼晨凌雲  
叩闕去直為極斯民

三十八年三月二十九日有感

鍛鑪陶鑄火光紅百鍊精剛一冶中漫讀桓寬鹽鐵  
論來聽季札邴鄆風琴鳴小國方千里居擬卑宮  
地十弓自是垂簾多兢業狂瀾況復傲兵戎

賢具明媿美古親蠶為誦闕雕與葛覃脈脈山巒靜  
朝爽青青草木稱春酣卅年使節慙無補六國

民情苦未諳祇賸憂生兼念亂關心最是在江南

桃源曲

山色湖光滿笈裝倩誰寫出照中堂  
淪連水碧石知魚樂掩映春濃笑鳥忙  
玉帛周旋猶卅國情懷重疊況殊方  
樓臨大道喧車馬此地誰言是僻鄉

宴罷釣天白玉京懋遷細事更何爭  
勝遊怕做江城夢春色應添旅客情  
籠月晚煙訝山遠掠波輕艇信湖平  
望中疑有桃源曲肯許携家過此生

筱珍自臺灣寄詩依韻奉答其第二章以贈慶育

齋苦荼甘此擇途知君篤行與人殊  
嘗瓜必貴東陵種學易終推太極圖  
白木長鏡傷杜老暗香疏影數林逋  
滄波闊處斜陽裏隔岸鄉山入望無

身世何嘗泣阮途亂離隨地況無殊  
艱難鯤鳥延平志倉卒驟網武衛圖  
痛飲寧須愁酒券高歌直欲抵詩逋  
故人辦了公家事填得新詞幾闕無

三疊前韻投筱珍慶育兼示袁子健黃真道

舟車鑿空歷三途到日新亭景物殊  
赤縣重逢陽九阮青松須寫歲寒圖  
同遊縱慰生平慕遠和難償

夙昔通為問秦淮狂嘯客相投更有好詩無  
讀胡展堂先生不匱室詩鈔

海邦尊酒接風裁語雜莊諧笑口開  
戇甚淮陽汲長孺清於絲上介之推傳經為  
歎孤星識吐白堪稱八斗才遺集命名思  
不匱補題同有百年哀

呈李次貢先生二十四韻

歲殘松樹青霜重菊花綺風雨自冥冥  
雞鳴終不已閨中李次翁直諒古君子  
講學到炎洲談詩喻深旨瑰辭錄幾箋  
貽我八千里古體最擅場律詩並皆

美聳牙昌黎韓俊逸謫仙李泗讀前賢詩千闕一  
二耳近因兩眼昏吟詠益廢弛君學所師承吾何敢妄  
揣先人宮井歌清季備終始懷友惜分陰夕陽與海水  
三篇君最珍全集君所喜忽誦補題章肅然成遐企  
熒熒孤露餘日月歎如駛昔我偶苦吟寫來盡泥滓  
迥今辱過譽更為辨源委糾糾攻厥瑕伐毛抉其髓  
惟君善論文問業庶在是識面邕所求寄辭甫堪擬  
况懷季鷹莼徒擷靈均芷憂在天壤間樂尋文字  
裏纏綿傾寸心鄭重託雙鯉征雁海西飛尚煩附

數紙

慶育燕山亭詞有怕賦歸興更怕問甚時歸去無據  
才解道征人難做之語悽婉動人為賦此詩却寄

飛揚跋扈故翩翩酒市旗亭雋語傳一點相思歌叔  
夏千篇寫定想其年愁生瘴海炎天裏望斷春江  
晚渡邊為誦征人難做句對窗枯坐益淒然

贈邵筱珍

中宵落日起崑崙客館填詞把酒溫可是羊求巖壑  
趣却留鴻燕雪泥痕



江河東下駭奔雷  
白馬成羣白雪堆  
鼻顛屢倘逢高掌  
蹠蓬瀛為挾怒濤迴

登樓望遠意茫茫  
吾滯他邦子異鄉  
寄語每從九天  
外開甬長在一燈旁

墨花飛亂我心驚  
那得清波洗眼明  
敢以偷桃惜方  
朔終因齧雪老蘇卿

輓陳蔗青

老來難遣望廬愁  
死去同歸異域幽  
蘇武勲名條陳  
迹向平昏嫁況餘憂  
當時分手成長往  
此夕從頭溯

昔遊只有嘉陵江上月金波終古湧寒流

七六

壬辰元旦示兒輩

隔夜殘燈靜萬家滿天霏雪障朝霞喧聞啁晰搶垣  
雀紅賸玫瑰傲圃花黍谷迴溫催玉琯河源貫斗過  
靈槎年來屢作團圓計更入新年願尚賒

何處青霞撫五絃渾忘爛盡斧柯羊猶期精衛能  
填海只有媧皇解補天辭漢銅盤仙下淚賜秦金策  
帝張筵宮門馳恨多荆棘底事純鱸後昔賢

禦寇俄成肉袒迎五千樓甲誤親征嬌嬈合貯劉郎

屋播越同遷敵國城攝政邸王歎春米膺以符靈武為  
和羹旁行斜上乘輅記授梓他時倦眼明

父書壯誦晝兼昏安樂詩文廿卷存瞻象空令喚  
曾祖命名誰與錫重孫試盤初出亭林糸占夢還  
從六一門但願扁舟偕爾女相期湯餅為開尊

華胥五絕句

連朝射獵步疏林一夕華胥脫屣尋雲外歸來長  
公主下車無語暗傷心

制詔金輪景命新萬幾餘暇慟亡親垂簾自是同

垂拱魚水無嫌祭寡人

皇根帝系暢枝條  
眼者存亡六代遙  
王女蟠桃經幾熟  
更逢孫女少臨朝

女兒相擁淚漣漣  
蠟炬孤檠照榻前  
痛憶女行勞父  
送纜離六日竟生天

萬姓攀髯殯宇寒  
王侯會葬肅衣冠  
溫柔謹訥褒  
君德論定由來在蓋棺

昨夜四首

臺灣詩人於漁洋秋柳四章紛紛用韻追和所詠

春柳因以名篇體物生情詞多寄託傷時感事音  
尚纏綿唱和之盛無減曩時三百載下更遇知音  
昔賢有靈能無歡喜余以暇日編讀諸篇爰廣  
其意且復成吟初得第一首以首二字命題越日  
足成仍以昨夜為題云

昨夜靈和入夢魂垂楊遙襯紫宸門濃陰從記游  
驄路細雨還添客袂痕幾點歸鴉收暮靄一灣流水  
遠孤村海西風景殊中土疇昔娑娑孰與論

平橋曉過有微霜兩兩鴛鴦浴野塘芳草隄邊船

繫樹清謳聲裏竹編箱才推道蘊風吹絮序寫蘭  
亭人姓王長短柔條惹鄉思那堪回首碧雞坊

戴笠歸來一縞衣人民域郭是耶非橫橋灞岸春猶駐  
畫舫秦淮夢已稀却報成文枯柳起還聞破地怪我鳥  
飛毳毳日影娟娟月照出人間萬事違

送別攀枝已可憐家山況復阻烽烟而今睨曉聽鳴鳥  
莫待拚飛逐卷綿喪亂終廢同谷詠文章祇記義  
熙年吟朋勝會知何處嫩綠柔黃拂水邊  
贈胡適之先生

先生論文尚喻俗不為格律聲色所桎梏要將二千  
五百年來之文字洗盡唐宋八家明清八股之餘毒  
躬自提倡逾卅年屹然終始懸此鵠先生學問洵無涯  
我昨特呈幾篇所作詩與詞先生讀竟不我嗤但言  
詩取古體詞小令吾縱不敏當勉之先生語我將往臺  
灣行數千里三日間試從天上窺人寰紛爭何啻觸與  
蠻雲海蒼茫路難辨風塵擾攘心相關送別鄭重  
語止此聽我再歌風塵擾攘心相關直欲勸君毋亟還  
送炳文夫婦如臺灣兼東慶育

海外重逢甫昨宵車邊送別又今朝雲移遠船神仙  
侶月映瀛洲日夜潮舉案孟光敦伉儷觀風季札  
蕭韶何當更訪河源去病眼猶能逐使輶

信美翻添異地愁登臨同憇仲宣樓宜興洞真勞遐  
想携李湖平悵昔遊戒自兩違兼獨善今來半為  
子孫留憑心君寄語高歌客人海帆檣便欲收

以舊作若干首寫呈和鈞蒙貺佳篇兩章過分推許  
如何敢當賦此答謝

展紙光芒日月明殘宵燭火復何爭滄溟重遇同



為客甲子初周我是兄過關梁鴻歌慷慨吟秋杜甫  
淚縱橫憂時愍亂情何限一曲陽春敢妄賡

次貢書介合肥袁試武贈詩許為能承父學子助勉  
之意情溢於辭

敲金戛玉一聲清寫耐雙魚字體明那得德星聚東  
井徒勞騷客覲仙京蒼茫夢隔陶家徑倉卒書空晏  
子楹對飲他年應感歎劫餘先澤不勝情

讀黃亦雲夫人為膺白先生所撰家傳

深深莫干竹漠漠笠澤雲今夕魂夢阻昔年聲

欵親淡菰恣噴吸雄辯益精神甚感公意厚甚  
知公心真縱談天下事慷慨語必諄刊落其枝葉窮  
探見本根施之於謀國憂樂在斯民奮臂排衆議惟  
公勇且仁如何迭進退有志不竟伸今我讀此傳幽  
明歎長分行間與字裏到處有淚痕犖犖標大  
節肖公之為人豈惟諡惠誅亦勝祭徐文筆健人  
扛鼎思深火傳新篇中敬言惕語直欲叫天闔文字  
垂不朽典型與並存公亡十六載世事絲益棼分日月  
遞明晦羸劉代新陳高陵倏成谷大海竟揚塵

寂寞墓門草迢遙山麓村九原如可起興廢  
重與論

又一首

汪汪千頃挹淪漣便坐從容記往年促膝每從談笑  
裏傾心彌媿切磋專生平志事闕黔首死去風神  
付逝川山館山村俱寂寂異邦迴望共淒然

壬辰除夕

盛暑來茲土因循到歲闌從知團聚樂更覺見遠  
離難

癸巳六十二歲生日適是日咸珩從香港轉到大哥所  
寄菩薩蠻詞

東風晴日映窗紗  
隨地安排當作家  
偕老艱難餘  
賃廡養生珍  
重在天涯  
調簧弄舌樓枝鳥  
淡抹濃  
妝夾道花如此  
春光且留戀  
携筇緩步帽簷斜  
涯字  
一聯原句為偕老艱難賸荆布  
養生珍重託麻沙

雁聲如舫入雲霓  
為道相思寄海西  
客舍閒門長  
寂寂池塘芳草  
自萋萋  
每因聽雨懷坡顛  
休說投  
林共阮嵇  
白髮弟兄重  
遇日詞箋  
詩筆好分題

從季高借讀其尊人竹侯文跬園詩鈔用集中返  
淮四絕句韻謹題於後

湖樓弟子上庠門女訓諄諄重本根柔史剛經娛晚  
景愁留詩卷付兒孫

早年高蹈隱桑麻興到宜春去玩花滬瀆燕京多  
轍迹將迎子舍便為家

綠柳青荷寫勺湖微雲淡淡塔尖孤若為招得吟魂  
返猶認前遊路也無

少陵詩史意堪傷天寶具兵戈事不忘讀到獲麟

成絕筆連章感逝最情長

雲中雁

遺詩阿父歎歸遲  
今我依然鳥寄枝  
人境幾間成  
隔仄市廛千戶列  
參差江邊為看新  
弦月客裏還  
牽舊里思却恨  
河清猶有待  
掩扉容膝且安之

仰視蒼蒼放眼寬  
辭官益使此心安  
窗前懷葛臨風  
卧海上樓臺隔霧看  
喜得新詩占勿藥  
憑將和韻  
祝加餐  
唱酬端賴雲中雁  
差抵聯床共被歡  
紐約城移居壬季  
又遷畫梅見贈

小眠齋裏照殘氈  
坐對梅花意欲仙  
幾筆橫斜見風格  
可能移種水塘邊

送子琳東歸

君向臺澎去冷然  
寥廓中天圓青未了海  
大水林何窮鶴警涼風緊  
鯤嶼怒浪雄登臨定多感  
西望夕

陽紅

疏慵誰似我客裏此浮沈  
料爾非高蹈傷時況苦心  
江南子山筆海角月泉吟  
倘得新篇什女忘附  
好音

散步秋林有懷慶育

秋來每憶杜陵詩風起尤添宋玉悲分芋狙公逢  
喜怒入杯蛇影任然疑看孫真覺催吾老閉戶還  
驚鷲補過遲渺渺雲天長在望寸心能得幾人知

萬曆秀水縣志

階平以萬曆秀水縣志見贈志為明碧石山居士黃  
洪憲所主編向丞先伯重為校印伯諱蓉鏡別  
署香嚴宮永順知府

禾郡秀水與嘉興析而為二始宣德後四百有八十年



兩縣依舊復并合碧山居士萬曆秀水志為志凡八分卷  
十此書久逸無傳本吾家永順從父得之邈清末  
借歸錄副供瀏既見更據他書補其闕釀次貝遂付  
聚珍板題籤復作跋跋尾仍書宣統十七年乙丑又  
六月不知有漢焉知晉否日嚴老人無乃自比桃源客我  
獲此書由錢君海外展卷彌可珍或傳中土遭秦  
焚亦或捆載收典墳喬木晏楹竟何在鳴琴今孔壁  
無復聞獨喜此志今幸存尤喜魏塘老友博極  
羣書無其倫

## 壽味道六十

乾坤浮一氣日月轉雙丸六十君初度風塵此暫安通  
才兼象譯博士擬申韓使節皇華什歸輅蜀道難  
體從五禽鍊杯共八仙乾發彈蜻蛉翼揚鞭錦繡鞵  
英英見文采楚楚整儒冠情意繫欽重風懷宋玉  
歡前遊曾作伴早日本同官歌舞聽調瑟娉婷笑倚  
欄鬢羞宓妃枕步細娘好盤偶被籠鸚惱俄成玉  
兔殘榻來還話舊觀縷為更端倒海流何急移山  
力竟彈金甌傷再缺大廈盼重完有鳥當銜石無

根漫畫蘭弭兵分任責懷志在迴瀾世亂求身健時  
清拭目看開尊須痛飲剪燭勸加餐祝壽辭毋  
費相期慎歲寒

題畫

季遷仿王叔明清滄垂釣圖筆意為寫橫幅  
見贈取名煙黛收帆用黃鶴山人原韻題句內于  
筆錄

畫是君家事天真在此中間雲生遠岫暖日散清  
風疊石寒苔罅歸帆雜樹叢溪頭垂釣處今古

有詩翁

哭皦如

崑腔孌孌有餘音  
絕調俄驚馬淚滿襟  
五載永懷同學友  
百年終負託孤心  
劉伶墳在殘醅盡  
庾信園荒落葉深  
待得我歸君宿草  
湖樓斜照慟人琴  
元白神情得句寬  
遺詩可有幾編完  
平時未覺暌違久  
死日方傷告訣難  
繞樹低徊辭別鵠  
彈弦悽愴唱離鸞  
桑榆回首皆陳迹  
江上悲歌雪夜寒  
投靈琰

為祝多添海屋籌滿堂歡飲動清謳欣聞賢母  
興居健減爾高樓一段愁

補裂笛歌

馨吾笛裂季遷夫人為填漏補罅因舊成新賦  
此詩也

梁伯龍魏良輔崑山造腔此鼻祖歷世遞傳至項君  
三百年後承其緒斷橋會合白歸許殘夜從容費刺  
虎勇過吳宮刃王僚情深天漢來織女此學漸成  
魯靈光歸然如君只三五況君更善吹長笛錚鏘  
營鳴協律呂循孔安詳應笑民笏出氣嗚噦工噴吐  
能令仰秣駟馬鳴亦見躍淵赤鱗舞無端裂

縫侵兩旁發聲那更聽悠揚豈是韜藏失其  
道抑因燥溼違厥常器凡久用易成窳矧乃遷地  
或勿良雖整較歌亦可惜欲買新笛傷阻長漫勞  
望風終南嶺奚啻伐竹崑崙陽亟欲求之難遽  
致馨翁持笛徒旁皇所賴從學有閨秀摻參親  
為施膠厚遂能補罅填其漏朗密調均盡如舊  
重聆三弄桓伊奏猗歟美哉重聆三弄馨吾奏  
馨吾為言俞振飛亦報笛斷得其室人膠合因  
代徵詩

壞笛雙又雙又長望重煩纖手補算箏一聲入破驚  
州牧隔歲成篇有議郎大地山河好收拾餘年離  
亂不提防客中愁恨都吹散妙響還應集鳳凰

題慶育吟草

寫出纏綿萬種情兵戈顛沛語彌精傾杯為唱霖  
鈴曲撫節猶聞疊鼓聲詞繼三英西麓鹿盛詩看七  
步八叉成手刪嫌爾過嚴了全集何時更印行  
看蘋果花和雲松

春來春去尚餘寒滿院蘋花亦耐看歲歲花開

花又落天公萬事不相干

朝來細雨洗鉛華更比濃妝媚態加  
今歲花萎明歲盛人生那得似頻花

聲聲

聲聲高鄉音過行雲妙曲他邦絕  
少聞歛笑遠山還鬪翠凝眸秋水自生紋  
爭將趙氏孤兒保算就劉家鼎足分  
最是漁陽槌鼓客抗歌悲壯壓人羣

無終山下玉生田嫁得郎君共管絃  
一縷春魂隨酒暖中宵闈思繞天  
圓簫臺能引棲梧鳳鬢眉影看



同吸露蟬垂老薛譚從學唱對警京調且忘年  
投季陶穀香吾

幾人酬唱在天涯亦有劉郎與項斯我獨吹竽不  
成調一聲聊寄摸魚兒

補和次翁蓮字韻詩

五色祥雲太華蓮東南海島有耆年鋤園陶翟  
盟真永賃廡鴻光事已傳偕老百年今始半聯  
吟千首盡居先補題吾媿蟬鳴樹聊託雙魚寄遠天  
懷昆吾

遙聞死裏幸逃生喜極翻添念遠情人到暮年  
戒文采身當濁世怕清名何緣腐鼠遭離嚇豈  
有枯魚激水迎託否禁城每喚步森森古柏照春晴  
江干別姊水泔泔却恨當時未見君吾有次兒邀寵  
愛娶來新婦識辛勤海濱同捉蟹勞山月春日陪看  
牯嶺雲乞野土白門留此願姨甥應不竟離羣

咸彰得女是為余長孫女命名緯宣用竹侯丈滬上  
歲暮住羣兒屬詩韻賦贈季高徵和並寄大二哥  
夜深杯酒禦輕寒節過中秋夏漸闌也喜添孫傳

代遠須知入世做人難  
隔來三載聯翩出抱得雙雛仔  
細看執業兒曹能懇勉  
老年聊使我心安

下筆從來戒瘦寒  
酒闌吟興未俱闌  
海田翻覆身仍健  
門戶支持事本難  
積稿今歸內人寫  
留詩付與女孫看  
杞天憂隊土誠無補  
賃舍猶容歎詠安

題李次真先生愉園詩集用集中題先君子詩詞  
集韻

唐推太白宋龍眠  
代有名家踵昔賢  
益信蟠根仙李  
大從看正諦佛衣  
傳情深祭父傷兒  
語氣盛黃山

華嶽篇多謝追題先子集轉因賡韻為題箋

雨中第十二層樓聽車聲

絳縹如聞曳帛過又如攤葉飼蠶多出門休管晴  
和雨背道分馳雙帶河

得昆吾致美方手書疊法字韻

想當揮灑淚法法寫寄天邊朔細君猶是對窗提腕  
健得無因地辟字窠勤青青夾道疏疏樹淡淡連江  
片片雲此後餘生要珍重未妨隨分在人羣

投叔謨夫婦

滿湖蓮葉自由田斜日銜山柳惹煙賸夢宜尋名勝  
地餘生尚盼太平年即今團聚逢除歲依舊歸期待  
問天驅遣旅愁俱有道爾憑柱後我詩篇

海邦真個海為田卅里長堤一片煙望眼應懷風雨夜  
回頭同愴亂離年所負成且自亭虞芮歸夢猶教隔  
水天欲趁歲闌索詩債書還母忘寄佳篇

伍君喪其妻之母有詩寫哀介文紉邀和

母衰常怕有書來今日書來失母哀從此慈顏長  
不見可憐愛女竟難回晚雲遙起千般慟晨髻

慵梳萬念灰追想劬勞同一哭哭聲應是到泉臺

三疊寒字韻詩答謝季高和作並示同和諸君

韻借尊公十四寒親朋賡和歲云闌原非競病成吟  
易尚且推馭下字難醇味直同醇酒飲麗辭真當  
麗人看興亡有責君家語我亦祈天祝治安

寒閨八首用少陵秋興詩韻

幽夏寒閨似竹林長竿想像綠森森慵眠繡榻  
晨光軟小坐瑤窗暮靄陰姹燕嬌鶯妬簾影喧蜂  
舞蝶戀花心擣衣中夜人何處清迥如聞玉女砧

柳色參差映水斜，添黃損翠換年華。  
高吭從奮鷗兒志，白髮終留海客槎。  
曲裏關河收玉笛，天邊烽燧動清笳。  
相逢莫灑潯陽淚，挽手同簪月季花。

織柯暗葉咽斜暉，畢竟涼蟬力太微。  
困轍終教憐鮒苦，翔空應自羨鴻飛。  
鱸兼味風先起，雲海璣吟願未違。  
荏苒流光春復夏，紅偏瘦損綠偏肥。  
却怪天公誤著棋，陰晴無準使人悲。  
直從落葉荒涼日，迴憶穠華爛漫時。  
鵬徙南溟因海運，駿隨穆滿逐風馳。  
偶吟病樹沈舟句，頓起高樓少婦思。

靈犀一點在心頭縱有柔情冷比秋素襪明璫歸淡  
抹攢眉蹙額鎖新愁欵鴛認作丹山鳳瀾鵲浮同  
碧海鷗夜半思親夢千里層雲遮處望神州

舊日江河舊日山雙雙比翼白雲間分釵猶記盟銀  
漢擗笛何緣怨玉闌機杼不須挑錦字風光好為惜  
紅顏頰椒咏絮原難得明慧宜無媿左班

衣冠描寫叔敖功意在微言淺笑中里有聞歌歡  
復泣天因仰嘯雨和風雲鬢敲枕纖腰膩爪掐分橙  
素手紅不托羊膈供飽啖酒酣低唱一聞翁



宮廊響屐故迤迤遠攬湖山萬頃陂看取緗桃支瘦  
骨憑將琪樹放瓊枝非關奇士牽蘿附豈有傾城  
載舸移井底平瀾長寂寂堤邊疏柳自垂垂  
四疊寒字韵詩轉呈香港秦夫人

紀候分明異燠寒東西畢竟歲同闌猶因附鶴開  
緘喜總覺騎驢問字難竹報料從天外望桃符仍  
在客中看閨門妙句郎君寫畧擬詞家有二安  
過五月咸彰婦亦舉一女命名悠宣五疊前韵  
秋冬過盡到春寒吟侶賡歌興未闌半載再逢孫

女誕兩兒差擬弟兄難牽衣更喜雙雛長截竹還  
成匹馬看我本書生無遠志只求繞膝眼前安

伯羽寄示園中雜詠八絕句為和又尖二韻各一首

花草園廬便是家光陰看過似鋒車知君退食  
多詩興八詠全憑手八又

異地風光異地簾卷簾春日有花黏爾歌吾和四  
分一險韻偏拈又與尖

再依韻各和一首

居然荷錨作農家敗葉枯枝掃滿車  
雉草種花

晨課了樹陰小立手雙叉

一院鮮花色映簾當春好雨潤泥黏放晴鷺燕嬉  
紅濕寫得新詩鬪筆尖

觀演得意緣搜孤救孤

錦繡氍毹稱眾仙紛紛絲管五更天何期游俠  
藏山寨得意春宵一段緣

助賊搜孤為救孤我來舍子爾捐軀去場對唱  
臨分調滿座無言忍淚珠

氣運丹田好放歌繞梁餘韻想韓娥明知觀劇

尋常事異域逢場感慨多

搜孤救孤行為文綰培忠作並呈適之先生

孔言文勝質則史安定讀史通此旨博采民間所傳  
聞乃自司馬子長始即如國語與春秋初無屠岸程  
嬰公孫氏左傳但言趙武從女畜公宮嬰女之撫孤所不紀  
馬遷謂為謀取他人兒京劇謂是嬰舍己生子我來  
舍子爾舍生別本與元曲皆言嬰之初意父子願  
同死又如元曲所稱公孫撞石以殺身非與嬰子  
同斬市不管所載有異同要之程嬰公孫杵臼

是義士

二百年前此劇重譯傳海西法蘭西儒伏爾泰用其意自編劇本名曰支那之孤兒所寫成吉思汗

滅中國帝后與五子皇族為所夷惟有第六子在緜緜裏倉皇送至相府姑匿之無何相府亦見圍相國亟為挹藏祖墳側易以己子無遲疑髮方髻程嬰之所為迨夫相國將處死妻往訣別語甚悲忽而拔刀屬其先殺婦後自殺庶幾夫婦二人同所歸當其舉刀欲斬時可汗舉手為相持余今

貸爾四人死爾等義勇余所咨東西兩劇情  
節固迥異惟此舍己拯人之德行無兩故總之法儒  
劇本原從元曲而脫胎

巴黎昔年此登場紛紛爭坐何其忙即今紐約觀劇  
人千百盛會今古相頡頏細也飾嬰女忠杵白纓表演科  
白頰堂皇行腔遠承羅田客運氣放歌聲悠揚唱  
到傷心斷腸句滿坐不覺淚成行吾聞之鎔鑄崑  
戈於皮黃巨擘手羣推四箴堂吾所及見繼起者汪伶  
隱與譚大王羅田繩祖武人去聲留到遐方遐方何

幸得觀劇販馬記汾河灣八義圖得意緣奚啻置  
身廣和樓與滿庭芳嗚呼何時更得置身廣和  
樓與滿庭芳

朱女八十壽詩為令子秀峯作

堂前新婦舞斑衣游子天邊夢不稀負米藉供甘  
旨養當窗頻望白雲飛家書女健心差慰鄉井人  
歸願尚違昨晚敬廬懸壽字歡呼共為祝春暉  
慶育見寄游阿根廷百里羅池和杜五律十首

士以貞元貴音從正始傳十章廣杜甫三影羨張先

寶髻西江月紅霞瑞鶴仙聽歌絃外顧醉酒甕旁  
眠意氣吾同盛屯遭子益堅崎嶇方蜀道辛苦又炎  
天奉召催騎馬呼來不上船為傷春竟去終信海能  
填結社題官柳論文仿月泉即今持使節猶自譚  
吟鞭縱目湖山美關心喪亂年登臨寫詩句何啻  
仲宣篇

筱珍書來有自料來日無多之語詩以廣之  
來日終無去日長人生此境只尋常連年我亦多  
煩惱到老差能付健忘原是雞蟲爭得失怎教



衣狗幻滄桑遙知客館開絨夜好為吟朋盡一觴  
大哥寄來安樂鄉人辛亥前詩詞存稿油印本

大哥連年蒐羅吾父未刊稿自詩詞文雜著  
以至韻牘對聯今已鈔有六冊續搜散佚不懈  
益懃三年前得其手鈔吾父辛亥前詩詞  
存稿及未刊文三篇一小本比復以此本見寄辛  
壬之際余小住平湖嘗檢存吾父手寫宮井篇  
楊花七首又無題與輓人詩各一首共十篇宮井  
篇已見詩集餘皆七律皆未刊此數紙者久

藏置舊宅篋中迨吾父棄養大哥旋里料  
檢殘牘未見此數紙楊花詩記有見慣飄  
零不自持又若為留得東風住盡日靈和殿裏  
飛三句無題詩譏某疆吏買姬獻某親貴  
結云船算車緡軍府急春宵一斛石家珠  
當時不知別存亦竟未錄副及今追誦僅此數  
語負疚實深又辛亥夏客居北京為吟莪  
出示其先德遺蹟冊頁見有吾父所題五律  
二首有定有千秋在非闕一卷遺之句不知

兄亦已訪得否

集外先人稿蒐羅伯氏勤浮雲仍片片逝水自  
泫泫我昔存篇什而今竟放紛何當完璧玉返相  
與話歡欣

咸瑄學醫卒業用高祖憶女京師詩韻

喜汝醫成學活人心最安讀書初不易臨診定尤  
難解結方除病外強中或乾良醫吾所勛老眼  
且留看

一座

一座詩豪盡酒豪 盧觀 酒酣猶欲續離騷 當時蘭

蕙盈平野此日蛟龍惱怒濤 三戶興亡望公等九州意

氣屬吾曹舉杯何必分醒醉雷雨聲中調自高

送文綰往香港省父仍用安字韻

送別無他語相期別後安歸寧良可喜團聚亦誠

難老母倚閭望南天拭眼乾九龍燈閃閃鬢鬢

隔窗看

叔謨做七律二首壽其夫人兆敏六十遙同一首

想見詩成笑口開吟聲長繞鳳凰臺天邊賃廡

圍爐坐夜半攤書賭茗猜為報生辰花甲喜彌懷咏  
絮頌椒才高樓門裏雙雙燕盼爾雙雙早早回

內子生日仍用安字韻作二首

君今五十四且幸一家安已覺年華換仍驚世路  
難鈔詩紙連疊閣筆墨先乾待得成書日相  
從把酒看

人到中年後心安身始安堪誇養花好却說做  
詩難暑氣風吹濕車聲日炙乾榻前懸雀白象  
笑喚稚孫看

何夫人壽詩為令愛靈琰作

杯深催盡醉飯熟辦加餐盛會萱堂壽清歌夜色寬  
女能兼子職詩以奉親歡莫道歸期誤游蹤且暫安

賈果伯先生七十壽詩

丁亥先君年八十開顏亦賴浪仙詩做人聞說歸寬  
澹閱世還教歎險巖鹽鉄書成誦當代貨泉政舉  
值危時晨星父執身今健願祝期頤進一卮

獨行

獨行逢盛暑得報喜平安只有趨庭樂能忘處  
世難音留人尚遠塵起海方乾怕問歸何日開  
緘更細看

### 紅葉

記否春濃絢爛叢光陰如箭又西風雲因映日連天  
碧葉以邀秋飾樹紅隱隱鐘聲聞寺外淒淒聞  
語託溝中潺湲解得癡情苦流去流來一水通

讀檜門公觀劇詩敬賦五言古體三十四韻

七世祖檜門公觀劇絕句三十首一加官二八仙三

虞姬四蘇子卿五明妃六李太白七馬嵬驛八  
南內九白羅衫十周倉十一尋親記十二范彖虫十三  
黨太尉賞雪十四聽琴十五玉簪記十六岳忠武  
十七掃松十八寫本十九趙文華二十嚴嵩二  
十一獅吼記二十二別頭巾二十三演官二十四周遇  
吉二十五費宮人刺虎二十六柳敬亭二十七目連  
女二十八鍾馗二十九邯鄲夢三十達摩此三十首  
者公晚年所作屢寫贈人庚辰八月錄投  
閣度庚辰乾隆二十五年為西曆紀元一七六。



年越兩載公卒年六十二閣度姓楊金匱人名  
潮又名潮觀號笠湖公丙辰分校所得士著有  
吟風閣詩鈔吟風閣雜劇其中寇萊公罷  
宴一齣見稱於時公詩先已據別本刻行光  
緒年間長沙葉煥彬德輝初以活字板印行  
三十四年戊申遂據贈楊之冊附錄諸家題  
跋和作分三卷付刻名曰檜門觀劇詩收入  
雙棹景閣叢書此詩和者五人王葵園先  
謙朱純卿益濬易實甫順鼎各三十首皮

鹿門錫瑞葉先生各九十首諸家和作皆依體而不疊韻公觀劇詩不編入正集中家

藏單行本共四冊而觀古堂刻本則僅一冊今夏大哥乃以此冊從上海轉香港見寄客居異邦獲此重寶為賦長篇以紀其事

先公得大魁遠在乾隆初松栢蘭臺寺賢良西漢儒南輅慶得士贛水閩嶠嶠迨至中年後管絃偶自娛爾時皮黃劇猶未到皇都所嗜崑山調間吟弋陽飲金卮盛譙會玉笛應笙箏殺賊費官

人治吳范大夫班師臣痛哭逢父子歡呼紫紫標  
忠孝鏘鏘奏麗能演來真耶幻寫出實實而虛觀  
劇卅絕句卅篇皆珣玕公詩多硬語韓愈黃與蘇  
書法亦道勁河南歐與虞此詩公屢寫一冊投笠湖  
閣度楊其姓於公為生徒吟風罷宴曲最得時賢  
譽公冊嗣加裝徵題百年餘後先賡歌者葉易  
皮王朱有一和三和心情賴以舒和雖非尖叉唱自相  
于喁光緒戊申歲彙刊成此書刻書者葉某氏觀古  
名其居我讀戲劇史腔隨時地殊赫然公名在

名不逐年徂憶及加官句家書去問諸忽焉此本  
至轉寄經長途少日覩別本普同金根車何圖卅  
載後絕域獲寶貝如既喜道兵火亦誇逃蠹魚他年  
歸願遂吾與老妻俱歸去無他物持書還舊廬  
諸兄及諸妹同牙近照乘珠藏弄於東塾相期光  
門閭

答張克和

曾讀先公觀劇詩詩中甘苦演來知黃花瘦影  
珠簾裏想像郎君鬪句時

葡萄藤儿在莎廳拍曲聲聲耐細聽  
姹紫嫣紅春且到欲煩重唱牡丹亭

答季高

自壽佳篇選韻寬眼明身健此心安  
朝朝治事平泉布摺摺鋤泥種蕙蘭  
隔省猶嫌傳雁少兩家長共弄孫  
歡吟成補祝分餘慶旬日悠宣  
欲試盤

乙未除夕

白雲衣狗忍重論南海鯤鵬怒浪奔  
倦眼若為

儕永信閒身空復憶陽尊懸車域外歸歌詠  
秣馬聲中長子孫健飯熟眠無箇事也應多  
謝彼蒼恩

昭瀛奉使巴西國道出紐約城疾作稍瘥即行  
悵未及晤勞之以詩

大哉排難解紛人感格冥頑在一真知己偏教  
慳晤面念君頻為祝強身要憑壇坫支頽廈  
留待河山轉早春若問閒鷗近何似詩篇絲  
竹與相親

觀劇雜詩八首

放眼乾坤一戲場  
幾經治亂幾滄桑  
古今無限悲歡態  
付與鬚衫淨丑裝

敵營念母淚沍沍  
給得銅符聚又分  
降將居然高公主  
寧同出塞嫁昭君  
四郎探母

驚馬見新人即故人  
莫郎羞殺玉奴瞋  
雖然棒打不留怨  
到此方知婦愛真  
鴻鸞禧

玉鐲門前手拾來  
媒婆更索繡鞋迴  
世間不少癡男女  
為了多情釀禍胎  
拾玉鐲

為拾蘆柴暗濕襟相將乳女到荒林書生憐汝  
伶仃苦一片朱提一片心春秋配

黑夜跳船喚奈何漁家父女趕江波祇因衰世  
遭苛政惹得民間勝廣多打漁殺家

眾仙才藝信無倫科白描摹畫逼真許我獨  
推親家母中年初演已傳神

從來樂極反生悲況是今宵樂闌時却願天生  
同一處鳥看比翼樹連枝

讀隋遺錄煬帝海山記迷樓記開河記第一



部顏師古撰後三部闕撰人姓名

夢斷虯龍尾妖侵帝座星雖求命能永詎  
辨德惟馨邊郡骸多積渠流血亦腥儂家  
有人管塵世幾年經尚憶搜宮井重煩舞後  
庭迷樓何處鳥衣西苑正亭亭合蒂花迎輦  
斜鬟影映屏寶兒真任意天子也忘形乍  
報飛揚去爭看玉李青古無不亡國說與嬖

臣聽

讀樂史太真外傳

白傅歌長恨盧家歎莫愁寵專趙皇后驕  
過武安侯馳使分龍腦胡兒共鳳樓三郎過羯  
鼓六樂有笙篴指借鷓鴣弦辨聲隨玉笛悠悠荔  
香殿中奏狐火夜來篝義警拋河裏黃裙逐  
水流驚馬逢山下鬼慘絕樹前頭自是輪臺悔  
非關越女浮居然賊聞報也復淚難收南內涼  
州曲西風蜀道秋臂環金粟在懷袖錦囊留  
術假鴻都驗魂從上界求他生更相合只怨此  
生休

鄞縣趙叔孺先生遺墨展覓季遷為轉徵  
文字

四明臨觀暮雲深遺硯傳衣有嗣音  
魂寄秦碑與殷鼎名歸文苑又儒林  
石如治印稱雙楫韓幹成圖直萬金  
片玉零縑留海外摩沙手珍護後人心  
內人初學畫畫松

東西南北記行蹤幾度忙閒形影從  
吾老學琴妻學畫晴窗初畫一株松

友人約同江邊採枸杞頭佐夜飲  
晚晴籜詩

酒會因未能赴

采芑春江畔登盤詡嫩菘因之伴仙侶未及訪詩  
翁亦願聯吟樂從教覓句工五言四十字聊復報  
諸公

既以氣候驟熱怕出門兩處皆未去疊前韻

自調

竟未嘗豐芑何須羨次晚菘空懷佩蘭客不見采  
薇翁老乃出門懶窮斯下筆工眼昏兼頸癢當  
夏畏天公

張麗門茲闔見贈其尊人所印嶺南近代四家詩  
用蒹葭樓詩集中校節庵先生詩畢後所作  
詩韻賦謝並呈魯恂先生兼寄芑均季高伯羽

天邊喜讀四家詩詩主心靈不僅辭善寫真情  
有深致力刪高論更卑之事同蒼水艱難際  
身值翁山困苦時終古嶺雲遮遠目白頭吟望  
補題遲

時昭瀛輓歌二十韻

我識昭瀛歲戊子屈指今纔九年耳同曹內

外鴻燕分兩心契合膠漆擬述職我自古已歸  
相從白下訂交始見君貌溫而性剛非則曰非是  
則是遇事然諾不苟為諾必其行無所委察如  
渤海雋不疑賢如關西楊伯起我或治絲益棼  
之絲棼分髮亂賴君理奚帝拔吾泥淖中還為  
置諸廣廈裏光明正直如時君盱衡當世更有幾  
此語豈是吾私諛眾口所同非溢美憶昔訪我比  
利時徹夜對酌良歡喜君好酷酒年復年以此  
腐心竟致死當時不以節飲規及今追悔長已

矣君之奉使赴巴西道出此城病攻體聞其見客  
怕多勞咫尺竟未及往視纔到五月凶問來天乎  
何辜乃復爾可憐身是中朝人一旦死作他邦鬼  
孰為昌黎制哀墓銘應有安仁寫哀誄丁家化  
鶴集柱歌楚俗招魂沈江米何當改葬漢上琴  
臺旁永永望見高山與流水

哭叔謨四首

暮年真怕故人稀  
寥寥落晨星况久違  
南國悲歌墨猶濕  
東風凶問淚重揮  
今朝我慟君長

去昨歲君催我早歸永憶驅車來  
餞別舟行鷗鳥故飛飛

相差一歲我為兄四十三年舊  
白友情分席昔時皆讀律同曹  
異地爾成名艱難久守夔夔  
險辛苦來早列國爭心血此生  
消耗盡九原當復盼河清

個儻如看駿馬馳偶然寄示壽  
妻詩雕蟲小技云何用刻板文  
章所不為一代人才苟無記生  
平志事更誰知女郎亟為搜遺  
稿鄭重



携歸整理之

佛家童子潔齋回眼看

時真作識詩成追溯有以

劍仙蛻殘灰只一堆有子可

見在泉臺

開機

發電留音貼帶邊收將狂

地仍千里別去炎天正一全

電裳播綽頂珠圓開絨

櫻脣在眼前

庚青風雨夜八韻

投瓊話風雨報李析庚青老共諸孫戲庸耽一榻  
寧依琴聲緩緩攬鏡鬢眉星星浩蕩鷗浮海尋  
常雀噪庭修辭在誠意有德庶明廷憶昔江  
城別而今歲月經菜花香沁鼻瓜蒂綠成町況  
復園鶯轉仍從夢裏聽

第二首十八韻

梓櫟堅鬆質鵬鳩遠近程室安都會鬧心辨

井波平贖宋非昭鄭無劉詎有羸須知萬鈞重不  
是一人擎手猛虎耽於市寒蟬噤勿聲耳罝羅防肘腋  
偵卒警言京城未免尤而效何由濁返清即看炎海  
上每覺客愁盈否卦終歸泰明夷豈識名紛紛天  
下事惻惻庶民情迹往風雲過時移制度成譬  
如科舉廢寧更帖經呈去國曾三宿投林肯再  
鳴端因貪懶散請莫辨忠貞減飲緣醫眼多  
吟合飯鯖君懷鴻久翥我盼雁來征草以圍池  
綠花從夢筆生前篇步青韻今也限於庚

和慶育

我老唱言

鄉吟燈四

善歌林

壽階平

勳名奕

花月好

通家五

纏絲

內子初塗松一株媵詩別紙為防汙裝成自是呈  
粗枝贈送猶堪侑美酌上壽君當為伏勝清  
標今更見林逋五年之後吾七十欲丐償詩與  
畫圖

丙申年十二月十七日少川法官七十生辰獻詩祝壽  
第二首三疊公十六年前所作詩韻

生在東坡兩日前風裁文采若神仙尖叉唱和催  
金錢鱠炙羅陳薦壽筵攬轡乘槎鮓列國  
先憂後樂壯當年日知錄本君家事異域他

時必競傳

暫憇心猶思世事難  
星明南極遠天看  
奮戈誠願奔輪駐  
銜石仍期大海乾  
往日從遊將卅載  
今來話舊每多端  
行年七十身彌健  
松柏青青耐歲殘

余廿三年來作詩二百四十九首  
吾妻鈔竟裝冊冊尾  
有贖紙殿以此詩

詩乃吾家事傳來也  
滿管颯脰躡躡須待熟  
織錦必求精  
桂掩含羞月籠馴  
學語鸚鵡玉溪用剛筆  
所寫是柔情

夢迴

夢迴金壁屬明誠何減銀河此夕盟日暖長春花戀  
蝶風微嫩綠葉藏鶯亭前且喜波聲靜山下重  
看玉色瑩料爾雙親聞鵲報互誇游嶽願今成

兩兄近作五七言絕句各若干首由咸珩香港轉寄用  
韻選和二首

孫女亭亭五尺高外王父為講離騷弟兄垂老登  
臨健遠道賡歌也自豪

萬里長江一線橫洞庭遙指只成泓東飛十一年

前事迴想猶教倦眼明

丁酉元宵擬古詩四首

坤輿繞日轉形體若圓球箕斗在南北其旁有牽

牛置身被星裏反瞰人間州爛爛復閃閃得毋

相同不其飛燕與飛鵬空中大小鳥所圖在南溟

奮翼何天矯燕子雖體輕銜泥梁上繞迴翔綺

窗間朝夕恣傾倒人乃兩不如徒然恃機巧盈

盈天上河淺淺池邊草其二孟荀論人性善惡當

誰從所尚亦各異有奇有平庸嗜癖或成癖



舐痔或論功妹喜所喜聽裂衣繒證性克又聞殷  
姐已一笑在烙銅太極至無極美哉執厥中孰言非  
樂土地厚天則崇蜀黍味頗甜櫻桃果先紅其今  
夕何所讀古詩十九章雖然文字短只是情意  
長言豈必有物人尤不須詳吾今讀吾詩亦且

聲琅琅

其四

和梅村無題四首欲效其體而未盡似也為某君賦  
解珮當年碧水潯桃花千尺一江深飛龍藥店  
仙姝骨集鳳簫樓玉女心晴日棕櫚雲淡淡薰

風薛荔晝沈沈多情肯讓繁欵輩燭炮更殘  
費苦吟

儂身似絮糝煙輕一別蕭郎萬里行灼灼癡態  
淚偷聚鶯鶯憔悴事難成靈襟秀氣憐柔態  
強記多聞慕令名漫說他邦遙負笈此心長在  
五羊城

團扇秋悲且忍之剛柔相濟女中師端因夫婦  
存真愛不是心情減昔時離亂何期重握手殷  
勤那免更牽思也緣文士多瀟灑託興梅村

四首詩

為覓靈蹤得浣紗谿流日夜換年華  
尹邢明慧還相見椒絮清新合互誇  
紅萼兩開欣有主小喬初嫁允宜家  
姮娥捧出圓圓月恰照妝臺一朵花

丁酉五日詠屈原

牖飾菖蒲葉筵貪角黍盤榴花迎夏至  
鵝鳩叫春殘白日雲偏蔽蒼松歲自寒  
我醒憐爾醉孤憤共誰歡  
激灑常持鉢崔嵬必正冠  
闌風朝縹馬河

漢夕鳴鸞可奈充幃檄徒然滿碗蘭女嬃諄羽  
野漁父笑江干貌是三閭稿身寧一死難猶期哲  
王寤庶保舊邦安復夏堪躬任逢君中象謹洎  
淵潭水逝遺象楚都看此亦尊駭客相從祀  
講壇年年重午節吟罷酒杯寬

大嫂今年七十大哥六十九作歌遙祝

榴花照我眼菊花盈我手嫂生光緒戊子年兄少  
一歲歲己丑兄逢重午嫂重陽生日各在旬餘後嫂  
年政七十兄亦六十九正如兄詩之所云雙雙古稀媪

與叟春申江上一小樓  
賸留書籍千冊守不辭朝  
夕整理勞所願先澤永  
不朽百年偕老此方中  
子又生子同上壽忽憶  
嫂初來歸時我方十六  
猶吃口龐氏姑母頗善  
謔問吾亦欲娶婦否面  
紅不答轉身走我今亦  
有孫男孫女各二人共  
喜文章碩德傳世久圓  
月萬里心遠天一杯酒  
榴花照我眼菊花盈我  
手

井中兒歌

海濱趕車人掘井以灌  
圃井幹未及裝亦無他

攔阻跳踉一男孩落井如落甌女也聞變歸驚  
惶翻無語阿爺適在家對井徒延佇長綆拋一條  
雖攀力弗許誓當從救兒倉卒去覓斧持斧亦  
何為鑿梯心良苦鑿梯旋復停所怕泥沙堵下  
視逼電光兒之手可覩兒啼亦可聞父子相爾  
汝繼乃寂無聲夜深益淒楚為通顯氣鮮聊禦  
濁氛侮更為役短衣用遮兒胸肚詰朝人益多  
千百來成聚咸具惻隱心各勞剛強背艱難共  
穿坑架木為撐柱對峙在井旁相離十數武其

間隧道連粗細接管五有坊者蠕行到兒所墜  
處井深二丈強水淺纔濕股清氣與短衣生機  
保如縷負兒井底迴觀者歡且舞張目喚爹娘  
爹娘淚如雨

叔謨亡正一年用其兩年前所作壽妻詩第二  
首韻補和追念寫寄星加坡兆敏夫人閣筆  
黯然

鴻光枉結百年盟寡鵠南飛北遠程天上玉  
樓人不返篋中泥雪墨猶明皇皇半夜憂

時急矻矻終朝視命輕忠愛為懷纔下壽  
親朋淚盡意難平

余夫婦挈兒孫輩暑中同遊近段海灘長幼  
十人為歡竟日

時艱固喜一家完居不同城聚亦難待得長  
男值休假携來婦稚整團藥沙深豎傘能  
遮日海大生風尚怯寒赤脚諸孫尋蚌殼滿  
筐相與戲平灘

吾生取譬言借枝蟬一樹殘更意豁然蔬豈伯



夷山上採屨非東郭雪中穿瀕衰翁媪誠懷  
土過半兒孫且受塵四海為家廣新義高  
卑地厚與天圓

少公贈詩用亭林酬傅處士詩韻答謝

炎風駭浪咽清笳萬國宮門駐使車鄒魯平  
亭喜無訟湖山登臨見歎誰家昔年陪飲葡  
萄酒昨夢同看白玉花見貺新詩申後約江  
邊更欲近歸槎

寄慶育

君家嬌女伴新郎捧到文鱗字幾行花盼  
一枝路非遠屐登五嶽願終償簿書無減詩  
詞興壇坫何殊粉墨塲斷句街亭方試唱  
重逢猶欲詰宮商

孔子生日為晚晴笈詩社作

詩社聯吟侶相從詠聖祠大名懸日月崇德配  
乾坤用舍心無貳焚坑道益尊仲尼生此世  
何以挽渾渾

那威國王郝庚第七輓辭

白雪千峯迴殘陽午夜明  
蜃樓呈采色漁艇雜  
歌聲北地添王氣新都  
近翠旌開基眾同戴  
析土兩無爭克己繩前  
哲勤民致太平堪稱垂  
拱盛允協大橫庚獲攘  
追亡鹿倉皇附駭鯨五  
年經播越一柱尚崢嶸  
唐主迎奴願秦甥送舅  
情收京憑憑與國復辟  
慰蚩氓昔我兼三節曾  
來拜九闕如聞申酒誥  
所念在蒼生浩浩東流  
水匆匆一子枰庸知非  
本意早料此魚名世正  
遭多難天胡禍老成昭  
華遺玉琯承露冷金

堇望斷綠山鶴聽驚馬子晉笙篴中留賜綬  
迴憶有餘榮

閏八月十五夜

客星高伴眾星稠繞地朝昏十五周儘說蘇張  
視吾舌倘憑鋒鏑陷他矛吳剛桂樹疑能斧子  
驥桃花詎可求萬一弭兵猶有望銷將利器作  
鋤耨

嫦娥本自耐高寒絳闕迢遙氣象寬靈藥  
偷來煩兔擣曉珠裝定得胎完今宵更唱東

坡調卅日重看白玉盤  
舊館黃楊經幾閱可能  
長倚屋簷安

和二穎並示靈琰

縱說觀棋近上都管他誰勝更誰輸  
先君察我孩提性寵錫嘉名不寫儒

酬詩只是頌椒聊  
最怕逢人議論高  
喜爾多才復多藝  
云朱文五字小松刀  
原作蕭豪通用

和季高

退食詩篇便與親  
吟來兩首寄閒身心平

處處皆三徑日暖年年共一春  
長子新村從買宅姻家近段好  
為鄰吾儕同看雛孫大即是淵明記裏人

同州今後益相親不管陶勤嵇懶身  
新屋尚無花滿圃北窗須聽鳥鳴春  
堪誇得此聯吟侶更喜長為有道鄰  
唱和詞壇賴公等吾衰願作濫於人

同詠余用東坡韻詠雪

浙浙霏霏入耳纖開窗益覺北風嚴  
飄空已看

輕於絮遍地俄成白似鹽圓壁方珪細填縫垂冰  
流滴璨承檐村居極目鄰成畫雪後斜陽映  
樹尖

樹尖斜日有歸鴉老就兒孫此駐車一角園林  
欠梅萼三春庭院憶桃花後琴却敵歌丞相  
刻燭成詩讓親家黃竹何殊周穆滿揮毫曹步  
與溫又

再和尖字韻

勿謂東坡用韻纖詩才彌大律彌嚴心憐當

世蚩蚩眾句掃前朝昔昔鹽對月青天人把  
酒聯床中夜雨侵檐文章貴寫真情致肯為  
浮辭費筆尖

越五日又雪再疊义字韻詩足成四首

未須催雪怨寒鴉銀海今仍困客車歲盡瓊  
枝早辭葉春迴琪樹定開花衾裯村舍冷温殘

夢凍饜神州愴萬家省得雞鳴瀟晦意坡仙  
當更賦尖义

和鈞第庭雲松合餞余行酒酣余再詩和鈞



則命拈一字為韻報以牛字相約各成七律一首  
因賦謝

餞別投詩子建儔梁園鄭谷此名留持杯怕  
聽三聲笛讀賦愁登四望樓自是鹿鳴偏認  
馬無端蟻闌或疑牛羣言逢蠶起歸楊墨軻  
愈當今孰與謀

牛字韻詩和和鈞

詩來吐氣欲吞牛步韻吾慙秃筆羞醉意依然  
牽別袂吟情且復壯行翰參差枯樹寒天靜隱

現輕車大道悠倦眼閉門無個事嚶鳴更盼  
幾篇酬

移居白珊四達村紐約城諸戚友或置酒相勞或  
見贈佳篇或走送所贖別後賦謝

為我移家遠樹邊蒲萄美酒佐離筵  
離前  
要種新秋菊宅裏還鋪舊日氈  
勝侶頻年聚  
東井高歌幾度奏鈞天明春花信能來否並  
轡從容互後先

牛字韻詩雲松見和兩首  
第庭一首  
疊韻答寄

雲松並寄第庭和鈞

瀛海東西早作儔  
幾番離合雪泥留  
此身隨地觀棋局  
其毋行觴闌酒樓  
壯士鴻門啗生彘  
庖丁經首失金牛  
鯨鱗成縷珠成柱  
杯箸重逢

更與謀

贈季高

君後東坡兩日生  
讀書堆裏見真情  
併將憂國悲天淚  
收入含商吐羽聲  
發憤學詩須杜甫  
激昂論事是匡衡  
歲當己亥逢花甲  
淮水舒

舒又一觥

除夕前二日又大風雪

滿天飛絮密還纖  
而務暗雲低氣象嚴  
一片瓊枝媚西子  
幾株髡樹醜無鹽  
宵深人醒衾成鐵  
日出冰消水溜簷  
門外皚皚堆尺許  
迴旋怒吼北風尖

戊戌元日感事懷人用東冬韻試筆

大地環天狗阿房宅祖龍統  
憐靈藥誤梯數魚魯般工假  
借民為貴蜩蟾力是崇城慳  
和氏璧

日落有窮弓造器多戕巧經邦獨霸雄痛逾勾  
踐膽精鍊莫邪鋒直待三能耀從收十駕功安  
危鈞宇宙得失任雞蟲屋以村遙靜雲因雨霽  
濃桃符新換舊綵樹綠參紅過竹即童孫喜攤  
盤餅餌鬆班昭叔皮女孟仲永平中故事須求  
切前賢敢妄同西風千里雁瘦月五更鐘鐵笛  
娛船角銅琶隱泝東鳴鸞懸圃遠拾翠洛  
川通伏蟄寒方盛馳駒歲又終自嗤詩思澀一  
首送三冬

和王仲文牛字韻詩

閉門惟與子孫傳為避喧囂僻處留也願餘  
年託村舍何嘗殘夢落湖樓冲霄比翼昇  
雙鶴擲地成聲喚萬牛老去寧談天下事  
况吾兼拙稻梁謀

戊戌有感同雲松和客韻

爭留落日返樽桑終西貝當年意氣狂具獄王  
涯罹慘禍投明張儉寄遐方開緘頗覺新  
詩好發篋猶看舊集藏記否玉谿傷感語

洪爐今昔怨難忘

孟子生日為晚晴社詩社作

山岡接孔林終古柏森森里是鄒邾舊神非俎豆  
歌一夫軫殷鑒三宿證丹心亦有南雷語君臣闡  
義深

岳軍云人生七十方開始既壯其言因為賦祝

將軍甘苦必親嘗為念衰親卻壽觴新膽靜  
觀萬方變海桑難挽百川狂何堪酒憶郭筒美  
且復蘭闈島地香七十晨曦傳壯語齊年陶

翟各康強

錢老伯母王太夫人八十自壽詩令愛壯華邊和  
敬賦

幼學曾身任說說聞範醇諮年逾八十得句  
益清新異域懷嬌女南樓拜老人明春外孫  
壻補祝託文鱗

何處

重陽後二日第庭和鈞雲松諸伉儷又公攜相  
與招飲陶陶酒家階平與余兩夫婦皆見



邀賓主十一人第老年最長豪飲猶昔越七日  
為階平七十二歲生辰和鈞循西俗為獻餅  
插燭先期祝嘏壽翁既熄燭滿坐分啖同  
慶別後用和鈞舊贈階平詩韻賦寄

何處鴻泥無爪痕況今秋樹未全髡重來杯  
盞傾離緒一別詩篇熨旅魂鮫字紅箋逢勝  
侶餅盤熒燭壽賢昆問誰最識酒中趣須  
讓鄭鄉通德門

貓

隣家畜貓諸孫促弄因記童時嘗觀貓捕  
鼠眈眈而視闐闐其聲且擒且縱鼠悚息不  
敢動動即伸爪攫回終歸齧喫近從雲松所  
借溫竹垞咏貓詞三篇又錢葆喬原作一篇  
皆調寄雪獅兒極體物之精妙而未寫  
捕鼠狀旁徵諸畫家亦無及此者輒為翻  
成五言十四韻補標新詁用所具前賢

錦帶張家譜獅兒秀水詞籬根尋紫芥石  
畔傍戎葵蛺蝶飛金鑲蝶姑拂綵絲繡整伸

手撫羅襪著鞵遲顫就爐邊坐饑從穴裏窺  
虎形方逐逐鷹爪正任任齧敬言磨牙響饒驚  
澤吻垂因循三歲慣畏蔥兩端待卧任紅氍困穿  
惟破壁嬉明知殘喘頃當作太平時食粟今空  
羨過河只自悲銜唇姑稍縱屏息敢輕移壁言  
值嬴秦噬終成六國危不仁真確論為汝補

題詩

德潛之亡後叔謨兩年半又弱一個詩以紀哀  
化鶴歸華表騎鯨拾玉盤徐陳嗟並逝芝蕙

歎俱殘朽木相逢始春申互別難匆匆逾卅載  
歷歷正多端昔值玄黃戰橫飛赤白丸吾居差僻  
靜子至共眠餐休奕謂篔簹同投宿危城慶苟安尋  
思驚歲月補詠有悲歡自是為郎久何嘗把  
劍彈迴槎成老大就舍喜團樂豈意遭顛屢  
翻教痛倒瀾霧深迷萬里雲暗隔千巒友憚  
蘇純直人憐范叔寒端因傷左衽未免類南冠  
困苦終罹病痿隨竟蓋棺拙詩邀獎借鈔本  
趣雕刊選字無韓愈論文失子桓幽明如有

路更寄故人看

雲松屬題冊頁美方試畫墨蘭余為寫題四句

氣以幽芳靜裝惟樸素宜此中真率趣寄與  
筆尖兒

珠簾寨歌為家夢夫人作

唐室膺符傳廿帝壞在強藩與宦寺一自朝廷  
失紀綱終教姦賊窺神器後有黃巢前祿山  
長安陷落禍循環撥亂兩頻胡馬力收京始  
牙乘輿還沙陀今隸新疆治古爾班通古特地

有姓朱祁名赤心從破龐勳國姓賜其子克用  
定河東封王因據晉陽宮皮鞞緋服奮飛虎獠  
箭張弓獨眼龍王妻劉正曹側室曹日生存勳真  
傑出義兒功最推嗣源臣本蕃人邈佶烈雲州  
疇昔奪城來殺段文楚門雞臺天子欲誅旋  
拜使舉棋無定也堪哀此日勤王奉敕促軍號  
鴉兒起邊服問鼎原存楚子心興師寧待秦  
庭哭齋詔乃是陳景思知兵繼有周德威三垂  
置酒將鬚笑百戰復仇告廟時後唐繼梁國

祚短賢如明宗五代罕敷以文教收武功初印九  
經澤尤遠焚香夜祝聖人生中華庶可致日升平  
阮運無如當百六黎元那得見由庚却說莊宗喚  
天下粉墨登場意瀟灑扮來倘即是而翁傲態  
雄姿恣描寫我親家母在甞能風儀端整步紆  
徐絲竹賡歌具規範主賓對唱聽唱于試憑圖  
史箋劇本頗有異同有增損賭將珠簾秦之  
名他時查出一瓶畫君不見宋藉蒙古以滅金而  
滅於元後來三桂乞清師一片石之戰遂致爰新

覺羅主中原從知因人之力者用非時若不善  
用乃是禍之源敢因觀劇進斯言

和慶育

地僻村遙路易迷定居寧復說幽棲君狂醉作酣  
眠阮我懶醒成獨立愁酒後轉喉音錄帶雲間過  
翼雪留泥莫嫌童幼媿隅慣改姓由來溯日

碑

和雲松

勝會年時結伴從蘋花院裏託高蹤同為



亂世陶元亮莫作窮途阮嗣宗小極因書靈  
藥眩輕寒欲借短篇衝此詩吟罷成三百贈答  
聲中人未逢

擬擬意用義山韻

余最喜誦義山五言長篇十六七年來思數  
其體先後得世首舍親季子高近著季子高  
隱評論一書自謂發端於讀吾父所撰季  
文今我此詩之作亦猶斯意他日拙作全  
稿付印時必併以吾父此文重印於後藉

識辨香玉溪生之意云爾 己亥三月

聖女原名郁仙家或氏侯君房迷海外子晉謝  
山頭惆悵龍蟠窟離奇蜃幻樓臨文真得執力落  
紙轉含羞獺祭知宜戒魚銜出有由猶能工淡  
寫況最擅濃鈎便有閒情動何妨豔語求揚  
州牧之句北斗少陵愁翠帶三眠柳紅裙五月  
榴嬌鶯聲細細芳草綠油油值夜聞搖珮  
風看打毬自從軫絃柱無復戀笙篴客  
塔菊魂歸隔世洲驚心殘甲子舉目舊金甌

白日斜將暮春光去不留嘗因王室禍誓言共主  
君憂感事多高詠迴天賸小舟前賢千載  
上逝水百年流駭浪今誰挽危檣我自收詩偏  
慙璞筆嘯竟吞青喉只是娛童稚非關避  
督郵幾株疏樹遠一片碧雲稠夢願瑤妃遇  
神猶穆滿遊素心終不易異李與同牛  
贈袁守和伉儷

袁君任事美國國會圖書館余因其介  
以先君子手批安樂鄉人詩藥夢詞辛

未初板本一冊又起六十三歲訖八十三歲廿  
 年間所賜問泗家諭一百九十六通贈館珍  
 藏乃用吾父贈譚志賢先生詩韻賦呈  
 守和伉儷袁夫人為桐廬袁忠節公  
 昶之孫女而華亭沈文維賢之外孫  
 女也

親在親亡孝思同為存先澤故書叢看  
 君身託瑯嬛穩羨爾門懸著作工遠紹  
 西京劉子政空懷甫里陸龜蒙更兼賢

嫂忠臣後廷對臨危一代雄

寄袁試武

歲壬辰合肥袁君試武檢先君子詩集中典故約三十事介李次貢函詢來歷余為查答十三四條試武投詩紀事余亦賦和寫寄今次貢下世有年客中嘗遇見其夫人相對黯然嗣余又發篋續查並展轉函問兩家兄復湊得十餘則補覆袁君媵詩二首

音容我父邈何存  
廿卷詩文付子孫  
但願楹書千載在  
從看庭桂百年尊  
尊校慙亥字猶為豕  
箋幸人金車尚識根  
一紙簡齋問來歷  
謬疑雲際到諸昆

父書繁博費搜尋  
條問知君用意深  
學術從來闕世運  
倫常畢竟繫人心  
江鄉醉李餘佳詠  
巷陌垂楊動遠吟  
最是鯨謫仙去沖  
虛相對念知音  
大哥以光緒甲午  
丁未兩照翻印片  
轉香港見寄

百年復百年尊長影中見  
堂北桂花開色香  
長不變

襁褓而童顏童顏而白首  
雖云悟自然悲喜  
情常有

答慶育

亦有羊城客詩詞兩擅場  
貪多同秀水愛好  
擬漁洋老去狂名遠  
今來妙藥張丹田神化  
處最足證康強

苦吟到七十印稿自為娛  
覆瓿人今古懸門

事有無難鳴九皋鶴易濫一廷竿異日歸  
刪汰當同掃積蕪

女兒歸於陳生惠文

汝嫁同行婿汝親心兩安直從求學切彌信  
做醫難棲上鳳聲起簷前鵲語乾盟堅金  
約指老眼喜今看

做人師爾母進退兩俱安為識鹽齏味何  
愁柴米難鑿深金可鏤石小海能乾勤業  
須同勉雙雙比翼看



# 長亭怨慢

一九四三年十一月七日晚倫敦市某區敵機投彈一枚  
毀跳舞場電影院乳酪館店鋪若干家傷一百  
四十八人斃九十餘人越二日往視頽屋焦土愴惻久之  
且休說劫塵難追海上三山依然燦爛混沌當年巖  
藏穴處暮還旦平原苦戰血不染瀛洲岸隨地是  
桃源那怪得熙熙行行夜半正婆娑樂舞忽聽  
天空投彈。樓崩棟折將賓主都成漫漶。一轉眼電  
影雲痕恨今夕無辜同難。賸死裏逃生忍看骨

殘肢斷。

卜算子為廣起題蔡松原靜女圖

不是訴閨情，偏把閨情寫。白紵羅衣翠袖雙，更  
比紅妝好。眉嫵遠山青，鬢負壓濃雲瀉。誰省文人  
寄興深，心手同瀟灑。

蝶戀花

補和唐心畬贈南浦詞

爛漫百花春陌綺。想像氍毹遍地鋪紅紫。澤國  
風光如此美。君先我後中華使。話舊情深黃浦  
水。南浦新詞蘸墨淋宣紙。移節節相思仍萬里。

瓊琚未報投之李。

念奴嬌

去秋客遊重慶開封靳仲雲贈詩匆匆未酬亦  
竟未相值旋余回比利時任所暇或讀迦陵詞用  
集中呈李湘北太史韻與子填此闕補和仲雲今  
年正七十因以致祝比京館舍仲雲代館時所買  
是以後半闕及之

夔州辛苦喜還京重見鍾山銜月。昨歲參商慳  
一遇為念馮唐白髮。突兀繁臺潺湲潯水懷古

情真切。高歌慷慨，新詩未和難歇。四 憶昔海客乘

槎，胡姬解佩，且把羈愁豁。買宅楓林，賓館敬花木，  
分明泥雪。巢近鳩居，人逢瓜代，早棟楊枝折。懸弧  
家慶，兪觥醕醑，清絕。

水龍吟 懷昆吾並預祝其六十壽却寄

鷓鴣比翼東還，重尋門巷同攜手。馬空四壁，陶  
荒三徑，園廬非舊。獬豸秦冠，繡衣漢節，萬民翹  
首。看于公定國，從容折獄，書一卷，編成否。孤島曾  
驚刀斗。更倉皇避兵昏晝。石穿桂嶺，雲頽蜀棧，

間闕奔走。憂患餘生。亂離往事。付之杯酒。愛江南  
風物。月圓花好。齊眉長壽。

金縷曲寄俞皞如

得酒休辭醉。況江鄉春光一片。靚桃穠李。鸚鵡洲前  
湖水闊。淡淡遠山雲際。笑蹤跡。天邊久寄。永茂酒樓  
猶在否。盼來年歸訪我。濤輩投轄飲。定多喜。羸  
劉興廢。蘭榮悴。眼看他從橫。裨闔唇焦舌敝。泗也濫  
筭壇坫。上壁上觀兵而已。夢魂裏猶尋吾子。四十年  
前同負笈。浪淘沙東去。長江水。舊白鬢黃金。舍早頹矣。

念奴嬌 呈陸子興先生

暮春初夏，看青青曠野，晴光滿樹。帝佑善人徵上壽，  
正值七旬添五。每謂先師許公遺訓，若黃鐘仙品，典型  
猶在，從頭細為余語。久矣寺舍藏身，天闈託命，  
卧綠陰深處。此日玄都頒異數，佳話傳今，超古明道  
文章，迴瀾心事，詔舊時僚侶。夕祈晨禱，神州早歇  
金鼓。

念奴嬌 那威京城贈筱珍

舊都紫夢，正荼蘼散雪，楊花粘樹。曩日同曹猶

有幾，只剩晨星三五。觀樂延陵，毀垣子產，晉有行人  
呂才難同歎，可能無痛心語。且看碧海青山，艱難  
復國，尚不遑寧處。最怕天心，仍喜禍變，幻浮雲今  
古。雪白千峯，日高中夜，稱此煙霞侶。歸無他物，算  
惟有禰衡鼓。

長亭怨慢

日內瓦公墓弔王石孫

更添了無窮情緒。舊碣新阡，夜長淒苦。四面晴巖，  
一天春色，尚如許。令威歸也，魂繞著青青樹。離索  
兩心傷，怨心只怨幽明途阻。追朔憶臨歧握手，共

坐小窗深語。危城弭節，道珍重這回西去。到此日  
訪墓憑棺，儘思舊相尋何處。賸萬里梁妻空向  
天涯凝竚。

綺羅香

慶育往巴黎旋回金陵先後道出北京為步玉田原  
韻賦贈並寄黃貫道袁子健

曲誤迴瑜，酒醒驚鶴，卓才氣要防招妬。曼玉敲金落  
紙盡成佳句。正忙聽乾鵲喧簷，忽更報曉雅辭樹。  
共西窗剪燭高談，散筵客又上天去。炎官驅出逆  
旅。猶記同尋香徑，狂歌如許。雁唳衡陽，翻入渭城  
新譜。只當時別酒三巡，併今夕離情千縷。便東歸



再過秦淮，可能懷舊雨。

百字令

天醉方酣，強鄰逐客，庭陰如晦。老樹催人，乃偕吾妻約同館諸君夫婦，夜飲席間，傳示此篇，滿座默然。

意長牋短，看燈前多少舊朋新侶。草草歡筵，賓館夜把酒行觴，無數黃葉聲枯，西窗風緊，幾陣涼秋。雨寒衣時候，試吟上部詩句。萬事須問天公，風塵擾攘，何處容歸去。記得昔年重出國，回首吳淞江浦。故紙生涯，他鄉情味，擬挈妻孥，位舉杯同飲，相期珍重前路。

陌上花，携内子重遊荷蘭花田，叔謨士銘兩夫婦偕去。

歌聲陌上重遊，恰趁踏青人滿。易主誰家，忍過舊時庭院。相逢莫話滄桑事，生怕說來淒黯。況吾今六十，昏瞽催老，乘輶良倦。儘平鋪稜稜，春寒料峭，歛蕊舒苞，參半矮屋晴烘，婀娜百花開遍。水晶盤裏，蹁躚舞，嬌憶漢宮飛燕。算河清可待，他年佳約，也應同踐。

燕山亭 和韻寄慶育審音

駐日揮戈，填海障瀾，此舉真成孤注。遙愴陣雲，近踏芳塍，多少偉男髻女。興盡歸來，却連日尖

風疏雨。良苦。怕豔紫媽紅，落英朝暮。聞道兵裏  
饑荒，且取啖花根，悄然無語。天轉地回，轂擊肩  
摩，重過舊銷魂處。絢爛春光，總漸被綠陰催去。  
何據。天正怨此人難做。

蘇武慢

用慶育韻寄筱珍筱珍方自外交部秘書出  
任南斐聯邦總領事

淚落新亭，轍環天下，長物一生無有。歸依記室，出  
指仙槎，得此笑稱鷄口。南國海隔山遮，聊憇風塵，  
借棲巖藪。料關心赤縣，淪胥饑溺，盼誰援手。

聞說是謹慎文書，艱難身俎，舊地折衝還

又。三山縱遠，一葦能通。定有幾封箋奏。猶記年  
時唱酬。鯨海春光。漁洋秋柳。問鷄林賈客，更索  
香山句否。

法曲獻仙音

癸巳四月十八夜顧氏鄉廬笙歌盛會用草  
窗韻為填此解寫贈男女諸歌友亦東家  
施效顰之意也

同客天涯，遠懷鄉井，海水蓬萊深淺。拔劍高  
歌，貫珠嬌唱，聽他羽移宮換。我不是周公瑾，

相逢却嫌晚。正淒黯。趁良宵頓添詩思。重歎息。  
當日露盤登輦。畫地作氍毹。看翩翩。疑近疑  
遠。直到更殘。聚華堂賓主都滿。更一聲橫笛。  
似訴玉關哀怨。

點絳脣 鄉居春暮

一夜沈吟。鬢眉邊。白髮添多少。怕聽啼鳥。天色聲  
聲曉。花謝春殘。春被花催老。門前道。映簾生  
草。樹裏濃陰好。

憶王孫 兩兄屢以近作詩詞鈔示雨夜有懷

絳孫抱了抱修孫。想起連枝入夢魂。伯仲吟聲  
一四  
難得聞。正黃昏。雨急風尖頻打門。

憶江南 紐約城初夏晚眺

燈火滿千戶萬廛中。仙棹掠雲疑過鳥。寶車  
連轂似行龍。初夏尚涼風。

卜算子 靈琰來會余夫婦投之以詞

海內未相逢。海外猶相聚。若與殷勤唱渭城。弄  
笛知何處。袖拂軟綃輕。步轉凌波去。幾度罷  
能幾曲歌。合璧看雲住。

摸魚兒 用從曾祖蓮生公除夕寄內韻示內子

看青青苔春春光景，風吹池水微皺。卅年夫婦同  
甘苦，早見雪霜侵首。拋印綬，都只為兒孫遠隔。  
難消受。悲歡憶舊也對客傾杯，聽琴度曲，肯為  
旅愁瘦。當時事，兵裏偕離虎口。征塵偏浣  
衣袖。簡書催促乘槎去，飛向危城還又。相耐守。  
更世變紛紛，重到爭棋候。孰贏孰負，且緩步橋  
邊，低吟樹下，羣幼共攜手。

浪淘沙

用後主韻，因製其體





因此視為畏途云

圖南路。可有處士梅花。逸民桃樹。連年孤島辛勤。  
征軺暫駐。薰風起處。料延佇。長憶越王樓甲。楚  
人三戶。君歌金石成聲。我尤愛聽中興吉語。送  
想秦淮官柳。毵毵晴日。因風低舞。却怪上天無情。  
春色如故。歸歟怕賦。最是傷心句。詩詞好。屯田待  
制。八叉七步。拙稿商量去。排鉛誤奪。殊無意緒。欲  
印思千縷。何況是吾詩。纖如秋雨。散如落葉。輕如  
飛絮。

水調歌頭 甲午中秋用東坡韻

一八

今夕復何夕，圓月挂中天。世間多少思婦，凝望玉怨流  
年。藥被嫦娥偷了，樹被吳剛斫了，仙境耐高寒。神  
似到天上，身却在人間。露侵襪，蛩咽砌，最難眠。夜  
深私祝團欒似月，缺還圓。酒試薄醪，醇酎衣稱環  
肥燕瘦，何事得雙全。翠袖凭欄久，猶自羨娟娟。

虞美人 代替香吾作

霓裳舞罷，鼙鼓收了。好句題多少。宮商天半送  
薰風。髮髻帶來南斗曉。星中。鬢能粉墨分明

在怕道查樓改。登場惹起百般愁。唱戲填詞一樣  
淚雙流。

### 虞美人

季遷五十一生日徵詩報詞兼為其夫人元素  
壽馨吾製製譜元素倚笛而歌極瀟灑喝

### 于之致

客邊徒有還鄉願。歸夢天同遠。莫教塵新月  
影模糊。一抹暮煙添入畫圖無。今宵為進一杯  
酒。人並丹青壽。茅亭合繪寄深情。恰看白鷗

泛泛浪花生。

百字令

適之回臺灣有期胃瘍驟發割治得痊勞之  
以詞用其四十年前舊作韻舊作題曰六年七月  
三日夜太平洋舟中見月有懷因效其體

直言無忌笑老來。還有狂名。身負作客他邦。却為  
了。講學論文留住。共處危巢。偏多私見。惹動心頭  
怒。臺澎在望。整裝聞且飛去。如箭病起無端。良  
醫診罷。為割瘍生處也。喜歸程猶未發。萬事

豈真關數。善刀而藏。形神俱王。閼鋒銛母露。是非  
休管。此言君倘心許。

醉花陰 哀永寧效易安體

人世有如彈指頃。生死疑前定。慘絕是郎君。淚眼觀  
天首。叫終無應。兩番深印紅毡影。歎態柔妝靚。夜  
月正淒涼。寶匣留音。那忍重開聽。

十六字令 和美方

嗟。且聽吾妻筆陣詳。相偕隱。任貝舍。即寧家。

美方原作

嗟。多少兒童笑語譁。街頭戲夜半不歸家。  
嗟。聽慣喧囂不覺譁。貧涼久狹窄慙貧家。  
嗟。春夏秋冬四季譁。三間屋這就是吾家。  
嗟。四座聽歌且勿譁。羈遊慣到處便為家。

又附錄美方浪淘沙一首

遠道報雙安。稍覺心寬。白雲深處雁飛  
難。媿說年前斗升水。無補枯乾。明月倚  
樓看。遙望江干。客邊常得弄孫歡。為念  
成都娘與女。且祝加餐。

十六字令

嗟。鬪吏居然一紙譁。添煩惱，畢竟是他家。

又

嗟。從此諸公且止譁。安排好，去住大兒家。

水調歌頭

大奇嫂生日前已作詩寄祝旋兩兄先後填此調  
輒為同詠放淵曾用李後主虞美人詞韻題數十  
年前平湖老宅雙桂堂前全家合照結語有  
那得陽烏東返水西流之句

老記幼時事，那免雜悲歡。曩兄親迎南返，合  
影慶團圓。祖母雙親，姑女並坐中排，相與吾輩  
立差肩。流水補題語，何處覓慈顏。鯨浪

駭雁音遠看青天。別來幸各無恙。互為勸  
加餐。樹貴椿栢松柏。人羨鴻光。陶翟花好月還  
圓。子美詠夔府百韻祝高年。

虞美人為大中夫婦餞行馨吾製譜

今之燕趙高歌士。腔裏常含淚。登場領袖八音  
均。爨演一科一句見精神。移家挈幼同佳偶。  
講席前游又。中宵絲竹動離情。吾老學琴  
學唱兩無成。

前調馨吾以此調自壽和作



君今六十吾盈七。攬鏡俱斑白。欣聞自壽製衣新。  
腔倚笛度來花月靜春江。崑腔試唱三年  
有。玉茗徒傳授。啓蒙天淡與雲閒。最怕一  
聲天字轉喉難。

### 高陽臺

余去年生日命咸彬買玉蘭矮樹一小棵  
種於宅後草坪今年開紫色花廿餘朵  
平湖吾家西院有此異種樹一株百年老  
幹高與樓齊每歲初春花開稱盛吾

父有句云玉蘭花盛放風雨與春爭捧

日密無隙投階膩有聲藥夢詞有詠

唐花一闕謹步原韻以詠玉蘭花己亥四月

初一日

蛾綠描眉猩紅媚甲做成蝶舞蜂忙紫蕊

初舒漢家鈎弋拳藏高高老榦金院院放

花時記否劉郎送流光。聳耳膩苔階影碎

芸窗。玉蘭妒我閒如許。恁卅年尊俎五字

河梁。人樹爭春東君煞費思量。再生真個

花為骨。用從曾祖蓮生公句又張稷酥粉凝芳。曉簾旁。

嫩瓣銜來，婉燕迴翔。

水龍吟擬代某公吊其僚友所作

蟬媽相業傳家，外孫才望超王父。蘇秦舌敝，  
相如壁返，飽嘗甘苦。世事爭棋，身環雲海，名  
留尊俎。儘斷斷寒言，寒言中流砥柱，還愁被和  
戎誤。猶有仲連風度。奈紛紜眾狙朝暮。臨  
崖冒險，養癰貽患，羣言如許。分異君臣情  
同魚水，吞聲終古。歎乾坤未定，奪吾良佐，  
向窮白去。

鷓鴣天

含南牆根玫瑰花紅豔似芍藥名曰荷蘭之星效竹垞體

二八

小立牆邊細細看。幾叢濃色豔陽天。華清春浴人初困，太白朝醒語自寬。非薄命，

是紅顏。兩灣秋水兩重山。微將凝睇沈思意，暗託朱唇皓齒間。

月下纖柔摘取輕。背人顛罷插銀瓶。燈殘耳熱微紅候，有箇人兒喚小名。行不得，斷腸聲。聞聲最是惱心情。今吾故事辛忠敏，玉慘花愁耳聾勝瓊。

摸魚兒用劉宣閣五十初度舊作韻寄贈

倚新聲自嫌遲暮。偶然塗抹留草。詞人海外  
論交始。曲誤周郎須道。真浩渺。看一卷龍洲  
本是君家調。清奇峻峭。更殘月微雲。吳鹽  
春水。含咀助吟嘯。雙丸轉幾度。桑枯海  
老。故園花徑誰掃。偷兒解得存。甄意珍重  
燈旁堆稿。休懊惱。還賴有長篇短令。行懷  
把得風盼到。使月裏星邊。同游把臂。指點  
地球小。

洞仙歌 詠錄音機

黏磁轉電，正勻盤深印。收放迴環認音準。把  
悲歡啼笑錄取真情，最愛聽圓潤繞梁嬌  
韻。吾親常夜讀，空自琅琅闌寂遺詩百年  
恨。遠客念連枝，重見無期，只看見影中霜  
鬢。縱枕上遙聞雁聲清，怎抵得雲天向飛  
成陣。

滿江紅 十餘年前曾嘗哈密瓜補賦

蠅遣狐藏，看个个龍游虎蟠。吮瓊液，仙桃

欠嫩金醴嫌酸。不靠飛塵馳駿馬。無煩鎔蠟  
薦春盤。有雲車。携致昨田中。今席間。并  
刀剖成半圓。葛巾覆垂四邊。儼昇平氣象。  
座上多歡。璣琲朝來。盃棗道碧城宵去倚  
闌干。乍殘山剩水。念青門徒愴然。

鷓鴣天

瞿季剛祖輝屬題詩禮永懷圖內人代寫

此帖迴瞻路渺茫。圖中喬木是江鄉。蓼莪篇  
與鷓原句。述德銜哀淚滿行。憑紙墨。曆滄  
桑。一門慈孝記同堂。藏楹好為傳。橫幅底

柱終須賴五常。

燭影搖紅

用先君子韻賦贈邁羣夫婦並簡宣閣伯  
羽季高悅聯旬日前余與邁羣諸君十餘  
人同赴庸之先生招飲先生年正八十邁羣  
即席填詞調寄木蘭花慢有尊閣北  
海之語因譜此闋

感慨中仙咽柯移葉蟬聲起真經一卷換羣  
鸞娟秀常如此都是君家舊事且銷憂登



樓賦擬耆英在座，琳瑯尊前老知將至。因憶  
郇廚玉玃豆腐蜂窠細，饒餘也喜啖新蔬。借  
映釵環翠，隔省而居遠矣。問鴻光偕來定未。  
酒酣賢聖詞，愛姜張高山流水。

### 木蘭花慢

季剛出示曾胡二公墨蹟，各一冊，別檢湘鄉  
賸箋兩葉見贈。邨舍壁間正挂有湘鄉寫  
贈先祖吾人公對聯，皆百年真蹟也。

老成誰繼起，貽墨蹟與吾儕。為天下先憂

原才立論求闕名齋。雲臺謀臣猛將復金湯。  
紀事思深哉。縱說功高百戰空。聞志在三台。

全乘禪讓忽安排。既往測方來。似一夜塵昏，  
幾重惡霧，幾陣狂霾。天開風恬日出，掃殘柯，  
舊樹託新荑。更展家藏字軸，低徊動了吟懷。

虞美人

黃色花一叢，萎置道旁，適因拔齒經過，  
瞥見牽連戲作。

先生翻傲昌黎谿。嘴裏銜雙鬚。泥中花亦  
強低頭。遮莫齟齬憐唇怯。這般羞。侍香風韻  
金童輩。頰暈蜂黃退。秋蛩底事歎薔薇。  
難道懊濃。今是昨都非。

疏影

出白珊四達邨。西行約百英里。過圓圖烏雅

城

譯音

折而南。迤邐緣嶺脊。是為天線馳道。

譯義

道長亦百里許。遊客經行。往往僅三分。

一木森森。兩旁松杉楓檜。秋暮經霜。紅葉在

望裙屐遊觀歸道其勝己亥重陽節後  
十五日吾夫婦兒孫長幼六人驅車而往至  
則但見黃葉滿山亦間有紅色搖映晴光  
別具風致仍就所聞詮次成詠

鎔金合璧襯滿林錦繡濃淡秋色鬪艷蒸脂  
招妒榴花裁縫逗入裙褶停鍼爛嚼香絨候儘  
唾向窗邊床側有小鬟慣著輕綃暗裏笑  
郎羞澀爭看酣霜萬木嶺頭接轂處登降  
無迹杏早桃遲嫁得東風似水柔情今昔殘

妝亂鬢，黃落。算只賸耐寒松柏。便幾聲  
枝上涼蟬，不許遠傷蕭瑟。

卜算子 寄靈琰二穎並轉致同來村舍諸友人

酒是麥芽醅，餐食是家常飯。碧草如茵屋  
幾間，恰稱吟身嬾。賓主放聲歌，逼得行  
雲散。莫遣梁塵落地飛，留待韓秦返。

清平樂

追題母親五十六歲小象女最喜喫珍珠  
米與糟燒鯽魚

兒歸萬里。阿母真歡喜。遺影重瞻思。往  
事繞膝晨昏有幾。蒸來玉黍珠圓。烹來  
鮮鯽糟煎。即使今朝侑祭。何如當日陪餐。  
壽星明用敬淵韻壽通尹七十

地隔天遙一樣春光。嬌綠媽紅。湖年俱弱冠。津  
沽負笈吾今垂老。異域留蹤。離合悲歡。陰晴  
圓缺。兄弟三人七十同。雙魚阻。賴崖南道。蘊去  
雁來鴻。園空。雲霧千重。看城外湖樓。想像  
中。念孱腰病脈。藥良鍼驗。勞山漢水。舟穩

車攻詞協堦簾花明棣萼為祝添籌東海  
東琴臺在動聯吟萬里此亦門風

海棠春

盆中海棠四季著花用先君子韻賦此殿集

盆泥好護紅絲嫩守二十四番風信城南工部句  
待東坡續却惹香齋問雖然危這流年  
閨奈未許胭脂長潤鬢買殘釵墮老去謝三  
娘黃四尤齋恨

昆池火起飛灰厚酒未醒釧天先奏花菱花  
發看了只尋常鎮日窗邊守填詞亦有

廿年久。敝妾北曝書亭叟。吾妻併錄，付印有  
三兒展卷宜添壽。

四〇



嘉定項馨吾製笛譜

水調歌頭 甲午中秋用東坡韻 (小工調)

今夕復何夕 圓月挂中天 世間多少思婦凝望怨

流年藥被嫦娥偷了 樹被吳剛斫了 仙境耐高

寒神似到天上身却在人間 露侵襪蛩咽砌

最難眠夜深私祝團樂似月缺還圓酒試薄

醜醇耐衣稱環肥燕瘦何事得雙全翠袖

凭欄久猶自羨娟娟

虞美人為大中夫婦餞行

(尺字或小工調)

今之燕趙高歌士腔裡常含淚登塲領袖

八音均變演一科一白見精神 移家挈幼

同佳偶講席前遊又中宵絲竹動離情吾

老學琴學唱兩無成



祭黃膺白先生文

維中華民國二十六年一月宜祭之辰愚姪金潤泗  
謹於駐海牙公使館以清酌庶羞之奠遙荐於  
膺白老伯部長之靈曰天目蒼莖鍾靈毓秀  
篤生我公人倫領袖公以淵懿非虫聲耳自幼投筆  
而起欲清宇宙幾經患難憂樂先後德望  
在人江南畿右垂三十年畫瘁宵晝國難未  
已公胡不壽我始識公在華盛頓弭兵之會  
側聞談論公時遨遊腰脚甚健高浪長風

獲償所願逾五歲後建節申江置我幕府開  
我矇龍耳入長外交挈我相從濟南之難公在  
軍中大明湖旁火光熊熊全茲師旅保我元  
戎一統區宇克奏厥功彼虎視者其術乃窮  
人或不察而詆媿公公弗與校身退名崇又  
後三年遼東變起河山破碎日蹙足萬里四省  
既淪長城亦圯遂逼舊京灤河之涘公方杜  
門獨居揮涕先雪維霰逆知禍始敢云見微  
言曷能已庶幾徒薪勿貽後悔當事之殷

特命亟下河北重任非公莫可我時從使在日內  
瓦讀公手札淚下如瀉公言此去單槍匹馬以入重  
圍身當烽火吾民稍蘇他何求者塘沽定歛  
乃免兵禍民獲小康公實勞瘁艱苦年餘釋  
茲重荷莫干山巔十載定居左瞰錢塘右臨太  
湖我每請謁一肩筇輿公性剛直接物愉愉  
詔余謀國譬言養吾軀一足之蹠意或不舒矧  
矣病瘳何以治諸發憤長歎吾道真孤公  
體素強養生有術憂悒經年乃得肝疾

我携妻孥歸國五月上海杭州幾次趨謁將  
還和蘭登山拜別孰意此別竟成永訣遺  
言諄諄上母貝白日人之云亡棟榱崩折如何  
昊天喪我賢哲亦哭其私肝腸摧裂衣

尚饗